

Quae puriores fonti de viuo fluunt,
A vase vitium facilius trahunt aquae.
Cui Gallicano laetior currit sono,
Genium Jacobi Maximi solido, graui,
Vegeto, rotundo, masculo referens stylo;
Tralatione Icteri fateor Librum,
Et curari. Calamus hic noster, vice
Canalis, heu quam plumbi, viuae impigrae
Vena fluorem torpido tardat gelu,
Styliq; florem vitiat. Est tanti tamen
Ripis retentam Gallicis scaturiginem
Saxare, vel sic; huic salubrem saeculo
Contra nefandam Regni uortij Lucem,
Contra execrandum Regicidij scelus,
Ac Regifugij molle nomen, ominis
Haud mitioris. tortilis quales struit
Hic Cardinalis, Regum in exitium, strophas;
Perire iussas, inq; rem malam datas,
Jam Jura Declarante Rege Regia.

Quae puriores fonti de viuo fluunt,
A vase vitium facilius trahunt aquae.
Cui Gallicano laetior currit sono,
Genium Jacobi Maximi solido, graui,
Vegeto, rotundo, masculo referens stylo;
Tralatione Icteri fateor Librum,
Et curari. Calamus hic noster, vice
Canalis, heu quam plumbi, viuae impigrae
Vena fluorem torpido tardat gelu,
Styliq; florem vitiat. Est tanti tamen
Ripis retentam Gallicis scaturiginem
Saxare, vel sic; huic salubrem saeculo
Contra nefandam Regni uortij Lucem,
Contra execrandum Regicidij scelus,
Ac Regifugij molle nomen, ominis
Haud mitioris. tortilis quales struit
Hic Cardinalis, Regum in exitium, strophas;
Perire iussas, inq; rem malam datas,
Jam Jura Declarante Rege Regia.

11 E. f.
SERENISSIMI
IACOBI,

MAGNÆ BRITANNIÆ,
FRANCIÆ, ET HIBERNIÆ
REGIS, FIDEI Defensoris,

DECLARATIO PRO IVRE
REGIO, SCEPTORVMQVE
immunitate.

ADVERSUS ILLVSTRISS.
CARDINALIS PERRONII
ORATIONEM, IN COMITIIS
Franciæ generalibus ad Ordinem
plebeium Parisijs habitam

18 Cal. Febr. 1615.



LONDINI,

Ex Officina NORTONIANA,
Apud IOANNEM BILLIVM.

M.DC.XVI.

Cum Priuilegio Regis.

6



Seneca in Oedipode.

*Puncti cimeribus Regis hoc decuit dari:
Ne sancta quisquam sceptrum violaret dolo.
Regi tuenda est maximè Regum salus.*



P R Æ F A T I O.

NON est mihi ingenium in alienâ Republicâ curiosum, ut me rebus vicinorum immisceam, nisi advocatus : cùm Regiâ scilicet, ad quam nasci, in qua educari me voluit Deus, dignitate coniunctius semper iudicavi subditis meis Leges, quàm exteris consilia præscribere. Veruntamen pro singulari, quo fratrem honoratissimum fœlicis memoriæ Regem Henricum IV. complexus sum, amore; pro immenso, quem concepi, dolore ex nefario ac execrando, quo tanti Regis vita, virtusq; interclusa est, parricidio; denique pro recenti periculorum memoriâ, quibus me ipsum propè implicârunt redundantes ex eodem fonte coniurationes, non possum amicorum calamitatibus socium me, consortemq; non annumerare : eò certè grauioribus, quo ipsi, quorum proximè cervicibus imminet, Reges ab earum sensu absunt quàm longissimè. Quos si minùs expergefecerint frequentes adeò commonesactiones meæ, me saltem

grata posteritas, quòd temporibus non defuerim, quòd in periculis tantis, tamq̃ præsens consilij auxiliq̃ conferendi auidus prodierim, testimonio iusto prosequetur: ac futuras, si quæ (quod absit) impòsterum euenerint, Regnorum demolitiones, sacriq̃ sanguinis effusiones silentio nostro nequam imputabunt. Etenim meipsum quod attinet, isthæc huic pectori persuasio penitus insedit, hac præcipuè causâ Deum me in Regale solium euexisse, ut ipsius maiestatem in Vicariis suis, Collegis meis fœde conculcatam vindicatura vox mea, quasi ex editiore suggesto proloquentis, distinctius & à pluribus possit exaudiri.

Verum, in Galliam ut iam reuertar, uniuersis illius Regni Ordinibus in Parisiorum metropoli nuper coeuntibus, spes mihi non exigua affulsit, in illud vnâ omnes incubituros, ut grassanti huic malo remedium aliquod aptum excogitarent. Quid enim aliud gentis illius oculis obiectant recentes Regum suorum laniens? quid conflata nuper, sacrae scilicet confœderationis prætextu, bella intestina? (quæ nempe tempestates statim à fulminibus per Papas displosis illorum capitibus inguebant, non secus ac tonitruorum murmura subintercipit lapidosa grandinis imber.) quid aliud denique

que submonent ad idò frequentes libelli emissarii ad comprobendam Regum de solio vitaq; deturbationem compositi? Nec hac solum spe, sed & gaudio haud mediocri sum erectus, cum intelligerem à populo Gallicano uniuerso (quem Ordo ille Tertius repræsentat) liberam ipsorum sententiam, illo in Conuentu propositam, ac in Articuli formam esse redactam, qui vndique perniciosum illud dogma, hinc de Papæ in Regibus abdicandis potestate, illinc de obtinenda per Regicidij palæstram Martyrii coronâ, utroque cornu multaret. Verum planè contrà accidisse sentio. Fuit hæc enim spei plena Ordinis plebei vox (reuera nil aliud nisi ultimus moribundæ libertatis anhelitus) ad seruitutem aggrauandam, Regumque ceruices sub iugum durius mittendas aditum patefecit. Ut enim, quibus æger non leuatur, medicamentis, ægritudo plerumque augetur, atque ingrauescit: ita remedium hoc à Tertio illo Ordine adhibitum, morbum medici impatientem magis exacerbauit. A deo melam omnem, vtvt sua natura salutarem, humores vitiosi peccantesque superârunt, ipsa castigatione prouocati, factique irritatiores. Ac, vt quod res est dicam, hanc fuisset satius omnino non commouisse Camarinam, quàm, mota quæstione,

finere factionis peregrinae potentiâ victam succumbere veritatem. Quippe cû in celeberrimo Ordinum Regni amplissimi omnium Conuentu, etiam Præsulis doctrinâ ac authoritate pollentis voce, vniuersi Cleri Gallicani nomine perorantis, suffragante itidem Nobilium cohorte, promulgata fuerit, acerrimèque defensa papalis in sceptrâ Regia potestas, nullâ in contrariam partem subsequente sententiâ abrogatoriâ; nec solum hoc, sed & interueniente scriptisq; consignatâ laudatoriâ Pontificis gratulatione, panegyrica hæc, quæ mitræ diadema mancipat, oratio typis, etiam Cum Priuilegio Regio excusa, euolauerit: neque hoc tantum, sed etiam ad me eiusdem exemplar ab ipso authore fuerit dono missum, hac scil. spe freto, quod ex eius libelli perlectione mihi de hoc argumento satisfaceret: his positis, verè mihi videor dicturus, statim à celebrato hoc Concessu, vagam & ambigua lance pendulam, fluctuasse Maiestatem; adeoque ex doctrina hac publicè per Clerum defensa, quis iam sit Francorum Rex haud iniuriâ posse dubitari. Qui enim ad arbitrium nutumq; alterius gestat purpuram, ex Pontificis scilicet Romani Decreto exuendam, is proculdubio Rex est tantum titulo tenus. Nec in temporalibus potest

test haberi supremus, qui superioris cuiuspiam iussu omnibus temporalibus iure atque ordine potest denudari.

Quod si ipsum plebeij Ordinis postulatum propius intueamur, nil aliud eius assertores affectasse reperiemus, quàm ut ipsorum Rex pro vero Rege, & intra ditiones suas supremo agnosceretur, & ut ipsius trucidatio inter opera pia Deoque accepta minime censeretur. Hoc cum fuerit ab Ecclesiasticis Nobilibusque oppugnatum, ac ceu dogma perniciosum, ceu fons schismatum, ceu ianua ad omne genus hæreses aperta tanto ardore impetum, ut palam contenderetur, admisso semel hoc articulo, sequi continuo Ecclesiam a multis iam sæculis in Antichristi Regnum, & Synagogam Satanae degenerasse, iure certè optimo Pontifex literas triumphæ, ac gloriarum fœtas ad Proceres, Clerumq; (fidus erga se hac in causâ assclas) confestim exaravit: nactus scil. de quo iure possit gloriari, deiectam Maiestatem, deuictos ac iussa doctos pati Monarchas: id vero præstitum, virtute ac robore generosissimæ Nobilitatis, quæ fortiter ac strenuè se opposuit illi Ordini, quos honoris causâ benedictionum diues Sanctus Pater nebulones ex fœce plebis cognominat: utpote

qui

*Authore non
ab vno mihi in-
dicatum est has
voces in literis
Papalibus ad
Nobiles datis
contineri, va-
cunque postea
ex impressis
transcriptisque
exemplaribus
sint erasæ.*

qui pro Regis sui incolumitate ac salute nimis sollicitè se gerere, supra alios sapere, adeoque doctoribus suis ad ferulam reuocatis lectionem dictare audaculè sunt conati.

Fam verò a Popolari, ordinem Ecclesiasticum pijs erga Regem officijs superari, quid mirum? cum inter Pontificios vniuersi Clericorum titulo gaudentes, negent Regum subditis se annumerandos, alium sibi dominum arrogant, aliud, a quo pendent caput prospectent extra natiuam, in qua degunt regionem, proni semper, proiectiq; ad illam (cuius se partem profitentur) Monarchiam amplificandam; quod a me alibi fusiùs est demonstratum: Atqui politici corporis dextram manum, in caput, cui protegendo nata est, colaphis sæuituram quis credat? hoc est ab honoratissima Procerum phalange (forti fidaq; Regum dextra semper habitata) Regiam prostitui dignitatem, illudq; apertè defendi, Regem suum esse abdicabilem: Ex quo necessario sequitur, eundem, si depulsus, ius tamen suum deserere noluerit, posse etiam licitè occidi. Hic ego quid aliud consulam Nobilitati Gallicæ, quàm ut sua sibi exuat splendoris honorisq; ornamenta in plebeium ordinem aptiùs transferenda, utpote solos indole verè Nobili præditos, unicos

unicos *Maiestatis vindices*; quos à *Regiæ dignitatis*, salutisq; tuendo propugnaculo, superiorum *Ordinum* nec exempla abducere, nec promissa flectere, nec minæ frangere potuerunt.

Ex ordine autem *Ecclesiastico* is, quo nemo famæ existimationisq; suæ magis prodigus, nemo minus de *Rep. Gallicana* benemeritus, primus occurrit *Dominus Cardinalis Perronius*, vir cæteroqui rerum plurimarum scientiâ, dicendiq; suauitate non incelebris; hic nuper duplici oratione, apud *Nobiles* priore, secundâ apud populares habitâ, in illud omnes ingenij sui nervos intenderat, ut sententiam illam, quæ *Papæ Reges* solio deponendi potestatem adimit, infamem, odiosamq; redderet. Ea propter schismatum scaturiginem, omnium hæresium portam, hanc doctrinam appellat; adeo denique abominabilem, ut sibi suisque *Coepiscopis*, potiusquam eidem assensum præbeant, martyrium clamet subeundum. Quam quidem animi obstinationem in hoc magis quam quoquam alio demiror, quippe qui non solum *Henrico* nuper *Regi*, religionem contrariam adhuc amplectenti, & per *Papam* *Exrege* declarato, per annos non paucos se applicuerit, sed etiam in confessu quodam, in *Iacobitarum* *Cœnobio Parisijs* olim celebrato, *Legato Pontificio*

Dominium Papæ temporale pro fidei articulo obtrudenti, animosè restiterit. Jam vero in gemina hac oratione Palinodiam videtur quandam concinuisse, vniuersæq; vitæ antea actæ damnationem ore styloq; promulgasse. Neque id quidem temerè: Scilicet tempestatì obsecundans mutauit vir prudens velificationem, & , quod nuper, viuo ac regnante patre, musitare non audebat, succedente iam filio propter annorum teneritudinem, recentemq; solij paterni aditum, iniuriis fraudibusque exposito, non veretur palàm venditare.

Harum declamationum illam, quæ in Nobilium cœtu recitata est, ne Papæ offensionem incurreret, luce multauit: quòd ibi sæpiusculè doctrinam hanc ancipiti, & fluctuoso problematis nomine insigniuerit: quodque meæ ditionis Catholicos audacter asseuerauerit ad obedientiam mihi præstandam obligatos; cum contra, probè nouerit à Domino suo Papa, & hoc de Regibus à se deponendis dogma, vt prorsus necessarium proponi, & fidelitatem mihi à subditis Papistis præstitam, vel præstandam nullatenus approbari. Quod si alterius orationis edito compendio fides adhibenda, in qua Pontificis Romani potestatem parilem facit cum illa Veneti Ducis, (ita vt, velut hic Serenissimæ Reipublicæ,
sic

sic ille Ecclesiæ nomine honores ad se delatos recipiat) haudquaquam miror, quod, ne frontem contraheret Sanctus Pater, inter imprimendum hanc & similes clausulas eraserit.

Hanc itaque sic visum est ei typis publicare, ac eius exemplar ad me pro sua benignitate transmittere: quo quidem perlecto, statim perspexi quantum intersit inter virum ex animo, liberèque proloquentem, ac eum qui obloquente scientiâ reluctante conscientiâ rhetoricatur. Ita certè parum sui memor est, ut ubique ferè sibi ipse contradicat, adeo latebrosus dicendi genus confectatur, ut nihil magis veritus videri possit, quàm ne intelligeretur.

Primò, Quæstionem hanc agnoscit nec per sacras Scripturas, nec ex veteris Ecclesiæ Decretis, nec ex processuum Ecclesiasticorum analogia adhuc esse decisam: asserit nihilominus pro impia & execranda habere hanc doctrinam, quæ Papæ Reges exauthorandi potestatem denegat, esse unâ operâ tenere, multis sæculis retroactis nullam omnino fuisse, aut iam esse Ecclesiam, eamque in Antichristi synagogam computruisse.

Secundò, Auditores hortatur suos, ut hanc doctrinam saltem teneant pro problematicâ & non necessariâ: interim verò eosdem monet, ut hac in

Specimina duodecim, ex quibus patet Dom. Cardinalem contra animi sui sententiam passim hac in oratione loquutum.

Pag. 85.

causâ se submittant iudicio Papæ ac Cleri, à quo iam antea est determinata.

Pag. 99.

Tertiò, *Asserit*, recepto semel hoc Articulo, sequi Papam esse Antichristum: subiungit tamen Papam permittere, ut Galli complures dogma Pontificio dogmati contrarium hac in re tueantur; modò idem, non ut necessarium, aut ad fidem perti- nens proponant: Quasi verò cuiquam Papa con- donet, ut doctrinam suæ repugnantem quocumque modo tueatur, eam præcipuè, ex quâ sequitur se esse Antichristum.

Quartò, Cum se Martyrio potius deuoveat, quàm in eam eat sententiam, quæ Reges negat à Papa deturbabiles; fatetur tamen Papam Gallis indulgere, ut hoc dogma habeant pro problematico. Er- go, quod ille subditurus est, nil aliud quàm proble- maticum esset martyrium, de quo possit iure dispu- tari, utrum inter peccata, an furores, an iusta de- nique supplicia foret numerandum.

Quinto, In Regicidas anathema execrationes- que vibrat: verùm alibi se explicat locutum de Re- gibus, dum manent Reges. Regem autem Regno deiectum pro Non-rege haberi quis nescit? Ita ille scelus, qui Henricum III. a Papa Exregem declaratum transfodit, non Regem, sed laruam, occidit.

Sexto,

Sexto, Regem occidi non patitur : eundem tamen munimentis vult spoliari, quibus se vitamque suam contra vim defendat.

Septimo, Regem ex improviso sicà transuerberari, illud non laudat, ne cum corpore anima simul male pereat : verum Marte aperto inter instructas acies versantem cuspide, aut globulo perterebrari hoc Cardinalem non male habet : Quasi hoc modo miselli Regis animæ saluandæ oppidò prospiciatur. Pag. 95. & 97.

Octauo, In Rege abdicato residere concedit characterē quendam politicum, hoc est inhærentem habitudinem, cuius vi possit, postquam ad bonam frugem redierit, regno restitui. Interea (quod absurdum creditu) tacitè suadere conatur nouum invasorem, hosti depulso, non modo vitam largiri, sed & pœnitentiæ fructus proferenti, regnum velle bona fide restituere.

Nono, Toto dictionis tractu profitetur se hanc quæstionem tantum problematice agitare, nec temerè ullam in partem statuere : interim pro sententia illa, quæ Papæ Reges deponendi facultatem arrogat, voce manuque tota pugnat, obiectiones diluit, Pontificum, ac Conciliorum, nominatim Lateranensis sub Innocentio I I I. celebrati de-

creta, in medium affert, consensum Ecclesiæ allegat: cui contravenire est, inquit, apertum schisma introducere, & Ecclesiam per nonnulla sæcula orbe uniuerso exterminare. Hoccine est inter problematicum fluctus agitari, an potius stricte constanterque definire?

Decimo, Alias. Regis detrudendi causas non cognoscit, præter hæresin, apostasiam, infidelitatem; veruntamen penes Papam esse Reges apostaticos, aut hæreticos deponere, probat exemplis eorum, qui a Papa, non ob hæresin, sed propter causas matrimoniales, prætentiones ciuiles, aut ingenij tarditatem regnis suis sunt deturbati.

Vndecimo, Passim loca ex Scripturis sacris, Patribus, modernisq; historiis deprompta fide adeo malà, parumq; ad propositam facientia allegat, (quod infra demonstrabitur) ut a sagacis ingenij viro (qualem illum nouimus) seriò, & ex animi sensu sic adduci posse non sit credibile.

Duodecimo, Cum tot vndiq; rationes, ac testimonia corraferit, ut Papæ gratificaretur, nonnullæ interea illi voces excidunt stomachum bilemque Sancto Patri commoturæ. Inprimis quod eundem Concilio Generali subijcere, eiusq; iudicium populi Gallicani calculo submittere non vereatur; quod
suo

suo patebit loco. Item quod in medium adductis Pontificum ac Synodorum hac de controuersia decretis, ipse tamen apud auditores suos hanc se questionem, more tantum problematico vltro citroque ventilare, nec quicquam certi dogmatis statuere profiteatur. Quasi verò post Papales Synodicasque dubiorum explicationes, Cardinalem non deceat sine hæsitatione intrepidèque pronunciare: aut cuiquam non sit turpe de ijs, quæ sanguinis proprii dispendio se obsignaturum pollicetur, timidè cunctatèq; affirmare. His si accedat quàm prorsus aduersa huic, quam nunc tuetur, semper antehac fuerit Do^m Cardinalis sententia, non erit profecto obscurum, hæc ab eo, refragante conscientia, esse consuta, & recitata.

Est hæc singula fusius patebunt ex sequenti, quam Deo iuuante, sum attexturus, Orationis istius in Regum opprobrium, Regnorumq; exitium consarcinatae discussione. Non quòd mihi ex inito cum Cardinale congressu quicquam gloriolæ possit accedere; sat nempè gnaro, quàm longè huiusmodi conflictatio infra Regiam subsidat amplitudinem, quam in sublime usque ad Diuini nominis participationem sacra euexit pagina; cum Cardinalitius interim splendor merum sit, præterea nihil, in ventum

*In Præfatione
ad Apologiam
meam.*

tum humanum, idemque recens excogitatum, quod à nobis est alibi comprobatum. Verum ad hanc disceptationem ut descenderem, iustæ me, gravesque causæ permouerunt. Imprimis Regum, quorum in hoc salus vertitur, omnium causa communis; deinde quod Do^m. Cardinalis hac in oratione non unius priuatam, sed plurimorum publicam personam gerat, Cleri scilicet, Nobilitatisque Gallicanæ; quorum utrinque suffragatione, ac supercilio fretus, in Ordinem popularem stylo liberrime inuolauerat. Præterea, ut ne meipsum prorsus videar neglexisse, quem, non sine insigni iniuria, habet pro dissidiorum seminatorem, ac persecutorem, sub quo scilicet, ægrè respiret Ecclesia, quiq; Catholicos omni suppliciorum genere non cessem onerare: Nec non illum plebei Ordinis, de quo diximus, articulum appellat suavis homo monstrum pisceforme, ex Anglia nostra in Franciã natatu transuectum. Denique cum is sit hodiernus illius Regni status deploratissimus, ut natiuis subditis instar piaculi habeatur, si quid pro Rege suo mutire audeant, ad vicinos ex ipso necessitudinis vinculo attinget linguæ laboranti succurrere, veritatemque domi compressam, inter-mortuam, ac vi prope sepultam foras euocare, cælo liberiore longè latèque clamaturam.

Leui-

Leuicula multa, quibus Cardinalis libellum conspersit suum, mihi non est animus attingere. Quo in genere sunt, quæ inseruit de Pericle, Agesilao, Aristotele, Minoe, de Druidibus, de Matronis Gallicanis, de Hannibale, de Pindaro: quæque de Poetarum fabulis delibauit. Quibus dum eius nitere, ac rutilare videtur oratio, non secus ac seges flauis, purpureis, cæruleisq; herbarum inutilium flosculis variegata, longe plus detrimenti contrahit, quam ornamenti: indigna cum illustri illo concessu, tum negotij pariter, ac loquentis grauitate: quem non a Pericle, sed sanctissimo potius Dei nomine dictionem auspicari, nec Prophetæ Regis vocem sacram Ethnici Oratoris exemplo proximè subtexere decuisset.

His annumerandum, quòd veterum Romanorum victorias inter Dei dona, benedictionesque temporales recenseat, illi scilicet genti indultas in remunerationem eius, quo in Idolorum cultum ferebantur, feruoris: Quasi Deus flagitiis, etiam cum naturæ lumine pugnantibus, præmia soleat rependere, aut diuina dici possit benedictio, violenta in res alienas, etiam per cædem, ac sanguinem inuasio.

Nec dignum est, in quod noster stringatur Pag. 2.
C stylus

stylus, quòd exemplo supplicij æterni ex censurâ Ecclesiasticâ post mortem infligendi Virgines illas Milesias proponit, quarum exanima corpora veste omni nudata per plateas olim tracta memorie traditum est.

Arist. 1. Top.
cap. 4. ais idem
sonare πειρασμὸν
& πρῶτον
ἀπὸ πῶτος γὰρ
πειρασμὸν πρῶ-
τον πρῶτον,
si præfigatur
πρῶτον ἄλλῃ
velut ἄλλῃ
homo sit ani-
mal.

Haud absimilis est, quam fabricatur, descriptio Problematis, cum dicat se Problematicum id appellare, quod ad rem fidei necessariò non facit, cuius item contradictorium si credatur, in excommunicationis, anathematisque reatum assertores minimè præcipitat. Cum tamen Aristoteles (è cuius officinâ vniuersa, quâ scholæ Academicæ vtuntur, notionum suppellex desumpta est) apertè doceat, quamlibet propositionem sub dubitationis formulâ procusam Problema appellari, etiam cum subiecta materia necessariam cõplectatur veritatem: verbi gratia. Cum interrogetur, Vtrum Deus sit vnus, aut, Vtrum homo sit animal rationale. Vnde constat, propositiones problematice contextas, non amittere necessariâ naturæ suæ veritatem, ac exinde sæpissimè accidere posse, vt qui eius contradictorium tuentur, eo ipso diris omnibus deuoueantur. Eiusdem farinæ plurima supersunt, quibus vt me penitus in causæ ipsius medullis defigam, censeo supersedendum.

DECLA-



DECLARATIO

PRO IVRE

REGIO &c.

Aud quidem immeritò Dominus Cardinalis Perronius in ipso orationis suę vestibulo professus est, Regi longè deuinctiores habendos Ecclesiasticos, quàm Nobiles, aut Ordinem plebeium, eo potissimum nomine, quod cùm hi eam, quam obtinent, conditionem, titulo, quod aiunt, oneroso, non tributi modo, sed & sudoris sanguinisq; pretio sustineant; illi interim ex merâ Regis gratiâ, extra periculi iactum, citra onera impensarum, dignitatibus suis opibusque suauiter perfruantur. Veruntamen haud inde sequitur, quod altruere conatur Do^{us} Cardinalis, curam cruentas ficariorum manus a Regum latere depellendi vniuersam, a plebeijs in Ordinem sacrum esse traijciendam: ac genuina Regicidiorum remedia, non in supplicijs ciuilibus, sed internis conscientiarum vinculis, ac legibus, quæ circa ipsas animas proximè versantur, consultare. Neque enim vsu solet euenire, vt qui tenentur maxime, ij officio præstando

A maximam

maximam afferant fidem ac diligentiam. Quinetiam si illud largiremur, Ordinem hunc Ecclesiasticum nulla in sollicitudinis parte salutis, honoriq; Regio tuendo antehac defuisse; nemini tamen obscurum est, poenis spiritualibus in foro Ecclesiastico denunciatis, non continuò vinciri vindicem politici Magistratus manum, aut supplicijs temporalibus iniici retinaculum; quibus plerumque validius quàm diuinæ vindictæ obiectu, hominum in scelera proiectorum refrænatur audacia.

Huic igitur Ordini omnes, quibus iustitiæ administrandæ potestas ac immunitatum Regalium commissa est defensio, Franciæ officarios repræsentanti haud certè vitio vertendum, quod Regem suum saluum velint, eiusdemque dignitatem illibatam: præsertim cùm, se subtrahente Clero, ac in officio tam turpiter claudicante, hoc quicquid est sollicitudinis eò impensius in populum devoluatur. Quid enim? Nunquid vlla iamdiù gentem illam afflixit etiamnum metuenda, ac præcauenda calamitas, quæ a Clero tanquam fonte non profluxerit? Bella nupera intestina, quorum furor non solum tot vrbes camposque sanguine Gallicano cruentavit, sed & Regis Henrici Tertij necem peperit parricidiale, annò exorta sunt a dicti Regis exauthoratione, per Cleri caput effulminatâ? Prælati cæterique, quos Curatos ac Confessores vocant, annon per secretas partim confessiones, partim per seditiosas ad populum conciones huic flammæ oleum instillârunt? Sicarius ipse, cuius manu Rex ille confossus cecidit, numnon Clerici virique religiosi privilegio gaudebat? Guiniardus numnon lectissimæ scilicet Iesu societati nomén dederat? Iohannes Castellus an-

non

non ex eadem sentinâ prodierat? stabulum confidentiæ ac nequitiae *Rauillacus*, cum interrogaretur quo authore cæptum illud infandum patrauerat, annon ad proximas Quadragesimales conciones sacras remisit quæsitorem, feraces nempe huiusmodi consiliorum officinas? Bellarminus, Eudemono-Iohannes, Soarius, Becanus, Mariana, & quotquot sol vidit huius generis monstra, qui Regicidij scholam aperiunt, qui in publicis tribunalibus, priuatique confessionibus æquiucationi theatrum figunt, annon Clerici sunt, etiam primarij? Eorum libri hanc pestem redolentes, annon a spisso Doctorum globo sunt approbati, ac eorundem subscriptione communiti? Domum vt reflectam oculos, puluerariæ coniurationis principes ac capita, numnon itidem fuerunt viri Ecclesiastici? Non nemo certè, qui se illis capitibus manum præbuit, illi incendio facem, (cui cognomen Fausio) quod parauerat, incæptum defendere non erubuit, ac suam sibi conscientiam ducem testemque aduocans, apertè professus est, nihil extra iusti bonique metas a se tunc esse tentatum, vtpote ea de re, priusquam ad nos e Belgio remigrârat, probè per viros doctos, abundèque instructo. His accedat, quod hanc isti omnes imbiberint sententiam, e Clericis neminem pro Regis subdito habendum. Neque vero diffitetur ipse Dominus Cardinalis, eos qui Regio Pag. 7. cruore se impiârunt, falso Religionis prætextu captos, horrenda hæc parricidia animo manuque admisisse. Patrârunt ergo sic ab ijs edocti, qui religionis præcepta solent suggerere, hoc est Ecclesiasticis. Quæ cum ita sint, tametsi Cleri Gallicani pars non contemnenda beneuolo forte sit fidoque erga Regem suum animo, in quorum

A 2

pecto-

pectoribus Clericalis, qui dicitur, character innata fidelitatis lineamēta haud prorsus oblitterauerit, verè mihi videor statuere, (propterea quod a sacro hoc Ordine grauius quàm quoquam alio, ac maiori cum periculo peccetur) iustas rationes non defuisse plebeio Ordini, cur Regiæ salutis amplitudinisque tutandę, negotium in solum Clerum non transmitteret. Nec vero illud reticendum, quòd, cum in re omni controuersa teneatur Clerus iudicium Papæ expectare (qui hac in causâ pars est, &, quod caput litis est, a se regna omnia pendere affirmat) non potuit certè plebeius Ordo sperare, Pontificem contra animi sui sententiam sæpius publicatam, hac in quæstione pronunciaturum, adeoque seipsum condemnaturum.

Quod si, quę ab hoc Ordine oblata sunt, remedia finem debitum non sint assequuta, hoc inde euenit, non quòd parum iusta fuerint, aut legitima, sed quia, quas debuit, ac potuit, auxilij partes non contulerit Clerus, ac propterea quòd, quorum libri popularem defectionem, Regum depulsionem, lanienamque spirantes publicè sunt combusti, ipsis authoribus nihilominus faueatur; cumq; vnus, aut alter patibulo luat manu præceps parricida, non pauci interea, qui execranda hæc perfidiæ immanitatisque præcepta disseminant, impunitate summa perfruantur.

Ex his, quæ dicta sunt, satis constare arbitror, Dom. Cardinalis malè fundatam esse hortationem, quâ huic Ordini suadere conatus est, vt omnem hoc in negotio curam à se ad Clerum amandaret. Quam etiam ratione adhuc infirmiore munire satagit, dum certis, & extra dubitationem positis, rem controuersam & contentioni obuiam

uiam negat intermiscendam. Hæc apud eum indubitata duo sunt. Primum, quòd nulla vnquam ex causâ liceat Reges immisso sicario de medio tollere. Hoc exemplo Saulis confirmat, quem, vt vt Throno deiectum, noluit tamen Dauid, cùm facîle poterat, trucidare. Dein Concilij Constantiensis decreto innititur, in Regum obtruncatores sancito. Alterum quod Francorum Reges sint, intra suas ditiones supremi, omni suprematus tēporalis genere, quodque nemini vel Principi, vel Papæ feudi cuiusquam nomine subijciantur, quasi recepta Coronâ suâ, aut ad conditionem huiusmodi vllam præstandam obligatâ. Quod tamen asserit constare certitudine tantum humanâ ac historicâ. Tertium autem quiddam restare ait contentionis disceptationisque fluctibus agitabile, quod certis exploratisque immisceri nefas, ne pauculis ambiguitatum quasi paleis adiectis, totus inconcussarum propositionum acervus corrumpatur. Controversum hoc est huiusmodi, Vtrum si Rex Christianus, violato, quo se in fide Catholica & vita & morte perfunditur solenniter Deo vouerat, iuramento, Arianam aut Mahumetanam impietatem amplectatur, declarari possit eum regno excidisse: deinde ad quem pertineat subditos a suscepto fidelitatis sacramento hoc in casu liberatos pronunciare. Quod ad Ecclesię vocem attinet, affirmat Do^{us}. Cardinalis, cum reliquas omnes Ecclesię Catholicę partes, tum ipsam Gallicanam, ex quo scholas Theologicas aperuit, vsque ad Caluini tempora semper tenuisse, Regem huiusmodi posse per Papam & per Concilium regno deponi: Adeo vt si contrarium esset in se vero verius, non aliàs in fide, quàm problematice

*Concil. Constan.
Sess. 15.*

Pag. 10.

possit defendi. Hęc Cardinalitię dissertationis summa: Cuius refutationem, quandoquidem ipsi eadem sepius recoquere visum est, necesse habeo in alium, vbi ab eo hęc fusiùs pertractantur, locum diffindere. Ibi inter alia hęc in lucem proferemus, approbari a Domino Cardinale Regum abdicatorum interemptionem. Saulem nunquā Regno viuum fuisse exutum: Concilium Constantiense nihil hoc in negotio statuisse, vtpote de supremis absolutisque Principibus minime locutum. A Domino Cardinale Regem Francorum non haberi pro supremo in traditiones suas, cum possit ei per potestatem quandam superiorem, dominium abrogari. Ecclesiam Gallicanam semper docuisse, accuratęque defendisse Reges suos non esse per Papam, vt loquuntur, *deponibiles*. Papę denique nullum esse, quod obtendat, ius Regem vllum reddendi sibi feudatarium, aut ad obsequium sibi coronę Regię nomine præstandum obligandi.

Tertio itaque membro totus inhæret, quod contentiosum nominat, affirmatque si quis eos, qui Papę Reges deponendi potestatem tribuunt, damnare ac anathemate ferire audeat, hunc non semel titubare, sed in quatuor quę sequuntur absurda, seu incommoda præcipitem ruere.

I „ *Primum est quod hoc esset conscientijs vim inferre, laqueum-*
Pag. 14. „ *que inycere, sub anathematis pœna obligandis ad fidem iuramen-*
„ *tumque illi doctrinę præstandum, cuius contrariam vniuersa &*
„ *iamdudum tenuit, & adhuc tuetur Ecclesia Catholica.*

2 „ *Secundum est, quòd laicis de fide iudicium ferendi libertatem*
„ *largiri, esset omnem Ecclesię susdeque vertere auctoritatem, &*
„ *nulli non hæreri fenestram aperire; imo ipsum Sacerdotium inua-*
dere,

dere, ac manu profanâ Arcam attingere, thuribulumque rapere. „

Tertium incommodum est via ad schisma ineuitabile aperte „ 3
strata. Reliquis enim vniuersis hanc doctrinam tuentibus Ca- „
tholicis, a nobis, inquit, non potest ut verbo Dei repugnans, ut „
impia detestabilisque reijci, quin simul omni cum capite reliquis- „
que Ecclesia membris communioni abrenunciemus; adeoque Ec- „
clesiam fateamur pluribus abhinc seculis in Synagogam Satane, „
Sponsamque Diaboli degenerasse. „

Vltimum est, quòd hanc, que Reges ponit independentes, pror- „ 4
susque inuiolabiles, sententiam stabilire, esset non modo remedi- „
um pro Regum salute iam excogitatum reddere irritum, iis que „
rata sunt & utrinque concessa, rei controuersæ admistione infir- „
matis; Verum etiam, noui præsidii loco, quod Regum vitæ ma- „
iestatique quæsitum videtur, utramque periculis longè grauioribus „
obuiare, bellis nempe, aliisque quibus schismata semper „
viam aperiunt, calamitatibus. „

His quatuor capitibus firmandis Cardinalitia hæc in-
sumitur oratio, quæ singula eo, quo surgunt ordine, ex-
cutere nobis animus est, ac demonstrare, posita hæc in-
commoda falsis inniti postulatis, ac nil aliud esse, quam
affabrè conficta pavidorum ingeniorum terriculamenta.
Verum priusquam rem ad viuum rescare pergam, mihi
monendus est lector, quæstionis nostræ quasi faciem lar-
uâ obductâ, ab illo esse immutatam, dum, refragante non
modo veritate, sed Paparum etiam mente, ac voce, Papa-
lem in Regibus deiiciendis authoritatem coarctat, ac ad
hæresin, apostasiam, Ecclesiæq; persecutionem reuocat.
Quod si Pontifices ipsos consulamus, virgulam suam
cenforiam longè porrectiorem esse respondebunt, eamq;
ab asseclis suis ægrè ferent decurtari. Ab illis nempe Re-
ges

Lib. 10. epist.
11.

Caus. 15. Can.
Alius. Qu. 6.

Paul. Aemil.
in Phil. 3.

ges exauthorati sunt ob imminuta Monasteriorum privilegia. Id docet Papa Gregorius Primus, in illo quod Sancti Medardi Cœnobio Sueffionensi arrogatur, privilegio: cuius diploma Epistolis Gregorianis ad calcem attextitur, ac in eiusdem ad Senatorem Epistolâ occurrit. Exauthorati sunt ob ingenitam indolis tarditatem, regnique administrandi seu veram, seu prætenfam impotentiam. Quo nomine gloriatur Gregorius VII. à Papa Zacharia Childericum Regno Franciæ olim exutum. *Non tam pro suis iniquitatibus, quam pro eo, quod tantæ potestati erat inutilis.* Exauthorati sunt propter Ecclesiasticorum Beneficiorum (quæ vocant) Præbendarumque collationem: Quo in genere notissimæ sunt, quæ inter Papam Innocentium Tertium, & Iohannem Angliæ, inter Bonifacium VIII. & Philippum Pulchrum Galliæ Reges incaluerunt, contentiones. Exauthorati sunt litis Matrimonialis, coniugijque adulterini prætextu. Cui rei exemplo sit Philippus ille Primus, qui, vxore sua Berthâ repudiatâ, eius loco Bertradem duxit Comitis Andegauensis coniugem. Denique illud scire impensè desidero, quam hæresin, quam à fide generalem defectionem luerunt Henricus IV. Fredericus Barbarossa, & Fredericus II. Imperatores, quibus fulmine Pontificio sacrum diadema capite excussum? Num quæso ob hæresin, an apostasiam adeo in Petrum Arragoniæ Regem duriter statuit Papa Martinus IV. ut subditos fidelitatis sacramento eidem Regi præstito exolueret? Quid hærescos, apostasiæ, Arianismi, aut Mahumetismi in causa fuerat, cur Iulius Secundus Regem lectissimum, meritoq; habitum PATRIÆ PATREM Ludouicum XII. scep-
tro

sceptro priuaret Gallicano ? Num tandem hæresin aut apostasiam obtendit Sixtus V. Henrico III. deponendo ? Cuius fulminis displlosionem subsequutum est foedum optimi Regis parricidium, & tristissima Regni illius pulcherrimi deuastatio. Verùm se Do^{us} Cardinalis in arctiorem gyrum compingere non grauatus est, vt causam Regum deponendorum speciosissimam deligeret auditoribus obtrudendam, in historia scil. (ita sibi adblanditus est) parùm versatis, statumque eius, quæ præ manibus erat, quæstionis, minimè intelligentibus. Illum igitur oportuit diploma aliquod bullatum a Do^{no} Papa impetrasse, palàm coram populo recitandum, quo se profiteretur Sanctus Pater in posterum omni, præter hæresin, Regum gradu deiiciendorum causæ abrenunciare, huic tantum lolio auerruncando falcem suam Regum ceruicibus immissurum : ac eadem operâ sponderet se sibi non arrogaturum, vt de Rege sententiam ferat, vtrum necne sit hæreticus ; hoc enim esset, simul actoris ac Iudicis partes sustinere, summamque porrigeret licentiam sanis dogmatibus nigrum hæreseos theta inurendi : quâ arreptâ ansâ, regno alieno pro libidine dominetur, nouo fretus successore, a se immisso, ac sibi patrono, de cuius nutu regnum dono acceperat, omnia gratificante. Ita Bonifacius VIII. per literas suas superbiæ stomachique plenas, pro hæreticis habet omnes, quotquot asserere auderent Regij iuris esse Præbendarum collationes : quem quidem Papalem errorem, *non facti sed iuris* esse manifestè constat. Non absimile scil. crimen erat, quod a Pontificibus in Imperatorem illum infœlicem Henricum IV. intendebatur. Quod eo prorupit acerbitatis,

Annal. Boio-
rum lib. 3.

Concil. Constan.
Sess. 11.

ut Paparum instigatione ac iussu, non modo contra Patrem filius arma sumpserit impia, sed & mortui Imperatoris corpus honestiori sepulturâ prohibitum iacuerit. Hic tamen sacer, hic inferis deuotus, hic viuus, mortuusque intestabilis, nullum fidei articulum, aut placitum Theologicum in dubium vnquàm vocasse legitur. Iohannes Auentinus Vergilium Episcopum Iuuanensem narrat Zacharię Papę iussu pulsum sacerdotio, ac hereses insimulatum, quod *circumfundi terrę homines, & aduersis inter se pedibus stare docuerat*. In Bulla (cui initium Exurge) Concilio Lateranensi subnexâ, Lutheri scilicet heresibus hæc annumeratur Thesis, *Optima penitentia noua vita*: Inter crimina Papę Iohanni XXIII. per Concilium Constantiense obiecta, habetur eundem immortalitatem animorum abnegasse, idque *constare publice, aperte, ac notorie*. Si quis igitur Papa his, aut similibus laborans erroribus, Regem fortè contra sentientem Regno detruendum iudicauerit, mihi certè haud prorsus Sceptico, nunquam citra omnem scrupulum constabit huiusmodi Regem iure, atq; ordine regno multatum.

PRIMI INCOMMUDI EXAMINATIO.

Primum, quod male metuit D^{us} Cardinalis, Incommodum ex approbatione illius Articuli oriturum, qui Francię Reges nulli superiori potestati, seu temporali, seu spiritali subdit deponendos; „ est, quod hominum conscientias adigat ad doctrinam quandam „ ab Ecclesia per annorum centurias undecim creditam, factoque „ comprobata, diris omnibus deuouendam. Quibus verbis cum obiter

obiter fateatur huiusmodi dogma, primis quinque seculis ab Ecclesia, nec fide, nec praxi esse posteris commendatum; mihi certè videtur illud ipsum sciens volensque damnassee. Etenim Ecclesiæ in Imperatores Regesque quid sit iuris, haud minus primæque antiquitati, ab Apostolicis temporibus annos vsque quingentos porrectè cognitum est, ac exploratum, quàm, quibus accreuit superbia, & imminuta est puritas, seculis subsequutis: Præsertim, cum per totum seculorum quinque primorum spatium, iuratis apertisque hostibus vix vnquam caruerit Ecclesia, sub Imperatoribus primò Ethnicis, sub Regibus dein hereticis afflictata, quales fuerant Visigothorum in Hispaniâ, Vandalorum in Africâ Reges; quos non erat quod irritare metueret Romanus Episcopus, vtpote & ab eorum imperio immunis, & Regionum intervallo securus.

Verum enimverò cum D° Cardinale in arena suâ, hoc est, recentiorum temporum historiâ conflagamus, ac numquid inde præsidij possit emendicare disquiramus: Hoc semper præmissò, huiusce questionis ambitu non contineri, vel populares seditiones, vel intestinas rerum pub. concussiones è partium studiis factionibusque emergentes; vel denique increpationes Ecclesiasticas, adeoque veri nominis excommunicationes; sed sententiam tantum iuridicam depositionis à Papa, vt potestate sua ordinaria legitimaque freto, in supremi absoluteque liberi Principis caput vibratam.

Argumentationis igitur suæ telam ab Imperatore Anastasio orditur, quem scil. quod Symbolo Chalcedonensi suum approbationis calculum adijcere recusasset,

*Exemplum I.
pag. 18.
Euagr. hist. Eccles. lib. 3. cap. 32.*

noluit Euphemius Patriarcha Constantinopolitanus pro Imperatore agnoscere (hoc est consentire, ut sacris Imperialibus initiaretur) etiam ipsa Augusta, Senatuque, ut Euphemium ab incepto retraherent, minas ac vim intentantibus. Eundem etiam Anastasium iureiurando spreto in hæresin relapsum, & persecutionis flagello sequentem, Symmachus Romæ Episcopus palam damnauit atque excommunicauit: Quibus subiungitur, eundem Imperatorem publicis sacrarum precum formulis, venenum hæresis suæ subinspergere conantem, factâ statim populi Constantinopolitani in Imperatorem coitione, à Satellite quodam suo vi armisque coactum, ut Episcopos quosdam à se prius in exilium actos, reuocaret.

Isthoc verò quicquid est exempli (bonâ cum veniâ audiat D^{us}. Cardinalis) præsentì controuersie nec propinquo, nec remoto gradu est affinis. Euphemius haudquaquâ Romanus erat Pontifex, nec Imperatorē throno deposuit, sed tantum in eius electionem consentire recusauit. Tumultus popularis, vel Græculi Centurionis rebellio, quid quæso iuris potestatisque conferunt in Papam Romanum, ad Reges virgulâ Pastorali deturban- dos? Imperatoris hæc Græci per Episcopum Romanum excommunicatio, si modo vlla (neque enim alium D^{us} Cardinalis quàm Papam ipsum testem adhibet, cum interim non sit obscurum Epistolas supposititias, non paucas, aliaque scripta male-nata, Paparum antiquorum nominibus sese induisse) si quæ, inquam, fuerit, ciuilibus tamen depriuationis, depositionisque nec flammam, nec fumum redolebat.

Addo insuper; Si quando Episcoporum quispiam in
quenquam

quenquam extra iurisdictionis suæ cancellos positum, excommunicationem denunciauerit, eo ipso non ab Vniuersalis Ecclesiæ communione exclusit, sed tantum denunciauit nolle se cum illo, quem damnat, communione coniungi.

Testes appello Concilij Carthaginensis Canones: Quorum vnus sic habet; * Episcopus qui Synodis se præsentem exhibere detrectat, ad aliarum Ecclesiarum communionem ne recipitor, *sed suâ tantum Ecclesiâ frui-*

tor. * Alter Canon de Episcopo Monasterij sui gubernationem in Monachum alterius claustrum alumnorum transferebat statuit, vt talis *à reliquarum Ecclesiarum Communione seiunctus, sui tantum gregis communione viuat contentus.*

Hoc sensu scilicet, S. Hillarius Pictauiensis Episcopus, Liberium Episcopum Romanum, quod Arianae confessioni subscripsisset, excommunicauit. Hoc sensu Ioannes Episcopus Antiochenus, Cælestinum Romæ, Cyrillum Alexandriæ, Episcopos, quod Nestorium indictâ causâ damnassent. Hoc sensu denique Romæ Episcopus Victor, Orientales omnes Episcopos, non suorum gregum propriâ, sed mutuâ Romanæ Ecclesiæ communione interdixit. Nihil igitur hic simile illis Excommunicationum Papalium fulminibus, quæ posteriorum sæculorum Cyclopes extuderunt, ac in Regum capita De Capitolio Romano disploserunt.

Vnde etiam opportuna porrigitur responsio ad illud Clotharij Francorum olim Regis exemplum allegatum: qui Agapeti Papæ censuris perterrefactus, pagum Iuetotanium splendidis Regni titulis decorauit, vt ita saltem homicidio in eius loci D^{um} Gualterum pa-

* Nemo Canonis
Africani can. 77
ὁρῶντες τὸν τοῦ
ἐπισκοπῆς καὶ κοινωνίας
τῆς ἰδίας αὐτῶν
ἀρκούντων ἐκκλη-
σίας.

* Canon. 81.

eiusdem No-
mo Canonis

δοτὸν τῶν λαϊκῶν
κοινωνίας χωρίζο-
μενος τῇ τῇ ἰδίᾳ
λαῖς κοινωνίᾳ ἀρ-
κούντων μόνῃ.

Faber in frag-
mentis Hilary,
Anathema tibi
à me Liberi.

Exemplum 2.

trato satisfaceret: Cuius tamen narratiunculæ locupletiorē non adducit testem Do^{us}. Cardinalis, quàm conscriptas nongentos pòst annos historiolas; cum contrà, mihi haud foret difficile probare, eius sæculi Papas Regum Franciæ negotiis, se nulla ex parte ingessisse. Qui ea vidit tempora, Gregorius Turonensis multa recenset, in Episcopos à Regibus, per vim iniuriamque admissa; præsertim in Prætextatum Episcopum Rothomagensem: Quibus tamen subleuandis, se non interposuit Romanus Episcopus, nec bullas monendi, minandique peritas, est ei acutus. Ecce verò Gregorij ipsius ad Regem Chilpericum voces, *Si quis de nobis, O Rex, iustitiæ tramitem transcendere voluerit, à te corrigi potest. Si verò tu excesseris, quis te corripiet? Loquimur enim tibi, sed si volueris, audis; si autem nolueris, quis te condemnabit, nisi is qui se pronunciat esse iustitiam?* Hæc tamen haud impedierunt quominus Rothomagensis ille Antistes grauissimè cæsus, in Insulam Sarniam exul relegaretur. Verùm antiqua Dominorum Iuetotensium iura, non lubet accuratius perquirere; quæ virtutum monimenta, ac optimorum illius familiæ erga Franciæ Reges meritorum insignia, potius mihi videntur, quàm piacularis, nescio quæ, ad peccatum eluendum, satisfactio. Quod si hanc authore non vano niti historiam largiamur, quid tandem facit ad rem nostram, vbi de Regis, non excommunicandi, sed deponendi potestate agitur? Similiter si ingruentis excommunicationis metu, Rex hic illa indulserit privilegia, quid hoc ad probandum, penes Papam fuisse eundem Maiestate sceptroque spoliare? Denique, hoc ipsum quod narratur, proculdubio Franciæ diadema in subli-

me

me euehit, eiusdemque Regem tantum abest, vt depri-
mat, vt verè Regum Regem statuatur, vtpote Nobiles suos
Satrapasq; Regijs titulis ornantem: Non secus ac His-
paniæ Regi non leue est argumentum, quantâ ipse pol-
leat amplitudine, quod è subditis suis quosdam *Mag-* *Los Grandes.*
nates creet, siue *Megistanas*.

Sequitur Gregorius I. qui (libri Epistolarum 11. epi-
stola 10.) Xenodochij Augustodunensis confirmaturus
priuilegia Regibus ac Præsulibus, ne eadem vlla ex par-
te imminutum eant, sub hac forma interminatur. *Siquis*
Regum, Sacerdotum, Iudicum, ac personarum secularium hanc
constitutionis nostræ paginam agnoscens, contra eam venire
tentauerit, potestatis honorisq; sui dignitate careat, &c.
Verum hic parum videt oculis Do^{us}. Cardinalis, dum
imprecationem pro Decreto habet iudicatorio. Poterat
è plebeculâ quispiam eodem stylo vti, ac dicere, si quis
sacrosanctam Regum nostrorum Maiestatem, vitamve
violauerit, fuerit Imperator, fuerit Papa, maledictus esto,
authoritate excidat, dignitate spoliatur, vitamque tra-
ducat mendicitate, morbis, miseriis circumseptam. Illud
etiam vt sicco pede præteream, Monachis quam facilè
ac procliue sit ad priuilegia sua tuenda, immanes Con-
cessionibus, ac rescripta, pro libitu confingere. Ex hac ar-
gilla ollam fictilem videre est apud eundem Gregorium
(sub finem Epistolarum) priuilegium scilicet Cœnobio
S. Medardi Sueffionensi concessum, simili etiam clau-
sula munitum. Quod quàm vanum sit ac supposititium,
ex ipsa constat temporis ad calcem subsignatione, quæ
nempe Incarnationis Dominicæ an. ponit 593. Indictio-
nem 11. Cum potius an. Domini 593. respondere videatur
Indi-

Exemplum 3.
Pag. 22.

*Ipsi Baronio
Annal. 9. Car-
dinali male sa-
pit hac subscri-
ptio.*

Epist. 6. lib. 2.

Exemplum 4.

Indictio 10. nec soleat quidem hic Gregorius ullâ anni Dominici notulâ Epistolas suas claudere. Præterea sonorum hoc Priuilegium sua etiam subscriptione communierunt, Alexandrinus & Carthaginensis Episcopi, quos ego crediderim illius nec Cænobij, nec vrbis nomē vnquam fando audijsse. Nec illud etiam à suspicione abest, quod horum nomina, quasi in exercitu tumultuario medię Italicorum Episcoporum subsignantium cohorti, intermiscentur. Denique qui apud eundem Gregorium legerit, quā submisē humiliterque Imperatores per Epistolas affatur, haud facile credet, eum regna donandi auferendique ius vnquam sibi arrogasse. Se appellat *Indignum Imperatoris famulum, se Domino suo loquentem agnoscit nihil esse aliud, quam puluerem & vermem.* Profitetur se *Imperatoria iussioni subiectum, Caesaris legem quandam publicasse, Omnipotenti Deo minimē concordantem.* Quæ nos alibi vberius persequuti sumus.

His subiungit Do^{us}. Cardinalis Iustinianum II. qui Sergio Pontifici Romano, quòd Synodo Constantino- politanę parū scilicet sanę, fauere nollet, manum iniicere conatus est, immisso eum in finem Zachariâ, equitum magistro : Hunc tamen Militia Romana (hoc est Imperij cohortes Italicę) etiam contumeliis oneratum repulerunt. Verū meę, spero, tarditati ignoscet, si non intelligam, quid hoc sibi velit exempli, in quo de Imperij abdicatione, aut sententia Papali ne verbum quidem. Ecce ad annum à Christo nato 712. deuecti sumus, ex quo temporum circuitu, nihil excutere potuit Do^{us} Cardinalis, quod vel specie tenus in rem suam faceret. Illud enim quod postea affert de Imperatore Philippi-

co in annum 713. inciderat. Historia sic se habet. Phi- *Exemp. 5.*
lippicus ille Bardanes Imagines & coli vetuit, & con-
fringendas curauit. Circa ea tempora Imperium Ro-
manum inclinârat, & in Occidente debilitatum, & in
Oriente Saracenorum incursionibus valde conquassa-
tum. Ipse Imperator bello implicatus intestino, Italia
maximam partem, Lombardis cesserat in manus: quod
reliquum, Rauennæ Exarchatus, Ducatusque Romæ sub
Imperatore impari, ac imbelli vacillare, ac propè ad de-
ditionem spectare. Papa Constantinus hanc potentia
suæ augendæ, ac iugi Imperialis excutiendi opportuni-
tatem nactus, Imaginum se patronum, vindicemque
profitetur; Imperatorem contra sentientem, concilio
conuocato, hereticum pronunciat: in vrbe Romana
ne quid literarum ab Imperatore conscriptarum reci-
peretur, ne nummi currerent eiusdem inscriptione fig-
nati, ne eius statua pro templis more maiorum fige-
retur, sedulò interdicit. Gliscente demum hoc tumultu,
cuius flabellum Papa, Exarchus Rauennas cæco Marte
cecidit. En hic seditionem à subdito concitatam, vt
D^{no} Imperatori urbem è manibus extorqueat, ac in su-
am redigat potestatem, sententiam autem solennis ab Im-
periali dignitate deiectionis, planè nullam. Neque verò
eum Papa, quem animo destinârat, exitum hoc pacto
est assequutus. Etenim ciues Romani, vtcunque ad res
nouas instigati, in sua tamen erga Imperatorem fide, of-
ficioque perstiterunt.

Post annos inde circiter duodecim, Leone Isauro (quem *Exemp. 6.*
Iconoclasten appellat D^{us} Perronius) Imperante, ac Ima-
ginum

ginum cultores acriter infestante, Gregorius eius nominis II. proximi decessoris sui premens vestigia, cum Imperatorem turbulentis temporibus distentum, Romanamque animaduerneret tenui munitâ præsidio, effecit protinus, ut ipsa Vrbs, Imperij caput, contra Imperatorem rebellaret, ac sibi in potestatem dominatumque cederet. Mihi vero haud parùm videtur interesse, publicane sententiâ latâ pronuncietur Imperator dignitate sua excidisse, an se vrbs aliqua à legitimi Domini fide subducatur, eius hortatu, qui se eidem conatur induere: Si cum Imperatori urbem Rom. auferret Pontifex, eius dominium in alium quempiam transtulisset, hoc nos exemplum aliquo forte luderet colore: In alienas autem ditiones impetum facere, ut sibi rapiat, sibi ut possideat, ambitionis, hoc est in quouis raptore, in subdito etiam apertæ perduellionis. Enimvero quis censuram adhiberi dicet Ecclesiasticam; cum spiritualis (qui sic haberi vult) Pastor poenæ infligendæ nomine rem alienam suis applicat vsibus, puta peccatori chlamydem eripit, aut marsupium sua manu exenterat. Nec illud obiter dissimulandum has Paparum technas, rapinasque tum caput exeruisse, cum, attritis Imperij opibus, citra periculum se Cæsari viderent posse opponere. Nihilominus hic de quo diximus, Imperator haud prorsus his acquieuit, sed vim vi repulit, eiusque tribunus urbem Rom. intrauit: ac Gregorius III. qui huic II. successit proximus, eundem Imperatorem adhuc pro D^{no} agnoscit: quod testantur quarundam ipsius ad Bonifacium Epistolarum subscriptiones in hanc formam, Dat. 10. Calendas Decemb.

Imperante

Imperante D^{no} pijsimo Augusto Leone, a Deo coronato, magno Imperatore, anno decimo Imperij eius.

Pari fide exēplum Zachariæ Pape, à D^{no} Cardinale allegatum, à quo Francos asserit Sacramento, quo Regi Chilperico obstringebantur, absolutos. Ei rei testes adducit Paulum Æmilium, ac Tillium, hesternos certè scriptores, cum illi sæculo propiores historici testentur Francos à Zachariâ, non permissionem, aut voti solutionem, sed tantum consilium exposcentes, hoc suâ sponte libereque perpetrasse. Ado Viennensis Episcopus in Chronicis suis, *Franci, inquit, per Consilium Legatorum, & Zachariæ Pontificis electum Pipinum Regem sibi constituunt.* Trithemius in Annalium compendio, *Childericus Francorum Rex regno suo, tanquam indignus, qui imperet, non sine Regni consensu, accedente etiam Papa Zachariæ consilio, deiectus est.* Galfridus Viterbiensis Chronici sui parte 17. & Gaguinus in vita Pipini idem testantur. Quam illud verò facile, consilium Pipino porrigere, regni ad se deferendi, qui ab eodem occupando inhiberi vix, aut ne vix quidem potuerat, utpote cui re iam ac potentiâ Principi, nudum tantummodo Regij fastigij nomen defuerat. His accedit, quòd eo sæculo gens illa rudior parumque literata, cum adhuc nec Academias, nec Scholas haberet Theologicas, exterorum consilia sibi conquirenda existimavit. Quod tamen hoc in negotio fecit, quòd deceret potius, quàm quod necessariū videretur. Pontificem autem quod attinet Romanum, perquam ei commodum, erat hoc pacto Pipinum sibi obligatum beneuolumque reddere, utpote cuius subsidio opus habuit aduersus Longobardos Italiam infestantes, eo præ-

Exemp. 7.

fertim tempore, cum à proprio, ac naturali Domino Imperatore Constantinopolitano, iam imbecilli, & viribus impari, non esset, ut auxilium adeo promptum expectaret. Verum, ut quod res est loquar, si se potius Dei timentem Zacharias ille prestitisset, quam commodis suis inhiantem, subdito nunquam suasisset, ut D^{um} suum Regemque tarditatis prætextu, solio submoueret. Furiosos siue mente captos, leges ciuiles curatoribus tradunt fouendos, non raptoribus spoliandos; vitia quippe, non morbi supplicijs vindicantur. Quinetiam eius gentis more antiquissimo cautum est, ut Regiæ, si opus sit, infirmitati, succurrat designatus publica auctoritate Prorex, quem Regentem appellant, cui incumbat ad tempus negotiorum publicorum procuratio. Exemplum habemus in Carolo VI. in phrenesin incidente, quem tamen ratione morbi regno administrando inhabilem reddentis, Papa gradu titulisque Regijs non deiecit. Illud denique durum, & ab æquo ac bono abhorrens, ut patris debilitatem huant filij, nepotesque: quod vniuersæ Childerici huius stirpi videmus accidisse, quos hic prætextus regno hereditario prorsus denudauit. Ecce vero promptam solidamque à D^{no} Cardinale allatam huic facto excusationem. Childerici depositio rem scil. religionis, saltem, ut loquuntur, ex accidente attingebat: Propter Regis illius parum prudentis imbecillitatem, patebat tunc temporis Francia Saracenorum incursionibus, fidei hostium Christianæ. Atqui hoc ut concedamus, perquirendus tamen est proximis Childerici hæredibus erat alius, fortè ingenio sælicior, ac sceptro gerendo habilior. Haud quidem oportuit,

oportuit, ut incerti periculi metus certam atcesceret iniuriam, ac Regis, à folio natio abdicacionem. Pipino illi potius patris sui Caroli cognomento Martelli vestigiis erat insistendum, qui partem Franciæ bene magnam iam tum occupantibus Saracenis fortiter restitit, insignique victoriâ fregit; nec tamen cum summa solus Regni negotia administraret, sceptrum Regi extorsit, sed Palatio Præfectus, se muneris sui cancellis circumscripsit. Quo magis ipsum oportuit filium intra eiusdem officij limites se continuisse, quòd, Saracenis Patris sui Caroli virtute nuper debellatis, non iam erat quod gentem præde, fidemque Christianam periculo expositam causaretur.

Nostra ut intueamur, Regni Scotici herede legitimo Bruffio apud Anglos in vinculis detento, Vallas ille Scotiæ gubernaculis admotus est, potestate adeo plena, ut ipsius edicta in hunc usque diem vim legis obtineant. Inter hos cum capitales intercederent inimicitie, noluit tamen ille velodij stimulis, vel ambitionis turbine eo impelli, ut inimici absentis sceptro se vel armaret, vel ornaret, nec altioribus se titulis induere, quam Gubernatoris, ac Reipub. Administri. Eâ nempe disciplinâ non erat imbutus, quæ Ecclesiæ arrogat diademata imponendi, detrahendi; potestatem. En igitur ex Dⁿⁱ Cardinalis placitis, quo in loco Regum posite sunt fortune. Quoties placuerit, immittet D^{mus} Papa medicos suos atque inspectores, qui Regis arterias tractent, pulsus metiantur, ac num ritè cor saliat, num sanum sit sinciput, accurate iudicent; ubi quid debilitatis, aut intemperiei deprehensum, continuo exuatur diadema, sanius querat, quod

fertim tempore, cum à proprio, ac naturali Domino Imperatore Constantinopolitano, iam imbecilli, & viribus impari, non esset, ut auxilium adeo promptum expectaret. Verum, ut quod res est loquar, si se potius Dei timentem Zacharias ille prestitisset, quam commodis suis inhiantem, subdito nunquam suasisset, ut D^{um} suum Regemque tarditatis prætectu, solio submoueret. Furiosos siue mente captos, leges ciuiles curatoribus tradunt fouendos, non raptoribus spoliandos; vitia quippe, non morbi supplicijs vindicantur. Quinetiam eius gentis more antiquissimo cautum est, ut Regiæ, si opus sit, infirmitati, succurrat designatus publica auctoritate Prorex, quem Regentem appellant, cui incumbat ad tempus negotiorum publicorum procuratio. Exemplum habemus in Carolo V I. in phrenesi incidente, quem tamen ratione morbi regno administrando inhabilem reddentis, Papa gradu titulisque Regijs non deiecit. Illud denique durum, & ab æquo ac bono abhorrens, ut patris debilitatem tuant filij, nepotesque: quod vniuersæ Childerici huius stirpi videmus accidisse, quos hic prætectus regno hereditario prorsus denudauit. Ecce vero promptam solidamque à D^{no} Cardinale allatam huic facto excusationem. Childerici depositio rem scil. religionis, saltem, ut loquuntur, ex accidente attingebat: Propter Regis illius parum prudentis imbecillitatem, patebat tunc temporis Francia Saracenorum incursionibus, fidei hostium Christianæ. Atqui hoc ut concedamus, perquirendus tamen è proximis Childerici hæredibus erat alius, fortè ingenio fælicior, ac sceptro gerendo habilior. Haud quidem oportuit,

oportuit, vt incerti periculi metus certam atcesceret iniuriam, ac Regis, à folio natiuo abdicationem. Pipino illi potius patris fui Caroli cognomento Martelli vestigiis erat infistendum, qui partem Franciæ bene magnam iam tum occupantibus Saracenis fortiter restitit, insignique victoriâ fregit; nec tamen cum summa solus Regni negotia administraret, sceptrum Regi extorsit, sed Palatio Præfectus, se muneris sui cancellis circumscripsit. Quo magis ipsum oportuit filium intra eiusdem officij limites se continuisse, quòd, Saracenis Patris sui Caroli virtute nuper debellatis, non iam erat quod gentem præde, fidemque Christianam periculo expositam caufaretur.

Nostra vt intueamur, Regni Scotici herede legitimo Bruffio apud Anglos in vinculis detento, Vallas ille Scotiæ gubernaculis admotus est, potestate adeo plena, vt ipsius edicta in hunc vsq; diem vim legis obtineant. Inter hos cum capitales intercederent inimicitie, noluit tamen ille vehodij stimulis, vel ambitionis turbine eo impelli, vt inimici absentis sceptro se vel armaret, vel ornaret, nec altioribus se titulis induere, quam Gubernatoris, ac Reipub. Administri. Eâ nempe disciplinâ non erat imbutus, quæ Ecclesiæ arrogat diademata imponendi, detrahendiq; potestatem. En igitur ex Dⁿⁱ Cardinalis placitis, quo in loco Regum posite sunt fortune. Quoties placuerit, immittet D^{nm} Papa medicos suos atque inspectores, qui Regis arterias tractent, pulsus metiantur, ac num ritè cor saliat, num sanum sit sinciput, accuratè iudicent; vbi quid debilitatis, aut intemperiei deprehensum, continuo exuatur diadema, sanius querat, quod

quod cingat, caput. Causa legitima si requiratur, in promptu est regi submouendo religionis nomen obtinere. Illo in regno numquid hereticorum spirat? Religio periclitatur. Isthæc ne serpat longius pestis, excusso segni hoc auriga, regni habenis admouendus hereticorum mastix truculentior. Nunquid ancipitis coniugij à Rege initum citra Papalem dispensationem? Matrimonium proculdubio est proprii nominis Sacramentum: Eo violato, vacillat religio. Sceptrum, ne impurâ manu incestetur amplius, castior heres arripiat. Morbo diutino Rex infestatur? Cum Rege ægrotat religio: alium quærat, cui vacet regnare. Ita religionis nomine venient Regum non modo vitia & errores, sed infirmitates atque infortunia. Hic itaque nimis parcum restrictumque sortitus est Rom. Pontifex suorum latifundiorum ac finium dimensorem, utpote cuius in regibus abdicandis potestas à consultissimo Cardinale non ultra hereseos, apostasie, ac persecutionis angustos limites protendatur.

*Exemplum 8.
Pag. 26.*

Subsequitur Pontifex Leo III. qui (si D^{no}. Perronio fides adhibenda) eo ipso quod Carolum Imperatorem coronauerit, Occidentales omnes obsequio Græcis Imperatoribus debito liberauit. Enimuerò hoc ab illo perperam allegatum est exemplum, ac contra omnium historiarum fidem. Neque enim ostendi vnquam poterit vnicum, non dico regionem aut urbem, sed vel hominem Papæ illius iussu, dominum tum commutasse, ac è Græcorum Cæsarum clientelâ in Caroli fidem transiisse. Cedò vel vnum mihi Pagum, qui Occidentalis Imperij iure Caroli ditionibus, iam tum accreuerit. An-

te hæc tempora Occidens à Græcorum Imperio iamdudum defecerat. Ita vt qui hunc à Leone III. Græcis ablatum asseueraret, eâdem operâ dixerit hodiernum Papâ Francorum Regibus Ducatum auferre Mediolanensem, aut Germanorum Imperatoribus ciuitatem Romanam, quod hæc eorum decessoribus olim paruerint. Papæ profecto solenne est eodem, quo confert, modo auferre; Vt quod ipse nunquam habuit, aut quod ipsi iam habent, aliis solet dare: ita sanè Regibus ac Imperatoribus eripit id quo ipsi antea dudum caruerunt, dum Cæsaribus extorquet, quem in manu non habent, Occidentem: Quod quid est aliud, quam hominem nudum vestibus spoliare, ac planè mortuum occidere. Verum quidem est à Pontifice Romano Carolum Magnum diademate indutum, non autem ab eodem potestate Imperiali donatum, vt Rex ab Episcopo solenniter consecratus; haud ideo ab eodem Regnum dono accipit. Hoc si ita se haberet, ipse profecto Papa Pontificatum Episcopo Ostiensi acceptum referret, ad quem ex officio pertinet Papam coronâ ornare. Imperator iam diu consuevit Regis Italiae coronam de manu Archiepiscopi Mediolanensis suscipere, à quo tamen se regnum Italiae recipisse non agnoscit. Quod si Carolus Imperium Papæ debuisset, cum certè in ipsâ coronationis pompâ Pontifex non adorasset: quod nos, qui eo ipso vixit sæculo, docet Ado Viennensis, *Perfectis* (inquit) *laudibus, à Pontifice, more Principum antiquorum, adoratus est.* Quod etiam à Ioanne Auentino annotatum, *Posthæc ab eodem* (inquit) *Pontifice, vt ceteri veterum Principum, more maiorum, adoratus est Magnus.* Simile habent Præses Falchertus

Ad ann. 799.

Sigib. ad an.
num 801.

Mar. Scot. lib. 3.
Annal.

Annal. Boio-
rum lib. 4.

tus in suo antiquitatum libro, & Petrus Curiaë Parisiensis Parliamentariae aduocatus, in ea, quam Eusebii Hieronymi ac Sigeberti Chronicis præfixit, præfatione. A populo igitur Romano collata est in Magnum Imperialis dignitas: quod testatur Sigebertus: *Romani (inquit) uno omnium consensu Carolo Regi Imperatorias laudes acclamant, eumque per manus Leonis Papæ coronant, Cæsarem & Augustum appellant.* Item Marianus Scotus, *Sub iisdem temporibus Carolus Imperator à Romanis vocatus est.* Platina in vita Leonis III. *Pontifex post solennia sacra, populi Romani scito ac precibus Carolum magna voce Imperatorem decernit.* Auentinus idem. *Imperium transferre iure suo in Germanos Carolumque tacito Senatus-consulto, plebiscitoque decernunt.* Iisdem suffragatur Sigonius Regni Italiae lib. 4. Veruntamen D^{no}. Cardinali gratificaturi fingamus Imperium Occidentale Cæsaribus Græcis per Papam abrogatum. Quæso de causa? quo commisso crimine? quo numine læso? Nicephorus atque Irene Carolo coeui Augusti à Papa certe pro hereticis non sunt habiti. Quid tum? Ipso in articulo nobis succurrit D^{nus}. Cardinalis, suggeritque quosdam ex eorum decessoribus Constantinum scilicet, ac Leonem fuisse olim hereticos, ac Ecclesiae vastatores. En iustam orthodoxi Principis deponendi causam, heresin, non quâ ipse imbutus vnquam fuerit, sed quæ quorundam dudum defunctorum pectoribus infederit. Hui rem miram! Contrà potius mihi videtur duplici honore, amoreque dignus quicumque à maioribus suis oppressam, & malè mulctatam restituit, tuereturq; veritatem. Proculdubio Sylvester Papa nequiter suo officio defuit, cum Constantinum Magnum throno Cæsareo

Cæsareo non deiecerit propter eorum, quibus in Imperio successit heres, Diocletiani, Maximiniani, & Maxentij erga Deum infidelitatem, aduersus sanctos crudelitatem.

Hinc delabitur D^{ns}. Perronius ad Fulconem Rhemensem Archiepiscopum, qui Carolo cognomento Simplici, Excommunicationem interminatus est, obsequiique sui subtractionem. Quorsum verò hoc? Quis enim nescit Regibus, præsertim (qualis hic erat) facili, tardaque indole præditis haud vnquam deesse ingenia turbulenta, quæ obseruantie debitæ metas temere transgrediuntur? Hoc autem in exemplo quid est quod Pontificis Romani nomen aut Regum depositionem sonet?

Exemplum 9.
Pag. 27.

His subiungit Philippum I. Francorum Regem: quod exemplum quàm sit ab eo mutatum, mutilatumque postea videbimus.

Exemplum 10.
Pag. 28.

Tandem à D^{no}. Cardinale deuehimur ad Gregorium VII. cognomento Hildebrandum, Imperatorum flagellum, belli facem, sæculi sui opprobrium: qui cum (inceptum audax, ac exemplo carens) in caput Henrici IV. Imperatoris, fulmen excommunicationis depositionisque euibrasset, vniuersamque Europam turbis cædibusque opplesset, sub ipso rerum pondere succubuit, ac profugus Salerni vrbe latitans, mœrore animi extinctus est: Vbi extremum redditurus spiritum, ad se vocato (narrat Sigebertus) quodam, quem charum habuit, Cardinale, Confessus est Deo, & S. Petro, & toti Ecclesie se valde peccasse in Pastoralis curâ, quæ ei ad regendum commissa erat, & suadente diabolo, contra humanum genus odium & iram concitasse. Tunc demum misit prædictum confessorem ad Im-

Exemplum 11.
Anno 1076.

Ad ann. 1085.

D

peratorem,

peratorem, & totam Ecclesiam ut optaret illi indulgentiam, quia finem vite sue aspiciebat. Etiam Benno Cardinalis Gregorio huic coceus, qui eiusdem vitam descripsit, testatur, Quamprimum è Cathedra ad excommunicandum Casarem de sede surrexerat, sedem nouiter lignis fortissimis compositam, subito scissam fuisse in plures partes, ut manifestè daretur intelligi seffor tam periculosâ excommunicatione quantâ, quâque terribilia schismata seminare contra Ecclesiam Christi. Hominem, qui, quod ante ipsum nemo ausus est, patrando maiores suos omnes ignauia, aut saltem ignorantie damnauit ipso facto, istum pro exemplo obtrudere Orbi Christiano, quid est aliud, quâm nos in latronum scholam erudiendos dare, ac virtutes antiquas nouis velle flagitijs emendare. Quod, cum animo vsurparet, Otho Frisinghensis liberè profitetur, sibi Imperatorum vitas, ac res gestas legenti, & relègenti non occurrere, vel vnus ante hunc Henricum Imperatoris exemplum, qui Romani Pontificis voce excommunicatoria Imperio deiectus fuerit. Quod si exemplis certamen hoc cernendum sit, ad quemuis æquum saltem arbitrum lubens defero, ytra plus ponderis sint habitura, pro Regibus per Papas deponendis noua (quæ tamen suo plerunque exitu caruerunt) an vetera illa per Imperatores ac Reges re effectûque thronis depulforum, ac solidas pœnas dantium Pontificum Romanorum.

In vita Hen. 4.
lib. 4. cap. 31.

Theodores. lib. 2
hiff. cap. 16.

Constantius Imperator Liberium Romæ Episcopum vrbe expulit, Beroën vsque relegauit, ei que Fælicem substituit. Erat ille quidem Arianus, eo que impiè hoc crudeliterque admisit; ab antiquis tamen Ecclesie Patribus non eo nomine reprehenditur, quod Pontificem suæ potestati

testati minimè subiectum violare auderet, sed tantum quod fidei Orthodoxæ hostis in rectè sentientes innocentisque sequiret.

Sub Valentiniano Primo ad annum Domini 367. Damasi, & Vrsicini de Romano Episcopatu ambiendo conflictatio urbem seditione conturbavit, in qua centum triginta septem oppressi perierunt. Huiusmodi turbis ut occasionem præcideret, Honorius Imperator legem tulit, quæ in Decretis habetur Distinctione 79. his verbis, *Si duo forte contra fas temeritate cōcertantium fuerint ordinati, nullum ex ijs futurum sacerdotem permittimus.* Hac sanctione fretus idem Honorius anno 420. Bonifacium & Eulalium Antipapas Romæ expulit, & post aliquot menses Bonifacium reuocavit.

Ammianus lib. 27.

Platina. Sigebertus.

Theodoricus Gothus Italiæ Rex, Iohannem Papam legavit Oratorem ad Iustinianum Imperatorem, redeuntemq; in carcerem coniecit, ubi inediâ vitam finiuit. Rex idem Petrum Altini Episcopum Romam misit, Symmachi Papæ multorum criminum insimulati causam cogniturum.

Anastatius. Platina. Liber Pontificalis Diaconus.

Annum circiter 537. missus est à Theodato Rege Papa Agapetus ad Imperatorem Iustinianum legatus, paci inter eos conciliandæ. Cui in legatione vitâ defuncto successus est in Sedem Romanam ab eodem Theodato Syluerius; quem etiam haud multò post Belisarius Imperatoris præfectus Episcopatu depulit, misitque exilium. Huic succedit Vigilius, qui Papatum à Belisario interposito pretio coëmerat. Is à Iustiniano Imperatore accersitus Constantinopolin, primò honorificè acceptus est, mox loquendi libertatem plagis penè ad necem

luit, iniec̃toq; in collum fune per urbem tanquam latro prædatorve tractus est, narrante Platina: à quo etiam non multum abludit Nicephorus lib.26.cap.17.

Platina.
Baronius.
Sigeberius.

Anno 654. Constantius Imperator Papam Martinum primò catenis vinciri, dein Cherfonesum iussit deportari, vbi exul vitam finiuit.

Iustin. Authent.
123.cap.3.

Illius sæculi Pontifices, cum ad Imperatores literas darent, submissis humilibusq; utebantur supplicandi formulis, se Cæsarum maiestatem flexo genu colere, se ad eorum iussà præstanda morigeros, paratosq; profitebantur. Imperatoribus nomine Inuestituræ Pontificalis pendebant auri viginti pondo. Quod postea tributum Papæ Agathoni à Constantino Barbato remissum est, sicut à nobis alibi est adnotatum.

Obserues Lector
eiusdem distinctionis
Canonis, qui Gregorio
IV. attribuitur
incipit, Cum
Hadrianus II
falsum esse ac
supposititium,
cum Gregorius
IV. Hadrianum
II. anis supra
20 præcesserit.

Etiam Romanorum Pontificum potentiâ opibusq; ex effusissimâ Caroli Magni, ac Ludouici eius filij munificentia, ingenti cumulo iam adauctis, haud tamen cessarunt Occidentales Imperatores suam in Papis prohibitu constituendis submouendisq; exercere potestatem. Papa Hadrianus I. huic se lubens submisit iugo, ac conuocato Concilio, sancit, vt penes Carolum ius esset Papam eligendi, ac ea quæ ad Sedem Romanam pertinent ordinandi. Quæ etiam Decretis inseritur Constitutio ad Distinctionem 63. Canone *Cum Hadrianus II.* ac longo post vsu confirmata est. Anno Domini 963. Otho Imperator Pontificatu depulit Iohannem XIII. Leonemq; VIII. substituit. Similiter per Othones in throno Papali collocati sunt Iohannes XIV. & Gregorius V. & Syluester II. Anno 1007. Imperator Henricus II. tres Papas, quos appellat Platina *tria teterrima monstra,*

monstra, throno deposuit. Huiusmodi consuetudo pluribus sæculis inualuit, vsq; ad Gregorij VII. tempora: à quo totus Occidens bellorum furij infestatus est; orbi turbas, Imperioque pestem aduehentibus, adeo ut ex illo tempore, magis magisque indies elanguente maiestate, eo tandem redacti sint Imperatores, ut a Pontifice Romano Imperij diadema iamdiu cogantur emendicare.

Cum Franciæ Regno aliquanto mitius actum est. Circa annum 832. primus in animum induxit eius gentis Regem anathemate ferire Gregorius IV. qui se flagrantibus ibidem factionibus admiscens, filiorum in Patrem Ludouicum cognomento Pium, nefariè coniurantium partes tueri non detrectauit. Quod Sigebertus in annum 832. testatur his verbis, *Gregorius Papa in Galliam veniens contra Imperatorem cum filiis agebat*. Eorum vero temporum annales; ac Aimonij Benedictini interpolator subiungunt Episcoporum Gallicanorum hanc fuisse vocem, constantemque sententiam, ut Papæ iudicio nullo modo acquiescerent, sed contrà, *si excommunicaturus veniret, excommunicatus ipse rediret Pontifex*. Verba Chronici Dionysiani sunt huiusmodi. *A Domino Apostolico responsum est, eum non aliam ob causam aduenisse, quàm ut Regem & Episcopos excommunicaret, si qua in re se Ludouici filijs aduersos, aut aduersus Papam immorigeros præstitissent: Quibus auditis, Prælati responderunt se hoc in casu illi minime obtemperaturos ad Episcopos eos excommunicandos; cum Canonum antiquorum contrà maneret auctoritas.*

*Boet. Daret.
Eccles. Gallican.
lib. 2. tit. 16.*

Postea Regem Lotharium Papa Nicholas I. communionem

munione priuauit (illo scil. sæculo de Regum depositione verbum nullum) vt hoc pacto adigeret ad Valdram dimittendam, ac Thetbergam denuò in coniugium recipiendam. Super hac controuersia Gallorum responsa (quorum articuli ex Hincmari Archiepiscopi Rhemenfis scriptis peti possunt) sic habent. A viris prudentibus illud statui, accuratèque defendi Regem cuiuscunque criminis prætextu, nec à suis Episcopis posse excommunicari, nec ab exteris iudicari : eo quod solius Dei, qui cum in solio solus stabilire potuit, imperio sit subiectus, Quinetiam ad Papam eundem bulla fulminantem à Clero Gallicano literæ responsoriæ conscriptæ sunt satis aculeatæ, atque amarulentæ. Quarum vim expressit Iohannes Auentinus, cum non tacuerit Papam in ijs *latronem, tyrannum, lupumq;* appellatum.

*Annal. Boiorum
lib. 4.*

Hadriano Papæ se rebus Gallicis ingerenti, ac Carolum Caluum intentatis execrationis terroribus adacturo, vt Lotharij regnum ad Ludouicum filium pleno iure deferri pateretur, idem Hincmarus vir cum primis illo sæculo in pretio, atque authoritate habitus, se opposuit, suasque ea de re Epistolas posteritati consignauit. In quibus hæc inter alia occurrunt, *Quod Ecclesiastici, & Seculares, qui Rhemis conuenerant, impropere dixerunt, & dicunt. Nunquam huiusmodi præceptione ab illâ Sede ulli predecessorum nostrorum missam fuisse. Et paulò post. Nec etiam ab hæreticorum, vel schismaticorum, siue tyrannorum Imperatorum, ac Regum, quales fuerunt Constantius Arianus, ac Apostata Iulianus, & Maximus tyrannus præsentia & salutatione siue colloctione sedis Apostolicæ Pontifices, vel alij magnæ authoritatis, atque sanctitatis Episcopi, cum locus, ac ratio, ac*
causa

causa exegit, se substraxisse leguntur. Et paulò inferius. Propterea si Dominus Apostolicus vult pacem querere, sic pacem querat, ut rixam non moueat: quia nos non credemus ut aliter ad Regnum Dei pervenire non possimus. si illum quem ipse commendat terrenum Regem non habuerimus.

Subiungit etiam ab Episcopis, & Dominis sæcularibus in Papam minas quasdam, quas ipse se ait non ausum in medium proferre, adiectas: Regem autem ipsum quod attinet, Pontificia mandata quanti ille fecerit, ex regijs, quæ apud eundem Hincmarum habentur, ad Papam Hadrianum literis constat: in quibus postquam Episcopo Romano superbiam, usurpationemque exprobrasset, in hanc prorumpit vocem. *Quis hanc inuersam legem infernus euomuit? Quis Tartarus de suis abditis, & tenebris cuniculis eructauit? contra quam sacris literis ostensum nobis est via?* Ipsique Papæ, nisi sua delectetur infamiâ, ne sibi aut Episcopis Gallicanis huiusmodi mandata immittat, palàm interdicat.

Regnantibus Hugone Capeto, ac eiusdem filio Roberto, Rhemis celebratum est, omnium manibus iam tritum Concilium, in quo Aurelianensis Episcopus Arnulphus totius Concilij nomine proloquutus Papam Antichristum vocat, ac tanquam deforme monstrum coloribus suis depingit, cum propter ingentia, quibus sedes illa tum cooperta erat, flagitia, tum quod donis allectus Pontifex, præsertim equis quibusdam generosis ad se missis, Arnulphum Rhemensem Archiepiscopum munere suo submotum aduersus Regem tutaretur.

Philippum I. quod repudiata Berthâ Hollandiæ
Comitis

Comitis filiâ, Bertradam Fulconis Andegauenſis adhuc ſuperſtitis vxorem ſuperinduxiſſet, Papa Vrbanus (eti-
am cum æmulum Antipapam haberet) excommunica-
uit, regnumque Gallia vniuerſum Interdicto ſuppoſuit:
prout hic nobis enarrauit Do^m Cardinalis. Verum duo
hâc in hiſtoria potiffimùm obſeruanda prorsus omiſit,
Alterum quod à Papa Philippus haudquaquam fuerit
regno abdicatus: Ex quo ſequitur nihil facere hoc ex-
emplum ad ſtabiliendam Papæ in Regia ſceptra pote-
ſtatem: Alterum quod cenſuris Pontificijs interrupta
non fuerit obedientia Regi prius debita, multo minus
Regium nomen peſſundatum: Sed contrâ pœnas dede-
rit Iuo Carnotenſis, quod à Papæ partibus ſtetiſſet, bo-
nis exutus, ac in vincula coniectus, de quibus ipſe in
Epiſtolis ſuis 19. & 20. conqueritur. Me autem ſi au-
dier D^m Cardinalis, de Regni vniuerſi interdictione,
nunquam verba faciet, niſi ſuo Regi ac Domino odium
velit conciliare. Quoties enim ad Regem caſtigandum,
regionem totam Papa emiſſo Interdicto reddit execra-
bilem, Principis vnius culpa plurimorum millium im-
meritas ceruices grauat. Quippe durante ſacrâ hac pro-
cellâ, regni vniuerſi Eccleſijs valuæ occluduntur, pub-
licæ ceſſant ſupplicationes, ſacramenta frigent, ipſæ etiâ
mutæ ſunt campanæ, denique morientium corpora de-
ſtituuntur, nec ea fas eſt in terræ cuiuſquam conſecrata
gremio componi. Imo, quod longè funeſtius, quicunq;
ſub Interdicto poſitus eſſat animam, niſi ſpeciali ali-
quo muniatur priuilegio, æternis creditur torqueri ſup-
plicijs, eo quod vitâ defungatur extorris Eccleſiæ com-
munionem. Huiuſmodi dira popularis lues ſi plures an-

nos

*De Interdicto
vide Toletum
de Inſtructione
Sacerdotum
cap. 53. & Sy-
nodum Lingon-
enſem apud
Bochel. lib. 2.
tit. 15.*

nos numerauerit, bone Deus, quot animarū misellarum myriades alieno vitio in infernum demergentur? Quid enim populus insons, quid contrā potest, aut debet, si Rex vxori remittat nuncium, ac aliam superinducat?

Philippo I. subnectit Philippum Augustum, qui quod vxore Ingeberga Dalmatarum Regis filiā repudiata, Agnetem Ducis Morauiae filiam matrimonio sibi copulauerat, à Papa Innocentio III. diris vnā cum regno vniuerso deuotus est. Verū Do^{mo} Cardinali haud cordi fuit ea, quæ in Chronicis Dionysianis reperiuntur, adijcere. Binos scil. Legatos à Papa Cælestino III. missos super hoc negotio: qui in medio omnium Franciæ Prælatorum Concilio facti sunt tanquam canes muti, qui latrare nequeunt, ita vt ab incepto suo desisterent, eo quòd de pelle sua malè metuebant. Similiter non ita multo pòst Cardinalis Campanus Regnum Interdicto subijcere, nisi postquam pedem emouisset, non est ausus. Quibus Rex irritatus, qui consenserant, Præsules sedibus suis eiecit, bonisque multauit. Quicum etiam quadrat quod à Mathæo Paris narratur, Regem hunc scil. Papæ, per internuntium Cardinalem Anagninum, nisi cum Rege Anglorum in gratiam rediret, Galliæ vniuersæ execrationem interminanti respondisse, se huiusmodi censuris nullā causæ equitate nixis haud quicquam terreri: adeoque adiecisse, *ad Romanam Ecclesiam nihil attinere in Regem, maxime Francorum, per sententiam animaduertere.* Quod etiam ex Franciæ Baronum consilio factum testatur Iohannes Tilius, qui Curiae Parisiensis archiuus præfuit.

Exemplum 12.

Bochel. pag.
320.

E

Philippi

Philippi vero pulchri perquam insigne atque oppositum occurrit exemplum. Anno 1302. Archidiaconum Narbonensem Papa cum mandatis ad Regem legauit, ut Episcopum Apameensem, ob iacta quædam Regi in os maledicta, custodiæ datum liberaret. Insuper cum olim non leuem contra Philippum animo imbibisset similitudinem, propter arrogatam Ecclesiasticorum, quæ vocant, Beneficiorum collationem, eundem hoc scripto salutatur, *Deum time, & mandata eius obserua. Scire te volumus, quod in spiritualibus, & temporalibus nobis subes. Beneficiorum & Præbendarum ad te collatio nulla spectat. Et si aliquorum vacantium custodiam habeas, fructus earum successoribus reserues. Et si quæ contulisti, collationes tales irritas decernimus, & quantum de facto processerunt, reuocamus. Aliud credentes hæreticos reputamus. Dat. Laterani. &c.*

Lutetiam venerat Legatus suauiter hac Epistolâ onustus, quæ postmodò per quosdam è famulatu Regio eius manibus vi erepta est, ac per Artesiæ Comitem in ignem iniecta. Responsum à Rege cordato (ut similes haberent labra lactucas) *Philippus Dei gratiâ Francorum Rex Bonifacio se gerenti pro summo Pontifice salutem modicam, seu nullam. Sciat maxima tua fatuitas, in temporalibus nos alicui non subesse. Ecclesiarum & Præbendarum collationem ad nos iure Regio pertinere, & fructus earum, vacatione durante, nostros facere. Collationes à nobis hætenus factas, & in posterum faciendas fore validas, & illarum vigore possessores contra omnes viriliter nos tueri. Secus autem credentes fatuos & dementes reputamus.*

His irritatus Papa Regi sacris interdicat. Ipsi vero excommunicationis huius libello nec præco, nec tabelarius

larius vllus inuentus est. Rex nihilominus conuocatos Præsules, Barones, Equitesque Parisijs conuenit, eos interrogat a quo pendeat quicquid feudi possident; quem habeant fundorum ac reddituum Ecclesiasticorum Dominum? Vnâ voce respondent se in his Regem pro Domino agnoscere, non Papam; quem etiam hæreseos, homicidij, aliorumque criminum ibidem postulant. Interea loci Pontifex Alemannos & Belgas in Francos instigat. Philippus autem vnum ex Equitibus suis Gulielmum Nogaretium mittit in Italiam; is Sciarre Columnensis consilio auxilioque fretus Papam Anagninæ capit, ac equo macilento impositum Romam perducit captiuium, vbi post paucos dies ex animi ægitudine, ac indignatione interijt. Neque vero hæc obstabant, quominus huiusce Bonifacij successores proximi ad hunc Regem literas postmodò mites, ac gratiosas darent, quibus omnis harum tragœdiarum memoria abstergeretur. Quod ex Clementis V. epistolâ constat, in qua hic Philippus pij, ac religiosi Principis nomine laudatus est, eiusque regnum pristinæ libertati restitutum. Eo tum sæculo Nobilitas Gallicana alios gerebat Spiritus, quàm hodierna, quæ orationem hanc Cardinalitiam, vel factò, vel voce, vel silentio comprobauit: eius temporis Præsules longè aliter erga Regem suum erant animati, quàm ipse D^{us} Cardinalis; qui nullū aliud reperire potest, quo exemplum hoc eludat, subterfugium, quàm quòd eius quæstionis status ad hæresin, aut apostasiam non pertinuerit. Quo quidem responso, Papam illum non modo reum agit, quod citra causam iustam, & legitimam Philippum Regem

E 2

damnauerit,

*Extraneagante
Meruit.*

damnauerit, sed etiam mendacij arguit, qui in literis illis pulchellis superius recitatis Regem in hæreticorum caulam compingit. Addit etiam in eo illius controuersiae nodum hæsisse, quòd Papa *Suprematum Franciae temporalem* sibi vendicaret; hoc est scil. Bonifacium se pro Rege Francorum gessisse, quod nusquam gentium reperitur. Nil certè aliud sibi arrogabat Pontifex, quàm vt Præbendarum conferendarum pleno iure frueretur, ac vt Regi in temporalibus superemineret. Quod ipsum etiam hodiernus Pontifex non obscure vendicat, dum ad se rapit regum deponendorum arbitrium. Quod si Cardinalis pergat argutari, asseratque Bonifacium hunc VIII. a Francis illis non pro legitimo Pontifice, sed adulterino habitum, vtpote qui largitione, ac dolo malo in sedem sacram irrepsit, dicat nobis, dicat tandem, quis, si Bonifacius inter umbras numerandus sit, illam, quæ non segnè quàm natura ipsa, a vacuo semper abhorreere creditur, cathedram tunc temporis possederit. Quod si quicumque sedem illam suffragijs, vel pretio emptis, vel compositò præoccupatis ascenderint, pro Papis parùm legitimis habendi sint (sibi ignoscat Roma, non mihi) tribus certè vltimis hisce sæculis, paucissimos, & qui vix numerum facient, reperiemus Pontifices legitimos, ac (quod ipsi præ se ferunt) Canonicè electos.

Vide Carol. Molinæum contra Paruas Datas ubi insigne commemorat Curia decretum sub Capelo 7.

Anno 1408. Papa Benedictus Carolo VI. infensus, quòd artes Pontificis quæstuaras, exactionesque, quibus Francia expilabatur, iniecto fræno cohibuisset, Bullam contra Regem Regnumque excommunicatoriam emisit vnam aut alteram. Has Academia Parisiensis censuit

cenfuit lacerandas, ipfumque Benedictum fiue Petrum de Lunâ *hereticum, ſchiſmaticum, pacisq̃ perturbatorem declarauit*. Ita ex publico Curia decreto Iunij 10. an. 1408. ſancito, bruta hæc fulmina palàm comminuta ſunt, atq; diſcerpta. Ac decimo poſt die, dimiſſo ad horam 11. matutinam Senatu, duo Pontificis emiſſarij Bulligeruli, qui hæc fulmineas cenſuras attulerunt, ad gradus palatij mulctam ignominioſam, quam *Emendum honorabilem* vocant, ſubierunt, ac ad carcerem Luparæ cum omnibus, quæ prodeuntes geſtabant, ornamentis reducti ſunt; carnificum nempè bigis circumuecti, pictis veſtibus amicti, mitris ludibrioſis infulati, tubæ clangore riſuq; publico comitante. Tanti fecit ætas illa ſcilicet ſtrepera Paparum fulmina, laruaſque chartaceas: quid etiam futura, ſi diræ hæc bullæ Regem folio deiſciendum illorum auribus intonaſſent?

Anno 1510. ab Eccleſia Gallicana in Synodo Turonenſi concluſum eſt, atque decretum, Ludouico XII. liberum fuiſſe, ſaluâ conſcientiâ, Papæ Iulij 2. *bullas abuſiuas, cenſurasque iniuſtas* contemnere, eiſdemque uſurpationes apertâ vi armiſque cohibere, etiamſi Pontifex ad Regem excommunicandum deponendumq; prorumperet. Imò, quod longè maius eſt, conſilio Piſæ habito, idem Ludouicus eum Papatu excidiſſe pronunciauit, ac nummos percuffit hac inſcriptione circumſignatos, PERDAM NOMEN BABYLONIS.

Reſpondet D^{nus}. Peronius Francos hæc tum auſos, quod probè perſpectum haberent, earum contentionũ fluctus, non à Religionis fonte, ſed deuiis ſtudiorum politicorum riuulis dimanafſe: Quâ quidem voce cum

Theodoricus
Niemenſis in
nemore vnionis
Tractat. 6.
& ſomnium
viridarij.

Papam Iulium apertè damnat, quod censuras suas non promouendæ religioni, sed ambitioni suæ satiandæ cui-
brauerit; tum nos tacitè docet, penes ipsos esse Francos,
si quando se Pontifex ad Franciæ Regem exauthoran-
dum accinxerit, censuræ infligendę causas, num necne
iustæ fuerint, pensitare, ac, si modò iniquas esse compe-
rerint, Papalia impunè eludere iudicia, fulmina con-
culcare.

Eodem diademata depascente fulgure simul tactus est
Iohannes Labretanus Rex Nauarræ, eiusque Regnum
per Papam antedictum ad Ferdinandum Arragoniæ Re-
gem translatum. Quod si erga Regem suum Franci me-
lius, quàm in suum Nauarræ, non fuissent animati, eius
certè, quam iniustam fatetur ipse D^{nus} Cardinalis, sen-
tentię vigore, factâ quasi vorsurâ, nouum sibi Francia
Dominum asciiuisset. Cuius sententię asperitatem ut a-
liqua ex parte emolliat, asserit haud inde porrectam re-
gni illius transferendi causam præcipuam, sed tantum
commodi pretextus ansam arreptam: Rationes verò
Ferdinandi solidas in eo fuisse fundatas, quod confede-
rationem quandam Iohannes Nauarræus deseruisset ea
lege sancitam, ut si quando à Regibus Nauarræis viola-
retur, regnum illud ad Hispanos rediret. Hanc nec ve-
ram, neque verisimilem, nec vnquam inter Reges ini-
tam conditionem non alio fine visus est Cardinalis ce-
rebro suo excudere, linguaque inculcare, quàm ut Regi
suo persuaderet, in Regnū illud nil sibi iuris esse, adeoque
quicquid soli occupat Nauarrici, mala se fide iniusteq;
possidere. Quid plura? En Gallum Regis Hispani
Aduocatum aduersus Gallorum Regem. Qui si hunc
sua so-

suasorem audiet, necesse habet titulis Regiis Nauarreg nomen eximere, ac omnes maiorum suorum de reliqua illius regni parte recuperandâ postulationes, conatusque tanquam iniustos, condemnare. Istamne in media Franciâ ferri linguæ licentiam? Hęcine impunè in conuentu adeò celebri pro concione dici? nec se quemquam pro Rege Christianissimo vindicem præstare, aut Aduocatum? Rei verò indignitatem vt mittamus, tolerabilia hæc certè forent, si causam attingerent, à qua prorsus abludunt. Quid enim hæc ad propositam quæstionem, in qua de Papali in Regibus deponendis vsurpatione, de Francorum ad frangendam hanc tyrannidem strenuâ constantiâ agitur? quarum quidem neutra, eò imminuitur, quod hanc sui defendendi gratiâ rationem allegauerit Ferdinandus. Nobis abundè satis est, quod regnum alteri eripuerit, alteri donauerit Papa Iulius; quodq; Papæ vt supra diximus, Franci restiterint, ac eundem Papatu decidisse pronunciauerint.

Ex eadem Francorum in iuribus Regum suorum vindicandis constantiâ, ac fortitudine natæ sunt illæ, quæ multis retro sæculis inualuerunt, consuetudines; Nequis Papæ legatus, ne quod eiusdem rescriptum, aut mandatum in Francia recipiatur, *nisi de consensu Regis Christianissimi*: ac nisi prius suas delegationis, quas vocant facultates Regio Procuratori legatus communica-uerit, etiam per Curiam Parliamenti perlustrandas, ac ratas habendas, quam penes est easdem modis certis, cancellisque circumscribere, nequid iuri Regio, Ecclesiæ immunitati, aut legum authoritati eant derogatum.

Salu-

Bochellus.

Salutarem hanc antiquitatis normam transgrediente olim Cardinale Baluâ in Franciam misso, anno 1484. ac Rege inconsulto legationis negotia obeunte, intercessum est à Procuratore Regio, ac à Curia Decretum, ut à binis aduocatis reus perageretur, demumque publicata inhibitione Interdictum, nequid ulterius, nisi mallet hostis rebellisque censer, legatoriae facultatis exerceret.

Anno 1561. die Veneris Decembr. 12. Iohannes Tanquerellus Theologiae Bacchalaureus Curiae decreto, ad confessionem huiusmodi publice praestandam, damnatus est, se nempe *indiscretè, ac inconsideratè* hanc Propositionem esse tutatum. *Quod Papa est Vicarius Christi, Monarcha habens potestatem spiritualem ac saecularem, & quod Principes suis praeceptis rebelles priuare potest dignitatibus.* Quae quamuis à se *doctrinaliter tantum, & non iuridicè* proposita protestatus sit, nihilominus ille Tanquerellus ad hanc palinodiam adactus est. Respondet D^{nus}. Cardinalis hanc historiam ad rem non facere, eo quod Tanquerelli propositio de haeresi, aut infidelitate non agat: Ego verò agere dico, cum loquatur de inobedientia aduersus Papam. Eum enim qui contra Pontificis monita in haeresi perseuerat, erga Papam esse parum morigerum non dubito. Quibus etiam accedit quod ex allatis exemplis constet, Papam minimè passurum suam in Regibus deiiciendis potestatem ad haereseos infidelitatisque causam restringi.

Anno 1591. feruentibus adhuc sacrae confederationis nomine conflatis tumultibus, bellisque, Româ emissae sunt Gregorij XIV. Bullae monitorie, quibus Henricus IV. tanquam haereticus, relapsusque scepro Francico inhabi-

inhabilis declaratus est, eiusque regnum prædę expostum. Super hæc Concilio Curia Parliamentaria Turoni Aug. 5. conuocato, Bullæ prædictę laceratę sunt, ac publici carnificis manu in pyram coniectę, decretumq; forense publicatum in huiusmodi formam, *Procuratoris Regij generalis* rationibus pensatis approbatisque, Curia declarauit, ac declarat, bullas monitorias datas Romæ 1. Martij 1591. esse nullas, abusuas, seditiosas, damnabiles, impietatis, ac imposturarum plenas, sacrosanctis decretis, iuribus, immunitatibus, ac libertatibus Ecclesię Gallicanę contrarias: Earundem exemplaria Marsilij Landriani sigillo, Septilij Lamprij subscriptione munita laceranda decernit per summi carnificis manum, & igne, qui cum in finem pro Palatij foribus accendetur, comburenda, &c. Hęc dum agerentur, à partibus sanioribus stetit D^{nu}s Peronius, ac refagante Papa, idem cum Rege suo sensit etiam hereseos obiectę crimine conculcato.

Vniuersa hæc, quę attulimus, exempla ex ijs, quę scholas in Francia viderunt Theologicas, sæculis decerpimus, vt ne præscriptos à D^{no} Cardinale temporum cancellos transgrederemur: Qui nobiscum vicissim non ita rotundę, nec fide nimis bona agere visus est, cum conceptis verbis recenset, contra Papalem in Regibus deponendis potestatem exempla obiecta esse tria, *Philippi scilicet Pulchri, Ludouici XII. ac illud Tanquerelli*: cum reuera totidem alia à nobis proposita sint exempla non minus apta, ac aperta; quę, ne causę suę detrimentum crearet, sicco pede duxit prætereunda.

Pag. 47.

Etiam in summâ Regum seruitute, altissimisque Orbis

F

Chri-

Christiani tenebris sua Galliae haud defuerunt Theologorum Lumina, à quibus hæc Pontificum in Regia iura intrusio damnata est.

Roberto Flandriæ Comiti Papa Paschalis II. in mandatis dederat, ut Clerum Leodiensem Henrici IV. Imperatoris per Papam abdicati partes adhuc fouentem pessimis vexaret modis, ad exemplum nempe Cambrensiū, quos idem Comes antea diripuerat, atrociterque laniarat, repetendæ laniens premium Duci, militibusque oblatum peccatorum (ipso facto) expiatio. Ecclesiastici autem Leodienses responsionem meditati satis liberam ac prolixam, de Ecclesia Romana conqueruntur, eam in Babylonem degenerasse: de Imperatore autem constanter asserunt, Deum in mandatis reliquisse, ut Cæsari reddantur quæ sunt Cæsaris: omnem animam potestatibus supereminentibus subiiciendam: neminē hoc præcepto exemptum: Obsequij ciuilis sacramentum sine scelere non violari: hoc nec ipsos latere, qui regnum & sacerdotium discindentes nouo schismate, nouisque ut quibusdam visum est, traditionibus eos, qui se fœdo aduersus Regem suum periurio coinquinârunt, perfidiæ crimine soluere pollicentur. Cumq; eos per opprobrium Papa fidelium communionē abdicasset, eidem in os regerunt *Cor Dauidis bonum verbum eructasse, vile autem conuicium cor Paschalis euomuisse, quale vetula & textrices solent, quæ diras execrationesque immurmurant.* Se itaque Papalem excommunicationem, ut parū prudenter latam, prorsus rejicere ac conculcare. Hæc viuo adhuc Imperatore Clericis illis vox erat, libertasque. Postquam autem per Papam concitatâ, per filium patrata impiâ rebellione, pater pri-

mum

mum imperio extorris profugisset, æmum miseriarum satur de vita excessisset, quid mirum si, qui saluam sibi cutim vellent, supplices huiusce quasi delicti veniam petere cogerentur.

Hildebertus Cænomanorum Episcopus, qui sub Philippo I. vixerat, in Epistolis suis 75. & 40. asserit, *Apud Regem opus esse exhortatione potius, quàm increpatione, consilio, quam præcepto, doctrinâ, quam virgâ: hunc enim gladium ad Ecclesiam non pertinere, quæ nullum alium habet, quam disciplinam Ecclesiasticam.*

Biblioth. Patrum, tom. 3.

Bernardus ad Papam Eugenium scribens, *Non monstrabunt* (inquit) *puto, qui hoc dicent, ubi aliquando quispiam Apostolorum iudex sederit hominum, aut diuisor terminorum, aut distributor terrarum. Stetisse lego Apostolos iudicandos, sedisse iudicantes non lego. Item, In criminibus, non in possessionibus potestas vestra: quoniam propter illa, & non propter has accepistis claves regni celorum, præuaricatores utique exclusuri, non possessores. Et paulò post. Habent hæc infima ac terrena iudices suos & reges & Principes terræ. Quid fines alienos inuaditis? Et alibi. Planum est, Apostolis interdicitur dominatus. I ergo tu, & tibi usurpare aude aut dominans Apostolatam, aut Apostolicum dominatum. Planè ab alterutro prohiberis. Si utrumque similiter habere voles, perdes utrumque.*

De consider. lib. 1. cap. 6.

Lib. 2. cap. 6.

Iohannes Maior Parisiensis Doctor. *Maximus Pontifex non habet dominium temporale super Reges. Probatur. Nam dato opposito sequitur, quòd Reges sunt eius vassalli.*

Dist. 24. quest. 3.

Idem. *Nullum titulum habet Papa super regnum Francorum, vel Hispaniarum in temporalibus. Papam etiam Innocentium III. adiungit asserentem Franciæ Regem non*

Comment. in lib. sent. dist. 24. fol. 214.

agnoscere superiorem in temporalibus, planèque detre-
ctantem arbitrium interponere ad cuiusdam de Monte
Pessulano Nobilis petitionem, qui filio suo spurio ad le-
gitimi nomen ac ius euehendo, non Regium diploma,
sed Papalem dispensationem flagitabat. *Sed dicis cum
glossa (inquit) Non recognoscit superiorem de facto, debet ta-
men de iure. Hanc glossam probo esse Aurelianensem, & textus
corruptiuam.* Ac inter alias hanc allegat rationem. *Quòd
ex hac sententia Papis ministratur materia rapiendi alieni Im-
perii, quod nunquam ad finem deducere poterunt: Ut legimus
de Bonifacio VIII. contra Philippum Pulchrum. Hinc etiam
bella oriri ait, quibus durantibus multa mala committuntur.
Propterea Iohannes Gerson asserentes talia blandientes appellat.
Ibidem Hildericum à Zacharia depositum negat. Non
oportet (inquit) uti illo vocabulo (Deposuit) in significatione,
quâ capitur prima fronte, sed, (sicut exponit Glossa) deponen-
tibus consensit. Iohannes Parisiensis. Dato etiam quod
Christus temporalem auctoritatem & potestatem habuerit, eam
tamen Petro non commisit. Et paulò post. Potestas regalis
maior est in temporalibus, non habens super se superiorem, si-
cut nec Papa in spiritualibus. Ille quidem Regem asserit
à Papa posse excommunicari, ab eodem autem deponi,
illud non ait: tantummodo hinc tanquam ex accidenti
dicit consequi posse depositionem, populo nempe ad
Regem de dignitate sæculari deiiciendum hinc incita-
to. Atqui idem Iohannes vicissim tenet, Quod Impera-
tor potest Papam deponere; puta si Papa utatur sua potestate
in detrimentum Reipub.*

De potestate
Regia & Pa-
pali cap. 10.

Alm. de potesta-
te Ecclesie &
laica ut habe-
atur inter opera
Gersonis, quæst.
2. cap. 8.

Iacobus Almain ex Sorbonica schola Doctor. De
ratione potestatis laicæ est, pœnam civilem posse infligere, et
sunt

sunt mors, exilium, bonorum priuatio &c. sed nullam talem
 pœnam ex institutione diuina infligere potest Ecclesiastica po-
 testas; imo nec incarcerare, ut plerisque Doctoribus placet;
 sed ad solam pœnam spiritualem extenditur, ut puta excom-
 municationem, reliquæ autem pœnæ, quibus rotitur, ex iure po-
 sitiuo sunt. Quod si Ecclesia iure diuino potestatem nul-
 lam habeat quenquam bonis suis priuandi, quî fit quæso
 quòd Pontifices Romani, eorumque assentatores, Pa-
 palem Regum folijs suis detrudendorum potestatem,
 verbo Dei fundatam iactitent? Idem Almaini alibi:
*Supposito quod Constantinus habuerit potestatem dandi Papæ,
 vel resignandi Imperium, adhuc propter hoc non potest argui,
 quòd Papa habeat auctoritatem super regnum Franciæ: quia
 illud non erat subiectum Constantino. Nunquam enim Rex
 Franciæ habuit superiorem in temporalibus. Et paulò post:
 Nullibi reperitur quod Deus Papæ dederit potestatem instituendi
 & destituendi Reges temporales. Alibi etiam tuetur Za-
 chariam non deposuisse Hildericum, sed solùm, ut depo-
 ni posset, consensisse, & sic non deposuit auctoritatiuè.*
 Itidem libro eodem Occamum sequutus, quem Do-
 ctorem appellat, *Imperator est Dominus Papæ in tempo-
 ralibus: Nam habetur textus II. q. Can. Sacerdotibus, ubi
 Papa vocat Imperatorem Dominum suum.* Has & similes
 Iacobi Almaini voces silentio sepelit, dissimulatque D^{us}.
 Cardinalis, dum, quem ex suâ sententiâ suisque verbis
 loquentem proferre oportuit, Occami tantummodo
 verba recitantem introducit. Quod circulatoriæ cuius-
 dam agilitatis est, atque versutiæ. Quid enim est hære-
 sum quod Sanctissimis Augustino aut Hieronymo af-
 fingi non possit, si omnes aliorum, quas commemo-
 rant,

De dominio na-
 turali civili &
 Ecclesiastico S.
 ult. pars Quod
 ex institutione
 &c.

Quest. 1. cap.
 12. & 14.

Quest. 2. cap. 8

Quest. 3 cap. 2.

Qu. 1. cap. 9.

Qu. 2. cap. 12.

Cap. 9. 10. 11.

rant, sententias approbare ipsi censeantur? Hinc est quòd testimonia non locis integra, sed corrosa, ac decurtata adducat. Vt in primo testimonio, videre est, quod mutilatum adduxit, verbis, quæ contra sentiens Almainus subiunxerat, decussis; ea autem sic habent, *Etsi alij Doctores hoc negent, & doceant Papam habere potestatem (solummodo) declarandi ipsum (Regem) esse deponendum. Patet, quia esset occasio, quòd ratione talis potestatis Papa efferretur in maximam superbiam: & illa plenitudo potestatis esset multum damnosa subiectis.* Quinetiam ab eodem Almaino cum Occami, tum propriâ quasi in unam ferruminantur sententiæ, idque ea formulâ, quæ ipsam apertè iugulat quæstionem. *Opinio (inquit) Doctoris simpliciter probabilior est, quòd nec per Excommunicationem, nec alio modo potest Papa Principem deponere a sua dignitate Imperiali & Regali.* Item cum paulò superius statuisset Papam nec Imperium Romanum a Græcis ad Alemannos transtulisse, nec, cum Imperatorem diadema induit, Imperium in eum conferre (haud secus ac Archiepiscopo Rhemenfi Franciæ Regem inungenti Regnum haudquaquam refertur acceptum) secundum Occamum ita concludit, *Nego quod (Imperator) teneatur præstare iuramentum Papæ. Imo potius è diuerso Papa habens prædia tenetur præstare iuramentum fidelitatis Imperatori, ratione prædiorum, & ad tributum soluendum.* Idem Occamus ab Almaino laudatus asserit superiorem in temporalibus agnitum a Papa Iustinianum, eo quod leges, quibus obseruandis ipse Papa obligatur, sanxiuerit, verbi gratia, regulam illam præscriptionis post centum annos, quod temporis curriculum etiam contra Rom. Pontificem

Pontificem obtinet. Vt autem luce clarius constet, quam immani spatio Occami sententia disterneretur ab illâ Dⁿⁱ Cardinalis, qui sub finem dictionis suæ auditores, ne a Papâ vllatenus dissentiant, hortatur, en ipsa Occami verba, recitante Almaino, *Soluit Doctor in libro argumenta Innocentij, quibus nitebatur probare plenitudinem potestatis in temporalibus competere summo Pontifici ex verbis Quodcunque ligaueris, dicit Innocentius, quòd Quodcunque nihil excipit. Soluit authoritatem Innocentij, quod non solum est falsa, sed hæreticalis: & quod multa verba Innocentij sapiunt hæresim, &c.*

Qu. 1. cap. 14.

Fide etiamnum minore D^{us} Cardinalis bina nobis depromit loca ex Summa Thomæ Aquinatis. Alterum ex Secundæ Secunda Qu. 10. Art. 10. in corpore Articuli: Quem qui propiùs considerauerit, loqui Aquinatem reperiet, non de subiectione, quâ subditi fideles Regibus infidelibus obstringuntur (quod nobis obtrudere cupit Cardinalis) sed de famulis, siue seruis fidelibus, qui heros Iudeos vel Infideles agnoscunt, velut cum sub Iudæo seruitutem seruiebant, qui Christo nomen dederant, vel cum inter Cæsaris domesticos numerantur domestici fidei; quos intuetur scilicet ibi Thomas, non vt ciues, ac Imperio politico subditos, sed tantum vt famulitij partem, ac iussis despoticis suppositos. Locus alter digitum intendit ad Quæst. 11. art. 2. ad ipsum corpus articuli: Ego vero, dum vniuersum Articuli illius corpus perlustro, *Vmbram pro corpore capto*, nec allegati quicquam reperio.

More etiam suo, ac solitâ, non quidem solidâ fide cum Iohanne Gersone agit. Qui quidem in libro de Pag. 44.
potestate

potestate Ecclesiastica consideratione 12. ait, *dum redundat abusus potestatis secularis in impugnationem fidei, & blasphemiam Creatoris, tunc attendere conuenit vltimam huius* 12. *Considerationis particulam: quod in his Ecclesiastica potestas habet dominium quoddam regituum, directiuum, regulatiuum, & ordinatiuum.* Hæc ipsius verba Gersonis: in quibus de Regum depositione, aut Ecclesiæ potestate coercitiua ne gry quidem. Hæc enim, de qua loquitur quamque Ecclesiæ tribuit *directio & ordinatio* circa censuras versatur Ecclesiasticas, exclusionemque a bonorum communione spiritualium, non usu, fructu ciuili-um, regno denique arcet cœlesti, non terreno deturbat. Hæc igitur Gersonis sententia sensu plane alieno a D^{no} Cardinale perperam intelligitur: A quo nec illud omis- sum oportuit, quod, quoties de Regum in temporalibus subiectione, ac sceptrorum ex Papali arbitrio dependen- tiâ initur quæstio, idem Gerson Franciæ Regi suum sibi semper ius illibatum ac sacrosanctum seruat. Quod fa- tis testantur ea, quæ locum a Cardinale allegatum pau- lo præcedunt. *Non oportet nunc post Petrum vt omnis potestas Imperialis, Regalis, vel altera secularis sit immediate robur habens a summo Pontifice: sicut Rex Francorum Chri- stianissimus superiorem hoc modo non habet, nec recognoscit in terris.* Iam verò Oedipo non est opus, qui subtile hoc arcanum ingenio rimetur: coronam scilicet Franciæ à Papapendere, si vllâ omnino ex causâ, aut occasione possit eam donare aut eripere Pontifex.

Pag. 108. 109.
110. *Voi Dom.*
Cardinalis pro
Carolo VI. sep.
ponit.

Et quoniam in Gersonem incidimus, opportunum hic erit eas sigillatim excutere sententias, quas ex eiusdē publi- ca apud Regem Carolum V I. Academiæ Parisiensis nomine

nomine habitâ oratione desumptas, dictionis suæ calci
 inseruit D^{us} Cardinalis, vbi ipsum introducit asserentem
Tyrannicidium Deo gratum esse sacrificium. Verùm il-
 lud etiam atque etiam attendendum, eam non Gersonis
 esse vocem, sed personatæ Seditionis; quam postquam
 hæc, & similia loquentem introduxerat, se statim ipse
 Gerson ita interponit stomachabundus, *Ad furiosam hanc*
Seditionis vocem ego, quasi exanimis, faciem defledebam, rabi-
em eius in dicendo amplius ferre non valens. Quippe post-
 quam hinc Dissimulatio, illinc contrâ Seditio partes v-
 triusque extremi aduersas aliquantisper tutatæ essent,
 moderatricem, ac Mediocritatis vindicem inducit idem
 author *Discretionem*, ea ipsa quasi de tribunali pronunci-
 antem, quæ D^{us} Cardinalis contra se allegat. *Concluda-*
mus, inquit, quod si caput, aut aliquod ciuitatis membrum ta-
le incurreret inconueniens, quod tyrannidis mortale venenum
sorbere vellet, membrum quodlibet suo in loco, toto posse, obui-
are deberet, per media conuenientia, & talia, per quæ non pe-
ius sequatur. Non congruit, si caput paruo afficiatur dolore,
manum ipsum percutere. Hoc enim fatuum esset, nec conuenit
ipsum statim abscindi, aut à corpore separari, sed in omni dul-
cedine medicari, tam per verba bona, quàm aliter ad bonorum
medicorum exemplum. Nec quicquam esset irrationabilius, &
crudelius, quàm per seditionem tyrannidem impedire velle. Ist-
 hæc mihi videntur perquàm apposita & rotunda aduer-
 sus Regum etiam Tyrannorum lanienas. Ac paulò post
 de eiicienda Tyrannide agens, nihil de exigendo Tyran-
 no loquitur, sed de Tyrannide tantum auferenda: Re-
 media igitur petenda monet, non à Papa Regem abdi-
 cante, sed à *Philosophis, Iuristis, Theologis, & bonæ vitæ ho-*
 minibus.

minibus. Ex his, quæ diximus constat, cum in septima consideratione contra Blandientes dicat, quòd si subditos manifestè, & cum obstinatione in iniuria, & de facto prosequatur Princeps, tunc regula hæc naturalis; Vim vi repellere licet, locum habet: & id Seneca in tragædijs, Nulla Deo gravior victima, quam Tyrannus. Hæc verba (locum habet) eo sensu, quo alibi ab eodem authore usurpata sunt, esse accipienda: nempe inter seditiosos. Vel idem valere tunc locum habet ac si dixisset, tunc temporis in usum & praxin venit, nec tamen suum hac in re calculum interposuisset.

Neque vero D^{no} Cardinali omittendus erat Sigebertus, quem nihil obstat quin in Gallorum, siue Francorum numero habeat potius quàm Thomam Aquinatem, aut Gulielmum Occamum: quos quidem nobis pro Francis obtrudit. Is in Annalibus suis ad annum 1088. de Imperatoris per Papam depositione loquens, Hæc sola, inquit, novitas, ne dicam hæresis, nec dum in mundo emerferat, ut Sacerdotes illius, qui dixit Regi apostata, & qui regnare facit hypocritam propter peccata populi, doceant populum quòd malis Regibus nullam debeant subiectionem, & licet ei sacramentum fidelitatis fecerint, nullam tamen debeant fidelitatem.

Cum causæ suæ firmamenta, quæ potius ex verbo Dei, veterisque Ecclesiæ exemplis quæfuisse oportuit, D^{nus} Cardinalis ex nouissimorum sæculorum historijs adeo, ut vidimus, anxie discussis petierit, (ex quibus tamen si ab ipsius partibus starent, nulla huic controuersie terminandæ conciliaretur autoritas) relictis tandem probationum suarum cohortibus, aduersariorum tela
ipse

ipse videri vult & lacuere, & retundere.

Ut obiectionibus liberam sternat viam, ita intercedentes Regum sceptrorumque defensores introducit.

Pag. 52. &
sequentibus.

Verum (occurreret inquit) *fieri potest, ut Regibus crimen* „
hæreseos, aut apostasias nil tale merentibus intendant Pontifi- „
ces, aut turbulento scilicet animi impetu abrepti, aut incertis, fal- „
lacibusque facti narrationibus aurem præbentes. Ad hæc re- „
sponsum suggerit Regum exactoribus. Eos hæresin intel- „
ligere notoriam, ac præniâ Ecclesiæ sententiâ damnatam. Iti- „
dem si Papa in facto errauerit, Clero incumbere ut Regi suo „
adherentes Pontificem monitis, argumentisque propositis obtun- „
dant, flagitentq, ut ad plenum Concilium res referatur, præsentē „
Ecclesiâ Gallicanâ dijudicanda. In quo quidem hic noster „
cum Bellarmino Concardinale haudquaquam eodem
torquetur cardine, qui apertè tuetur Regem iniuste
damnatum à Papâ, debere nihilominus Regno cedere,
adeoque sententiam summi Pastoris iniustam Regi ni-
hil detrimenti creaturam, cedat modò, seq; vndiquaque
obsequentem præstet, ac Papam errori suo tandem ag-
nito abrenunciaturum patienter expectet. Quibus qui-
dem astruendis bina hæc supponenda, cum eum,
qui Regni iam compos est, idem Sancti patris iussu
continuo dimissurum; tum Regem immeritò deie-
ctum, pendente interea lite, tutum à sicarijs incolu-
memque permansurum. D^{no} autem Peronio non placet
concessa Papæ adeo vasta potestas: Rege enim iniuste
deposito per Papam, ut loquuntur, *male informatum*;
Regnum non vult Pontificis iussa pati, sed eundem
rationum refutationumque telis repellere, ac in fre-
quentis Concilij campum prouocare: Isthoc certè di-

*Aduersus
Barclajum.*

cto Papam Concilio prorsus subiecit: Quod, præsertim in Cardinale haud quidem gratum habiturus est Sanctus Pater. Iam verò hoc, quod requirit, Concilium proculdubio vniuersale esse oportet, ad quod, Gallicani Episcopi non sunt vt Iudices admittendi, cum partem faciant, ac Regis sui causam foueant. Eapropter scilicet Do^m Cardinalis Ecclesiam Gallicanam huiusmodi Concilio interesse tantum postulat. En ergo quo res redierit Gallicana: Ad Episcopos Italicos, Hispanicos, Siculos, Germanos, Principum in Franciam forte parum beneuolorum, nonnunquam etiam hostium subditos referendum, vtrum Francia Regem sit suum exactura, vtrum seditionis flamma sit in medijs Regni illius penetralibus accendenda: Verum numnon fieri potest, vt subditi Regi suo male velint, ac eiusdem opprimendi ansam hinc arripiant? Annon vsu euenire potest, vt quibus Pontifex, ijsdem etiam populi pars bene magna calumnijs per credulitatem decipiatur? Annon probabile est populum in factiones discessurum, hos Papæ, illos Regi suo constanter adhæsuros, inde bella intestina incalitura? An certum est Francorum rationibus postulatisque Pontificem acquieturum? Cum autem intra septa Ecclesiæ Romanæ, Synodus vniuersalis non nisi Papæ auspicijs nutuque nunc dierum celebrari possit, nunquid credibile est Papam velle Concilium conuocare, a quo ipse iudicetur? Quis vero poterit Papa Concilio præsidere, in quo ipse reus agendus est, ac pro quæstione, cui definiendæ conuenitur, proponitur vtrum rite neene atque ordine Papa sententiam tulerit. Enimuero dum hæc primo propositionibus expo-

lantur,

lantur, deinde Synodicis disceptionibus ventilantur, ecce maiestatem interea loci pendulam, ac quasi nube spissâ obuolutam, arbitrium expectantem generalis scilicet Synodi, quæ si, Tridentinam imitata, biennio trienniove coalescat, annosque duret vnde viginti, en misellæ Franciæ quo interim loco posita sunt Fortunæ. Verbo ut absolvam, quæ ad soluendum hunc nodum affert D^{us} Cardinalis, omnia & supra fidem sunt, & planè ludicra. Quod ex ijs, quæ subiungit, constat. *Quod si Papa errore facti deceptus precipitanter iniusteque Regem hæreticum declarauerit, declarationem hanc Papalem non poterit, nisi interueniente Regni ipsius consensu, sequi depositio, ut loquuntur, actualis.* Quid nos opus erat hoc moneri? Quis nescit Regem, dum à subditis suis sustentatur, atque propugnatur, non posse dici actu effectūque depositum? Ita qui loquitur, idem dixerit Regem coronâ, quam iam custodit, non orbari; non posse nudum constitui, dum adhuc vestitus manet: nunquam fore regno extorrem, dum inimicis est fortior. Denique semper Regem futurum quamdiu regnum possederit. Interim etiam obiter Cardinalis verba obseruemus. *Quod ad Regem deponendum opus est populi consensu.* Qua voce populus supra Regem euehitur, ac Regiæ depositionis iudex constituitur.

En verò, quod longè maius. Etenim posse Papas in fide errare ab ipsis etiam Papis agnitum est: E quibus nonnullos facilè est nominare, qui Papam Honorium damnârunt, eo quod esset *monothelita*. Sanctissimi Hieronymus, Hilarius, Athanasius Liberium Romæ Episcopum deflexisse, ac Arianismo subscripsisse testantur. Io-

*Can. Si Papa
dist. 40. Nisi
sit à fide do-
natus.*

hannes XXIII. à Concilio Constantienſi damnatus eſt, quod Paradifum pariter infernumque de rerum natura ſuſtuliffet. Modo non abſimili etiam alij Pontifices: Si quis igitur Papa hæreticus Regem Orthodoxum falſo hæreſeos crimine damnauerit, adeoque depoſuerit, numquid cenſes bellum hunc hominem, qui ſe *omnia iura in ſcrinio pectoris* habere recondita gloriatur, velle propoſitis Francorum rationibus acquieſcere? Qui verò ipſe ab hæreſi non eſt ſemper immunis, qui poterit contra Regem eſſe iudex de hæreſi? Regeſtum eſt ſupra poſſe eum vt hominem, non vt Papam errare. Scilicet. Atqui verò hoc in caſu cur Papa ille hominem illum non inſtruit? vel contra cur ab illo Papà homo ille alter-idem ſe doceri non poſtulat? Certè quidem Rex, ſi per hunc vel hominem, vel Papam deponatur, tantundem eſt, regno deponitur. Occurrunt alij, errare poſſe Papam in quæſtione facti, in iuris quæſtione non item. Nugæ, gerreque germanæ. Si enim Papam latere poterit vtrum necne IESVS CHRISTVS pro nobis mortuus ſit, quid ni itidem lateat vtrum in morte CHRISTI noſtra collocanda ſit fiducia? Videte mihi priſci ſæculi Prophetas: illi certè cælitus inſpirati inſtructique ad Reges Iudaicos Iſraeliticosque commonefaciendos atque obiurgandos, non de facto magis, quàm de iure vnquam titubarunt, æquè oculati, inuictique contra obrepentes calumniatorum fraudes, ac aduerſus fucum falſorum dogmatum. Denique vt in re fidei nunquam errarunt, ita in innocentes, immeritosque linguam nunquam exacuerunt, nedum virgulam euibruarunt. Lepidum verò tunc temporis fuiſſet affirmare, eos in hæreſin erro-

remve

remve labi potuisse, quâ Esaiam, quâ Danielem, non autem quâ Prophetas. Isthoc enim in casu proculdubio Esaias ille Prophetam adhibuisset in consilium, hoc est semetipsum. Denique si Reges tantum eoque pro Regibus habendi sint, donec eos tandem Papa hæreticos declaraverit, atque deposuerit, in summo semper periculo versantur iniqui valdè iudicij subeundi, adeoque ipsis longè tutius esset nihil omnino scire, ac per vicariū suū procuratorem credere, ne fortè, si de Deo loquutur, leij videantur, aut de religione solliciti, in hæreticorum pristino molant. Vniuersa quæ apud D^{nm} Cardinalem sequuntur exempla, quid aliud sapiunt quàm nouitatem, leuitatem, temporumque seruitutem? in quibus etiam Pontifices in causa propria sibi perhibent testimonium. Neq; verò circa Regum depositionem versantur, sed excommunicationem, interdictionemq; quæ controuersiam nostram nō incurrunt. Hinc fit quod sepe se profiteatur non nisi *de facto* loqui, quasi conscius hæc *de iure* non patrata: quid euenerit narrat, non quid fieri oportuerit. Quod planè nihil docentis est, ac non tam Perronica grauitate, quàm Pyrrhonica leuitate omnia vellicantis.

SECUNDI INCOMMUDI

EXCVSSIO.

Secundum, quod ex propositi à plebeio Ordine Articuli receptione emerfurum scilicet animaduertit D^{ms}. Cardinalis incommodum, est, quod *de religione iudicandi sibi arriperent Laici potestatem, ac statuendi, eam, quæ thesi illa continetur, doctrinam verbo diuino esse*

Pag. 86.

„ esse consentaneam, denique necessitatem imponere possent Eccle-
 „ stasticis huiusce propositionis partem alteram predicatione pro-
 „ mulgandi, iuramentoque obfignandi, alteram voce scriptisque,
 „ oppugnandi. Quæ dum meditatur indignabundus, qui-
 „ bus verborum ampullis intumescit? O opprobrium, O
 „ scandalum, O portam omnium hæresum cohorti apertam!
 Hanc igitur Laicorum usurpationem odiosam reddere,
 & rationibus faragit, & Scripturæ locis. Quæ dum vol-
 uit saxa, sudando, hilum non proficit, illud pro con-
 cesso arripiens, quod nusquam est gentium. Cum enim
 hanc proponeret Thesis Ordo ille plebeius, se non ut
 iudicem gessit, sed ut indagatorem, vel etiam petito-
 rem, nec ad aliud collimavit, quàm ut prædictus articulus in
 publicos conuentus illius codices referretur, inde Regi
 honorificisque Consiliariis exhibendus, eorum expecta-
 to super hac re iudicio, cui quidem postulato promo-
 uendo sibi suffragaturos vnâ Ecclesiasticos Procereſque
 sperabat. Non ita rerum ignari, officiique parum me-
 mores erant populares, ut quod à se semel propositum
 esset, aut rogatum, vim legis obtinere crederent, utroque
 Ordine superiore adhuc reclamante, ac Rege ipso non-
 dum consentiente. Neque verò hic ab ijs articulus in
 medium adductus est, ut inter religiosa dogmata cenſe-
 retur, sed ut pro Reip. cuius illi & partem, & curam ge-
 rebant, lege fundamentali in posterum obtineret. Si e-
 nim Rex articulum hunc assensu suo ratum habuisset,
 ac Ecclesiasticis imperasset, ut eius vim effectumque
 executioni mandarent, illis, ut subditis, incumberet Re-
 gi suo præstare obedientiam, obligatis scilicet ad operam
 Regi nauandam, opemque conferendam, in iis, quæ Re-
 giæ

giæ incolumitati, Regniq̃ tranquillitati inferuiunt. Atque hoc dum pro virili conarentur, non Plebeio Ordini, sed Regi essent dicto audientes, qui mandata huiusmodi dedisset pro imperio suo, commonefactus quidem à fidelissimis subditis, quorum diligentiam ipsa Cleri, Papæ quàm Regi obstrictioris, exacuit negligentia. Hic itaque cum larvis luctatur Cardinalis, ac questionem mouet absque aduersario. Neque id quidem frustra; sed pro ingenio suo, versutè satis hoc pacto liberius Regem suum in disciplinam vocat, eiq̃ iura prescribit, orationem personatam ad popularem Ordinem specie tenus dirigens, sed re ipsa Regem, Principes, honoratissimosq̃ Consiliarios sub Laicorum laruâ pungens, atque obiurgans, quorum hac in re iudicijs, quam populari postulato, Ecclesiasticos verisimile est plus commoueri. Hi ergo sunt, quos inducit alieni muneris inuasores, portarumq̃ ad hæreses admittendas reclusores: siquidem enim ad solos Clericos, eorumq̃ præcipuè caput pertineat de iure Regum inuiolabili iudicare, certè Rex ipse cum Principibus, vniuersaq̃ Nobilitate non minùs, quam Ordo plebeius, erit à sacro hoc senatu eliminandus.

Pleno itaq; imbre Scripturarum testimoniis depluit, quibus nempe monetur populus, vt Pastores suos debitis officiis prosequatur. Quasi verò hisce præceptis retundenda sit populi diligentia, quâ Regiæ vitæ ac incolumitati inuigilat, etiam contra nefarios quorundam conatus, quibus stimulos subdunt viri scilicet Ecclesiastici, qui se Regibus subiectos negant, externo capite freti, longè dissimiles ijs, quos loca allegata describunt, sacerdotibus

Pag. 61.

H

ac

Pag. 61.

Oratione ad
cives timore
perculsos.

demonst. p. p.

ac præpositis, qui nihil vnquam priuilegij adeo insolentis ac odiosi sibi arrogârunt. Imperatores quinetiam inducit, Constantinum causarum Episcopaliū iudiciū à se amouentem: necnon Valentinianum, qui subtilium Theologiæ quæstionum enodationem à se amolientis, *Nolle se dixit in abstrusarum eiusmodi contemplationum nodos ingerere.* Quasi verò Regiæ securitati providere sit causas Episcopales discutere, aut subtilia curiosè rimari. Quæ quidem responsione facilè occurritur omnibus, quæ à Cardinale hic allegantur, sanctorum Patrum sententiis. E quibus illud è Gregorio Nazianzeno parū candidè citatum est: qui non Imperatorem, sed Præfectum, siue Præsidentem affatus, inquit *αρχιεπισκοπὴ καὶ ἐκείνῳ ἀντιτάσσεται.* Etenim *nos etiam imperitamus*, id est, authoritate quadam nobis peculiari pollemus. Quod sic reddidit D^{us} Cardinalis. *Nos etiam Imperatores sumus.* Cum neque Imperator fuerit, apud quem hæc pronunciata sunt, neque sine insigni leuitatis notâ potuerit exiguæ (quale Nazianzum) villæ Episcopus nomen Imperatorium sibi arrogare. Quodenim ad subiectionem Imperatoribus debitam attinet, *se cum vniuerso grege suo potestatibus supereminentibus subditum, vsq; ad tributi debitionem paulò superiùs agnouerat.* Eiusdem Gregorij vita, cuius descriptio ipsius operibus præfigi solet, testatur eum ab Arianis protractum ad tribunal Consulare, ac inde dimissum absolutum, & à plagis contumeliisq; immunem. En verò post isthæc omnia Prælatum Ecclesiasticum, qui hunc Gregorium fetulis Imperatoriis venditasse somniat. Lubenter illud quidem fatemur, ad se nunquam rapuisse supremum de fidei doctrinâ iudiciū Imperatores, atqui Synodis moderandis,

derandis, earumque decretis approbandis, adeoque disciplina Ecclesiastica promouenda suam interposuisse auctoritatem, id probè perspectum habemus, accuratèque defendimus. Concilium Constantinopolitanum I. hac gaudet inscriptione. *Dedicatio sanctæ Synodi ad pientissimum Imperatorem (Theodosium Magnum) Cui canones ab ipsis editos subiecerunt.* Ibidem Concilij confirmationem, approbationemque petunt ab Imperatore: Similia habet Concilium Trullanum, à quo Quinti ac Sexti Conciliorum Canones editi sunt. Non quod Imperatores se Iudices de religione erroris expertes constituerent: sed hæc eum in finem administrarunt, vt ea, quæ ab Episcopis deliberata erant, atque conclusa, (viris, vt est hominum genus vniuersum, suæ fortis amplificandæ cupidis) cognoscerent, atque perpenderent, numquid in iis occurreret, quod regiam auctoritatem violaret, Reipub. pacem conturbaret, aut præcedentium Conciliorum decretis salutaribus repugnaret. Quibus causis hætenus tractandis qui Regem arcent, certè in statuam mutant, à Regij officij sollicitudine semouent, ac eo redigunt, vt nil aliud quàm publici lictoris, ne dicam carnificis partes obeat, dum Ecclesiasticorum iussis se procuratorem ac mandatarium præstat, nulla etiam in iis, quæ Regem maximè attinent, ipsius præuiâ causarum recognitione. Ad scholas fateor Theologicas pertinere de potestate clauium, eiusdemque amplitudine disputare, ac iudicium interponere: nec diffiteor quidem posse, ac debere Ecclesiasticos, Laicorum iudicio minimè requisito, in Principes, qui spreto, quo se obligârunt Saceramento, IESU CHRISTO bellum indicunt, censuras sacras contorquere.

Canones Græci
à Tilio editi.
ΘΕΟΦΩΤΗΣ ΚΑΙ
ΑΓΙΑΣ ΣΥΝΟΔΟΥ
ΘΕΣ ΤΩΝ ΕΙΣΘΕ-
ΣΕΤΩΝ ΒΑΣΙΛΕΩΝ Ω
ΝΟΜΟΘΕΤΩΝ ΤΗΣ
ΕΚ ΑΥΤΩΝ ΕΚΤΕ-
ΘΕΤΗΣ ΚΑΘΟΛΗΣ.

Hoc autem non impedit, quò minùs nonnunquam accidat, vt clauium suarum potestaté Clerici iusto longius extendant, aut si quando hoc prætextu freti populum bonis, Regemve sceptro priuare sategerint, Regem, populumve penes sit sibi cauere, sua tueri iura, ac Clericos postulare, vt diplomata sua in medium producant, sacræq; pagine oraculis eam, quam vendicant authoritatem à Deo sibi porrectam ostendant. Hoc enim Papæ, vt Iudici absoluto, negotium committere, in quo ipse pars est, quodque dominij sui summum propugnaculum, ac splendissimum apicem facit, vt de Regum scilicet coronis pro arbitrio statuere possit, quid est aliud, quam extra omnem iuris sui obtinendi viam, aut recuperandi spem Reges amandare?

Haud grauabor etiam illud profiteri, siquid verbo diuino prorsus contrarium, ac Ecclesiæ subuertendæ primum fortè Rex mandauerit, Ecclesiasticorum esse hoc in casu non modò populum ab omni in rebus huiusmodi obedientiâ liberatos pronunciare, sed ipsi etiam Regine faciat, aut iubeat, apertè interminari. (Deo quippe semper potius quàm hominibus parendum.) Iisdem verò interim incumbit populum, vt huic principi, in reliquis, quæ Dei maiestatem non imminuunt, fideliter, constanterque pareant, cohortari, ac ab omni tumultu, & seditione inhibere. Id certè veteribus solenne erat Imperatorum à Christo alienorum iugo laborantibus Christianis; quorum patientiâ ac masuetudine vberius fæliciusque creuit olim Ecclesia, quam hodie suis artibus, hoc est Regum abdicationibus, Regnorum interdictionibus, laniensis, parricidijs, insanisque machinarum sulphurearum sub-

substructionibus, Papismus vnquam est inualiturus.

Eâdem, quâ priora, integritate Do^{mus} Cardinalis
 loca Scripturæ quædam distorquet in eorum gratiam,
 qui Papæ Reges deponendi authoritatem vendicant:
Allegant (inquit) *Samuelem deposuisse Saulem, aut depo-*
positum declarasse, eo quod Religionis Iudaica leges vio-
lasset. Eundem etiam alibi depositum ait propterea
 quod Sacerdotium vsurpasset. Vtrumque falsò, &
 contra apertam sacræ historiæ fidem. Neque enim
 vnquam Saulem legimus depositum eo significatu,
 quo Rex hâc in controuersia *deponi* dicitur, hoc est
 dignitate Regia spoliatum, ac ad vitæ priuatæ sortem
 detrusum: cum vsque ad supremum anhelitum & Reg-
 num proprio iure administrauerit, & Rex semper
 in Scripturis fuerit appellatus; ne ipso quidem Da-
 uide, cum iam & promisso diuino, & præuiâ vnctione
 sceptris immineret, suos illi titulos minuent. Quod si
 eum Samuel ex Dei mandatis regno iam submouisset,
 non sine graui & Ecclesiæ Israeliticæ, & Prophetæ ip-
 sius peccato ab vtrisque rex etiamnum saluatus fuisset,
 contra clamante Dei ordinatione, per hunc promulgatâ,
 ab his susceptâ. Nec ab eius cæde manum ea ratione
 David abstinuisset, quòd erat *Vnctus Domini*. Siquidem
 ex illo momento, quo Samuel eum ne rex esset amplius
 à Deo reiectum renunciârat, regni gubernaculis exci-
 disse, adeoque regnare desisset, Dauidem, ne regnum
 illud Rege vacaret, iam tum oportuerat gubernacu-
 lis se admouisse: vnde sequeretur etiam sacram histo-
 riam erroris insimulandam: quæ regni Dauidici annos
 a Saulis interitu auspiciatur. Deum quidem 2. Samue-

Pag. 66.

1. Sam. 23. 20.
 & 24. 15.
 2. Sam. 2. 5.

1. Sam. 26. 21.

1. Sam. 16.

lis cap. 15. denunciasset verum est, eum a se reiectum, ne Rex esset amplius super Israel; huiusce autem sententiae denunciatoriae executio in diem illum dilata est, quo Saulem Deus supplicio in exemplum memorabili affecit, regioque simul decore ac vitâ tradidit spoliandum. Vnde vntione Davidis a Samuele prius obitâ constat, non tam praesentem in solum euectionem, quàm promissionem diuinam obsignatam, electionisque Davidem imperio designantis declarationem celebratam. Quo in genere simile occurrit Dei mandatum, 1. Reg. cap. 19. Eliae Prophetae commissum, Hazaem in Syriae Regem inungendi. Neque enim quemquam crediderim in historia adeo peregrinum, ut Reges Syros existimet à Prophetis Israeliticis constitutos, aut consecratos. Hanc denique ob causam David cum regnum iniret se denuo inungi passus est. Item eisdem Paparum pugiles inducit asserentes, *Roboam Regiâ in decem tribus Israeliticis potestate priuatum per Abiam prophetam; quod pater eius Salomon à lege diuina fecisset.* Quod quidem non minus abest a veritate. Nusquam enim legitur Ahias Rhoboamum affatus, aut Dei verbis illi quicquam annunciasse. Nec locus à D^{no} Cardinale citatus 3. Regum cap. 11. Rhoboami regnantis, sed Salomonis tempora attingit: nec destituenti Regis sententiam praese fert iudicatoriam, sed praedictionem propheticam. Quis potuerat scilicet regno dei dei Rhoboamus nondum regnum adeptus? Denique (quod improbius est) hoc pro exemplo iustae Regis deponendi causae, sententiaeque legitimae allegare, quid aliud est, quàm serui erga Dominum perfidiam approbare.

approbare, & Ieroboamum perduellem, quem sacra historia impietatis stigmatē infamavit, tacitē collaudare.

Quod subiungit, exemplum eiusdem classis est. Achabum nempe, quod *falsorum Deorum cultus admisisset, per Eliam prophetam regno exutum.* Hoc æquē falsum, ac illi dii falsi. Achabus non prius regno excidit, quam vitā. Scripturæ ipsæ, quæ non ex hominum opinione, sed rerum veritate loquuntur, regni Achabici annos ad eiusdem usque mortem vnā produciunt. De imminente Regis interitu vaticinia depositionis sententiam non sonant. Achabi subditos datæ fidei religione solutos Elias non pronunciat, nec loco Achabi alium in solio statuit Regio.

Nec verius illud, quod mox sequitur, *Regem scilicet Oziam populi consortio exterminatum per Azariam Sacerdotem; Inde Regni etiam administrationem illi ereptam.* Postquam enim Deus lepræ plagam illi inflixerat, in secreta recessit, ne contagione alijs obesset. Summus Sacerdos in eum nihil statuerat, quod depositionem saperet, vel a Regno administrando suspensionem. Eius regnum in Scripturis cum vitā terminatur. Quod si cum Sacerdos secundum legem Leu. 13. immundum iudicaret, de eo sententiam tulit, ut infirmo, atque agro, non ut criminis reo, ac depositionis pænæ obnoxio. Lex sceleribus, non morbis supplicia solet irrogare. Iosephus cum vitam priuatam cum traduxisse asserat, non inuit regno deiectum, sed civilium negotiorum procuratore atque onere subleuatum.

Mattathiae exemplum Iudæos ad rebellionem aduersus

1. Reg. 19.

Pag. 68.

2. Chron. 26.

Antiq. lib. 9.
cap. 11.

Pag. 69.

sus Antiochum instigantis tantundem valet. Ibi enim nulla depositionis sententia, sed populi afflicti, oppressi- que animatio, atque erectio. Qui se coniurationi contra Regem incundæ præbet antesignanum, non continuo iudicis personam ad Regem gradu solenniter deijciendum induisse censendus est. Huic seditioni dux accessit Mattathias, non ut sacerdotis vice fungens, sed ut vir in primis bellicosus, ac inter suos egregius. Facinora denique subito populi impetu patrata pro legibus haudquaquam sunt habenda, nec ordinariam, qualem Papis attribuunt, adesse comprobant potestatem.

Pag. 67.

Hæ certè nostræ sunt responsiones: non autem illæ, quas nobis pro libitu affingit Do^{us} Cardinalis, ut sibi delicias creet, dum leuem, quam ipse nobis induit, armaturam confodit, atque diuexat. Operæpretium itaque facturum non sum, si retundere coner, quæ ab eo allata sunt, de noui Testamenti missione ordinaria, de lepra, de lapidibus, de floccis, & argutulis huiusmodi titiullitijs, quæ peritus scilicet scabiei medicafter ex intimo leprario delibauit, Regum capitibus obnubendis, eorumque coronis infœlici arbori ad Papæ arbitrium suspendendis: hæc ideo omnia, quia hæresis quandam lepræ similitudinem gerat, quod quidem non minus aptè de quauis animi labe inueteratâ, ac contagiosâ potest prædicari. Iure itaque optimo se profitetur nihil hac in parte statuere, infirmis nimirum nixus rationibus, quibus superstrui erecta & constans nescit sententia.

Pag. 66.

Deiectis his ratiuncularum machinis, videamus num nostrum mage sit penetrabile telum. Cuius cuspidem
ita

ita intentat. *Qui negatiuam (inquit) partem tuantur, Sancti* Pag. 69.
Pauli præceptum inculcant, Omnis anima potestatibus supere-
minentibus subdita esto. Qui enim potestatibus resistit, di-
uine resistit Ordinationi, & Petri illud, Subditi esote, siue
Regi, ut præcellenti, siue magistratibus &c. Vnde Regibus
obedientiam iure diuino deberi colligunt, ideoque nulla auctori-
tate seu spiritali, siue temporali dispensabilem. En quæ nos
asseuerantes introducit. Atqui, quod in argumento hoc
nostro est neruosissimum, sciens dissimulat: Imperato-
res scilicet, de quibus locuti sunt sanctissimi Apostoli,
apertos fuisse Christi hostes, ac tyrannos sanguinarios:
hæc tamen non obstitisse, quo minus *omnis anima*, ideo
Episcopus etiam Romanus ijs subijceretur: Quod nos
apertè docuit Sanctus Chrysostom. homil. 23. in Episto-
lam ad Romanos. *Ista imperantur omnibus & Sacerdotibus,*
& monachis, non solum secularibus. Etiam si Apostolus sis, si
Euangelista, si Propheta, siue quisquis tandem fueris. Illud
etiam obseruatu dignum, generale hoc mandatum, quo
omnes æquè obligantur Christiani, a Sancto Paulo ad
Romanam Ecclesiam speciatim, rectâque dirigi, quasi
præscio ac præmonente, illâ in vrbe, seditionum fon-
tem erupturum, ibi nascituram belluam, quæ ciuili obe-
dientiæ neruos corroderet. Cuius quidem Ecclesiæ ca-
piti si quod in promptu sit priuilegij munimentum ex
Scripturæ archiuis desumptum, quo se generali huic
mandato eximat: Cardinalem decuerat obsignatis ta-
bulis egisse, ac in celeberrimo conuentu, qui hoc auide
expectabat, in medium protulisse. Ille autem huiusmodi
confirmationis loco leui declinatione utitur, caussatus
fundamentum illud, quod a nostris positum est, con-
trouersia

„ trouerſiæ nodum non attingere. *Illud enim (inquit) haud*
„ *controuerſitur, Vtrum Regibus obedientia iure diuino debeat*
„ *tur, quamdiu Reges ſunt, aut pro Regibus agnoſcuntur: ſed in*
„ *eo vertitur cardo, vtrum ius diuinum poſtulet, vt qui ſemel ab*
„ *vniverſis Regni ordinibus pro Rege agnitus ſit, pro non Rege*
„ *vnquam haberi nequeat, hoc eſt committere quicquam non poſ-*
„ *ſit, per quod iure ſuo excidat, & Rex ſalutari deſinat. Quod*
quidem reſponſum merum eſt Ieſuitarum ſubterfugi-
um: quorum delicatis auribus nimis truculentum ſo-
nant illa, Regem trucidari: atqui eundem Exregem red-
di, ac tum demum occidi, iuſtum iſtud, ac ſalutare. Re-
gem ſcilicet folio deiectum perimere, Regem perimere
non eſt. Iſthæc dum commentarijs conſigno, non ne-
minem in vinculis teneo, qui hæc dogmatum nouel-
lorum monſtra fouet animo, linguâque profiteri ſuſti-
net. Eandem proſecto chordam pulſat Cardinalis: qui
vult Regi obediri dum Rex eſt: Papæ autem Exregem
faciendi concedit poteſtatem. Reſpondeo itaque hæc
Sanctorum Pauli, Petrique oracula reuerâ nihil ad cau-
ſam præſentem ſpectatura, ſi, quam iam excudit, noſtra
eſſet quæſtio. Verum is non eſt controuerſiæ ſtatus, v-
trum Rex quiſpiam quicquam poſſit patrare, cuius gra-
tiâ iure ſuo excidat, vel pro Rege amplius non habea-
tur: ſed de Papæ in Regibus deponendis poteſtate in-
ter nos litigatur: cum tamen in eâ, quam iam de nouo
fabricauit, quæſtionis ſtructurâ de Papâ verbum nul-
lum: Licet enim in illud vterque noſtrum conſentiret,
poſſe Regem electitium regno excidere, adhuc tamen
hæreret nodus, vtrum Papam penes ſit huiusmodi Re-
gem deponere, ac, quod nonnunquam in eum contu-
lerat,

lerat, auferre; atque quo demum Scripturæ testimo-
nio hanc sibi commissam potestatem demonstret Pon-
tifex.

Atqui se strenuè protegit D^m Cardinalis regeritque, Pag. 71.
*Sicut præcipitur, ut omnis anima potestatibus supereminen-
tibus subiecta sit, ita etiam imperatum, Obedite præpositis
vestris, & illis vos submitte: Pro animabus enim ve-
stris inuigilant, ut rationem reddituri.* Hæc eius ratio ra-
tionis prorsus expers est, & contra ipsum militat. Præ-
latis enim obedire in promptu est citra Regum depo-
sitionem. Imo si secundum Euangelij mentem vox
Prælatorum sonet, ad Regi rebellandum populus de
suggesto sacro nunquam instigabitur. Quinetiam cum,
in partes adeo discrepantes vniuersali hodie discedente
Ecclesiâ, Prælati omnes idem inter se non sentiant, per-
quam difficile est vniuersis simul obedire, præsertim si
Deo etiam parere meminerimus. Hoc denique aduer-
sarij telum ipsi in iugulum sic retorqueo. Quemad-
modum omnibus imperante Deo ut Regibus subiecti
sint, non patitur tamen Cardinalis inde colligi, penes
Reges esse Prælatos Ecclesiasticos gradu deicere: ita
cum iubeat Deus ut Prælatis dicto simus audientes,
ego hinc sequi pernego, penes esse Prælatos Reges solio
deturbare. In vtrisque mutuum quoddam manet officium
& obsequij, & imperij, quæ suis circumscripta finibus
non se iugulant mutuò, sed iuuant amicèq; conspirant.

Cum iam a nobis steterit vniuersa Ecclesia primiti-
ua, quæ pluribus sæculis sub Imperatoribus gemens
infidelibus, hæreticis, persecutoribus, de rebellionem, aut
defectione ineundâ verbum nullum vnquam mutiuit,

nec fidelitatis Imperatori debitæ vinculo per quenquam mortalium liberata est: veteres tunc temporis Christianos fatetur Cardinalis ad fidem obedientiamque Imperatoribus præstandam mansisse obligatos, eò quod illos Ecclesia (Papæ nomen puduit obtrudere) nondum iuramento dato absoluisset. Suaue vero somnium, vel iocularem potius ludum, cogitare penes Romæ Episcopum fuisse, Neronem, aut Claudium, aut Domitianum orbis Imperio deicere, qui ne illud quidem, credo, nouerant, an Roma haberet Episcopum. Hosce autem Orbis terrarum Dominos adeo fuisse obesæ naris, ut proxima nequirent subodorari? adeo parum oculis & suis, & alienis vsos, ut hominem in ipsa Imperij matrice hospitantem ordinariâ legitimâque Imperij exequendi, induendi, transferendi potestate præditum nunquam persentiscerent? Habent profecto hi Imperatores, habent quo se tueantur, quòd Imperij Papalis serui cum essent, atque (ut loquitur hæc ætas) vasalli, se tamen in Pontificis famulitium, ut homines seruos decuit, non tum insinuârunt: Illis scilicet prorsus ignotum erat vtrum in orbe vniuerso, ne dum in vrbe Romana, quid esset eiusmodi, quod officiosa posteritas peculiari Papæ nomine indigitauit, adornauit, adorauit. Etenim tunc temporis Episcopi Romani autoritate potentiâque pollebant, perinde ac vnus, aut alter ex hodiernis, quos in regnis meis videre est, Episcopis.

Verùm primitiui illi Papæ, suo sibi iure minimè vtendum censuerunt; erga perditos illos Imperatores se potius mansuetos, lentosque præbuerunt, idque tribus de causis quas sigillatim proponit D^{us}. Cardinalis.

Prima

Prima ratio in eo fundatur, quod non ausi sint Pontifices, ne Ecclesiam dirioribus vexandam persecutionibus propinarent, censuris huiusmodi emissis Imperatores lacerare, ac irritare. Mihi verò nisi iudicium infra nō Theologi modo, sed & plebei Christiani modulum subsidat, facile est probare ex huiusmodi assertionem non Episcopos modò Rom. sed & omnes, qui antiquitus CHRISTO nomen dederant, dissimulationis, ac perfidiæ palam postulari. Tantundem enim est, ac si dixisset, eam, quam Principibus Christiani præstiterunt, obedientiam non ingenuam fuisse, ac liberam, sed simulatam, & coactam; vocēsque sanctorum omnium Patrum supplices, fidei, humilitatis, patientiæ testes ac obsides, personata esse dicta, quæ non suggestit veritas, sed metus extorfit. Vnde etiam sequetur eorum cruciatus & supplicia internecina splendidis Martyrij titulis immeritò decorari, quorum patientiæ non electio vitam attulit, sed vim intulit necessitas: adeoque si tyrannos facto impetu non domuerint, potentiam, non voluntatem defuisse. Quam quidem ipsi olim à se depulerunt calumniam. Tertullianus in Apologetico, *Hesterni sumus, & omnia vestra impleuimus, vrbes, insulas, castella, municipia, castra ipsa, &c. si tanta vis hominum in aliquem orbis remoti finem abruptissemus à vobis, proculdubio expauissetis ad solitudinem vestram, ad silentium rerum & stuporem quendam quasi mortui, vrbes quasi essetis quibus imperaretis. Plures hostes vobis, quam ciues remansissent.* Cyprianus contra Demetrianum, *Nemo nostrum se aduersus iniustam violentiam vestram, quamvis nimius & copiosus noster sit populus, vlciscitur.* Sub Iuliano certè Christianismus vniuersum penè Imperium iam peruaserat; Eius

*Tert. Apol.
cap. 37.*

Socr. lib. 3. c. 19
Theodor. l. 4. c. 1
Sozomen. l. 6. c. 1

Aug. in Psal.
124.

Pag. 81.

Præfecti Ducésque erant Christiani, inprimis Iouinianus, & Valentinianus (postmodo ipsi Imperio potiti) quibus facile erat Episcopum Romanum ad exautho-
randum Imperatorem sollicitare. Tamen enim vniuersus Iuliani exercitus fidem Christianam abnegasset (quod nobis suadere satagit Do^{us} Cardinalis, etiam recla-
mante eodem exercitu, qui, mortuo Iuliano, vocem il-
lam vno omnes ore ediderunt *Christiani sumus*) cum ta-
men in fide persisteret Italia, & Iuliani cohortes apud
Persas extremo Imperij Romani margine iam secuba-
rent, satis commodam Episcopus Romanus tunc nactus
est ansam potestatis huiusmodi, siquam haberet exer-
endæ, ac exercendæ. Addo etiam subitanè hac communi-
que totius militiæ Augustæ confessione, qua se *Christia-
nos* profitebantur, satis demonstrari, milites, si modò
Ethnicismum fouerint, id inuitos compulsoque fecisse;
vnde sequitur eisdem Iuliani depositionem minus gra-
uatè ferendam, quàm si liberâ ipsis indulgisset religionis
optionem. Ne plura prosequar, S. Augustinus suo rem
conficit testimonio, apertèque monstrat, militiam Iulia-
nicam in fide Christianâ perseuerasse. *Milites, inquit, Chri-
stiani seruierunt Imperatori infideli. Vbi veniebatur ad causam
Christi, non agnoscebant, nisi illum qui in celo erat. Quando vo-
lebat vt idola colerent, vt thurificarent, præponebant illi Deum.*
Quibus verbis statim annectuntur illa, quæ contra se
prouocare audet Do^{us} Cardinalis, *Distinguebant Dominum
eternum à domino temporali: & tamen subditi erant propter Do-
minum eternum etiâ domino temporali.* Hoc modo itaq;
se gesserunt Christiani, vt Deo obtemperarent, non au-
tem Imperatoris irritandi, aut persecutionis deuocandæ
metu.

metu. Quas quidem causas dum affingit Do^{us} Cardinalis, scholam aperit seditionis, subditosque, quoties viribus prævalent, ad rebellandum instigat. Quod si exitu optato aberrauerit coniuratio, hinc tacite præmonentur, non eo se peccasse, quod consilia inierint infida & proditoria, sed quod temporibus vsi sint alienis atque aduersis, nec copias suas satis attentè prius lustrauerint. His formata præceptis, his imbuta disciplinis ingenia desperata, quid mirum si puluerem nitratum spirent, sicamq; tractent parricidiale?

Dimisso Iuliano Valentinianum iuniorem aggreditur, quem Arianam impietatem etiam apertâ vi fouentem cum facile poterant imperio submouere Christiani Orthodoxi, nil tale machinati sunt, aut vnquam cogitarunt. Pag. 81.
Respondet Do^{us} Cardinalis, *eos recenti fratris patrisque memoria infirmæque filii iuuentute commotos seuerioribus consiliis abstinuisse.* Quæ quidem valdè infirmæ sunt coniecturæ, ac ad libitum excogitatæ. Illi enim erga Imperatorem non alio se modo gessissent, si patrem sortitus fuisset Arianum, ac annos sexaginta tunc numerasset. Subiungit populum ad seditionem spectasse, propositi adeo tenacem, vt barbarum metu cedere coactus sit Imperator, milites autem interminatos, se eum defensuros quamdiu Catholicorum partibus adhæreret. Quæ certè ad propositum nihil faciunt de Papali virgula in Regum exterminium depromendâ. Enimuerò arctissimum consequentiæ vinculum contemplemur. Valentinianus ad populi Mediolanensis tumultum expauit: Ergo Pontifex Romanus Reges hæreticos deponendi ius habet. Quantum distant Româ Mediolanum, à Populo Episcopus

scopus, tumultus inconditus à sententiâ iudicatoriâ, factum à iure; tantum profecto à ratione abest hæc oratio, à consequentiâ hæc sententia. Hic itaque exemplo adhibendus erat Mediolanensis, non populi furor effrenis, sed Episcopi feruor recta suadentis: Ambrosij, scilicet, pastoris optimi ea tum mens fuit, ea vox, ut se Martyrio offerret: tantum abfuit à plebe ad rebellionem concitandâ. Si suo, (inquit, narrante Theodoreto) *ad tyrannidem abutatur imperio, en me morti subeunda paratum.* Ac Imperatori quidē non aliter restitit quàm supplicando. *Rogamus* (inquit) *Auguste, non pugnamus, Non timemus, sed rogamus.* Item, *Si patrimonium petitur, inuadite: si corpus, occurram. Vultis in vincula rapere? vultis in mortem? Voluptati est mihi.*

Epistol. lib. 5.
Epist. 33.

Epistolar. lib. 5.

Idem in oratione in Auxentium. *Dolere potero, potero flere, potero gemere aduersus arma, milites, Gothos quoque lachrymæ meæ arma sunt. Talia enim munimenta sunt Sacerdotis. Aliter nec debeo, nec possum resistere.*

In Italia Ostrogothorum, in Hispaniâ Visigothorum, in Africâ Vandalorum Reges Arianam omnes tuebantur impietatem, quidam etiam in Orthodoxos fauebant. Quinetiam loco satis disiuncti à Papa erant Visigothj & Vandali, ne quid illorum crabronum rabiem metueret, si irritaret: nihilominus eorum neminem unquam regno submouendum censuit. Attendenda verò præcipue sunt tempora, cum in Africa Vandali, in Italia Gothi,

Gothi, asperis diutinisque bellis à Narfete, & Belisario Orthodoxis attriti sunt: Ioui Romano tunc in regum istorum capita fulgurandum, & detonandum fuerat, tunc excutienda Arianis sceptrā, tunc subditi rectè sentientes datæ fidei iugo dissoluendi, vt Catholicis hoc pacto subsidia accrescerent. Atqui eo certè sæculo tela huiusmodi Cyclopica incudem Pontificiam non obtuderant.

Gregorius I. se gloriatur Longobardorum, Romanos Episcopos acriter infestantium resque, spesque potuisse subuertere, sed Dei timore cohibitum: quod à nobis ali-
In Apologia pro iuramento fidelitatis.
 bi est obseruatum: Eius verba in libri 7. Epistola 1. sic habent, *Si ego in morte Longobardorum me miscere voluisssem, hodie Longobardorum gens nec Regem, nec Duces, nec Comites haberet, atque in summa confusione esset diuisa. Sed quia Deum timeo, in mortem cuiuslibet hominis me miscere, formido.* Illorum saltem Regem regno priuare potuisset, nec vllō inde scelere se inquinasset, si D^{um} Cardinalem sequamur iudicem.

Enimuerò quid hoc est aliud, quàm antiquissimos Romæ Episcopos crudelitatis insimulare, quòd Ecclesiæ sub tyrannis, quos scilicet loco deicere poterant, laboranti opem debitam non attulerint? IESVMNE CHRISTVM credibile est in S. Petrum, eiusque successores minus quoddam transfudisse executionis incapax, atque intractabile? Illis in manum tradidisse gladium non nisi post mille annos euaginandum? Numquid iis demum sæculis, quæ Papas viderunt impurissimos, ac (quod faterentur, qui loquuntur molliùs, ipsorum asseclæ, ac assentatores) vitiis omnibus coöpertos, Officij Papalis vigor
 K ac

ac nervus cœpit innotescere? Si enim metu, vel impotentia manum inhibuerint, cur Pontificum vnus saltem non producit, qui se à potestate per IESVM CHRISTVM illi sedi traditâ exercendâ impediri olim conquestus sit? cur ex veteribus neminem laudat, qui Pontifici consultor, hortatorque fuerit, vt animos sibi sumeret, quantus ipse vir fiet cogitaret, in Reges impios Ecclesiæque graues fulmina disploderet? Cur mitioribus Ecclesiæ temporibus, cum per Imperatores pietate & clementia insignes liberè liceret proloqui, rationes suas, quibus ab hoc telo intorquendo olim retracti sunt, non exposuerunt? Id certè inprimis curandum erat, ne, dum in vaginâ hic gladius tot sæculis delitesceret, rubiginem contraheret ita pertinacem, vt, cum vsus venerit, postea nequiret deuaginari: imò ipsa ex non usu prescriptio, contra Ecclesiam Romanam curreret tot annorum centuriis decursis confirmata. Quod si his fulminibus obicem ponat, iustumque imperet silentium virium debilitas, vnde, quaeso, euenit quod in Philippum Pulchrum, Ludouicum XII. Francorum Reges, ac, (vt alios omittam,) nuperrimè in decessorem meam faelicissimæ memoriæ heroinam *Elisabetham* Pontifices brutum depositionis fulmen contorserint? In his certè virium imparitatem testata est experientia: Inde etiam plerumque bella, turbæ clades subsecutæ, quæ lege iustissimâ in authorum capita resularunt. Quod antea in Gregorio VII. & Bonifacio VIII. Orbis vidit Christianus. Hinc profecto est, quod, ne suo se laqueo strangulet, Papa (qui consultior haberi velit) Regem præcipitem deturbare non prius conetur, quam eundem videat in lubrico

brico iam, ac declivi titubantem, intestinâ nempe factione iam confirmatâ, & Regi ipsi legem dicente, aut vicino aliquo Principe potentiore prædam sitiente, ac oculis emissitiis inuolandi ansum exquirente. Regem sic positum Papæ tam facile est in malam rem detrudere, ac murum suffossis iam fundamentis ac columellis nutantem manu deiicere. Sin factiones obtriuerit Rex, hostesque conculcarit, en obuios à sancto Patre pacis sequestros, qui præteritorum ablutionem, absolutionemque etiam non roganti obtrudent.

*Ecce Oratores aderunt ex vrbe Latinâ
Velati ramis oleæ, veniamque ferentes.*

Tum quidem pro sua benignitate, quod eripere nequit, regnum illi permissurus, paternum Pontifex amorem atque indulgentiam in dilecti filij caput cumulabit, *Non modio neque trimodio, verum ipso horreo.*

Quot viri illustres, egregijque Principes in supremos rerum Dominos sub Papa signifero coniurati, ac res novas moliti aut vitâ, aut honore exciderunt? vt alios taceamus, exemplo sit Rodolphus ille Sueviæ dux, qui, Papâ stimulos admouente, contra Imperatorem Henricum IV. etiam affinitate fratrem arma sumpsit, sibi que Imperij sacra est ausus arrogare. Quantum inde insequutum præliorum, occisionum, atque deuastationum? Historias qui volet scruteretur, calculum subducat, præter urbium obsidiones, ab Henrico IV. & Frederico I. sexagies aperto Marte pugnatum reperiet, iuri suo tuendo contra Imperij hostes à Papis concitados. Sanguinis autem Christiani quantum bellis hisce Papalibus effusum est, nec modus, nec numerus capit. Propria vt reuisam, annon Papa, metas etiam suas transgressus, cum suorum

in regno meo copias debiles esse probè nouerit, eos nihilominus ad rebellandum contra me tacitè instigat: quid enim aliud facit, cum, ne fidelitatis sacramento mihi adhæcant, interdicit? Quo quidem facto filiorum suorum capitibus, quantum in se est, supplicia, & quam vocat, persecutionis procellam sciens, volensque deuocat, ac suis proscribendis publicas quasi tabulas suffigit. Vniuersa hæc, adeoque singula exempla fidem faciunt, Papas à Regum Imperatorumque depositione, quoties huiusmodi fulminationibus se crescere posse sperarent, non ideo abstinuisse, quod persecutiones, turbas, cædes ea occasione essent inuecturi.

Denique penes quosuis præiudicio imbutos, imò ipsos aduersarios esto iudicium, num non hæc doctrinâ, quæ subiectionem Regibus Infidelibus, aut hæreticis eousque præstandam imperat, donec ad eos deponendos, aut exigendos vires suppetierint, Turcici Imperatores, reliquique Reges à Christianismo alieni moneantur, ut omnes sub ipsorum ditionibus degentes Christianos prorsus exterminent, ciues nempe perniciosos, ac rebellandi opportunitatem captantes, nec aliâ parendi lege obstrictos, quam necessitate, ac metu, pessimo custode diuturnitatis. Hæc itaque celebri illa Hosij Imperatorem Constantium Arianum per epistolam alloquentis sententiâ tandem concludamus. *Quemadmodum qui tuum imperium occultis conatibus inuadit, contradicit diuinæ ordinationi; ita & tu caue, ne quæ Ecclesiæ sunt ad te trahens, magno crimini fias obnoxius.* Vbi sanctus ille Episcopus hanc, quam ingerit Cardinalis, exceptionem oblitus est intertexere, nempe saluo semper Ecclesiæ iure viribus semel præualentis, ac iugi Imperialis

Apud Athanasium in epistola ad solitarios ut im agentes.

perialis excutiendi nactæ opportunitatem. Nec verò de priuatis tantum loquitur, aut certâ hominum conditione, sed normam vniuersalem, ac simplicem omnibus præscribit; ne maiestatem Imperatoriam quocunque prætextu eant imminutum.

Vt hæc, quam excussimus, ratio a debilitate petita Pag. 77.
perquam debilis est, ita eidem congener, quæ secundo Ratio 2.
loco sequitur, apud D^m Cardinalem. In qua statuit *im-* „
mani inter se spatio distare illinc Paganos Imperatores, qui „
Christo nunquam nomen dederunt, nec a subditis suis ea lege „
recepti sunt, ut imperio Christi se semper subijciant, nec sacra- „
mento interposito aut inito contractu mutuo sunt obligati; hinc „
Principes Christianos, per Apostasiam degenerantes, ac Aria- „
nismum, aut Mahumetismum amplectentes. De his, quasi pactum „
Sacramentumque ineuntibus iuramento illi, a quo regnum auspi- „
cati sunt, contrarium, & religionem Catholicam infestantibus, „
posse regnis submoueri asserit: per quem autem sub-
mouendi sint, non adjicit; Papam semper subinnu-
ere intelligendus. De Regibus autem, in quos stupi-
ditatis, matrimonij violati, aut beneficiorum Ecclesi-
asticorum perperam collatorum prætextu Pontifices in-
tonuerunt, Childerico, Philippo I. & Philippo Pulchro
verbum nullum; ne si vllam in partem eloqueretur,
aut hinc Papæ, aut illinc auditorum offensionem in-
curreret.

Hanc dum adducit rationem, palam testatur Papam
in Rege deponendo Ecclesiæ commodo incolumitati-
que parum studere. Nec enim minus Ecclesiæ obest
Princeps, qui nunquam non fuerit Infidelis, religionis-
que deuastator, quam qui olim Christianam pietatem

Psal. 2.

amplexus est. Quod autem ad sceleris grauitatem at-
 tinet, non ita multum interesse videtur. Rex enim is,
 qui nulla se religione Christo obstrinxit, non minus
 obligatur, quàm si Sacramento huiusmodi se deuouisset.
 Non secus ac filius in patrem rebellis æquè peccat, iu-
 ratus, an iniuratus ad præstandam patri obedientiam.
 Eo quod hæc obligatio fundetur non in pacto volun-
 tario, sed natiuà lege, quasque publico Naturæ Sacra-
 mento. Mandatum de osculando filio, quem Pater Re-
 gem Regum constituit, omnes ex æquo obligat Reges
 tam Ethnicos, quàm Christianos. Ex altera parte Con-
 stantium Imperatorem quis neget Imperium auspican-
 tem solenni iuramento suscepto vouisse se fidem Ortho-
 doxam protecturum, ac ea interposita conditione Cæ-
 sarem a patre declaratum. Episcopus tamen Romanus
 hunc Imperatorem solio non depulit, sed contra hic
 Episcopum Romanum cathedrâ. Quod si iuramenti
 in Regiâ consecratione præstiti violatio causam mini-
 stret solidam Regi apostatico, vel hæretico per Papam
 deponendo, sequetur etiam eum Regem a Papa simili-
 ter deponendum, qui, cùm nec Apostasiâ laboret, nec
 hæresi, iustitiæ interim officijs desit, nec populo ad a-
 mussim iura dispenset: quæ pars est Regij Sacramenti
 non minima. Hoc tamen a Cardinale Sancto Patri non
 conceditur, cui ille nouas scilicet leges ausus est præscri-
 bere, ac *potestatis plenitudinem* ripis quibusdam, atque ag-
 geribus coercere; id solummodo largitus, vt Reges de-
 ponere possit Christianos, fidei Catholicæ desertores,
 non item Paganos, qui Christo nunquam militarunt.
 Oblitus interim Regi Attabalibæ regnum Peruanum
 per

per Pontificem nuper erectum & Hispaniarum Regi dono datum: cum tamen nec miscellus ille Rex Ethnicam vnquam exuisset superstitionem; nec istiusmodi exhæredatio terrena viam illi strauerit ad coelestem hereditatem. Quinetiam a Cardinale paulò post docemur, *Quantumcunque diutinâ possessione Turcica inueterauerint Victoriae, quibus Christianorum sedes inuaserunt, nullo tamen temporis tractu posse Turcarum Imperatorem contra Christianos de minimo terræ digitulo præscribere. Quasi dixerit Turcam semper esse malæ fidei possessorem, adeoque iure optimo posse deponi: cum tamen Imperatores Turcici nunquam fuerint Christiani. Quod si Regum illorum, ad quos deponendos Papæ surrexerunt, exempla percurramus, vix vnum reperiemus, qui Sacramentum inierit illi, quo se IESV CHRISTO obstrinxit, Sacramento contrarium, aut qui in Apostasiam sese præcipitauerit.*

Ac certè singula accuratiùs pensitanti falsum illud esse constabit, Franciæ Regem a suis recipi, eâ conditione, vt IESV CHRISTO seruiat, cum iam Rex fuerit antequam consecratus, ac priusquam subditis suis quicquam pollicitus sit, aut stipulatus. Illud enim fixum stat, immotumque, in Regno hæreditario nullum esse Interregno locum, sed ex ipsa, non tam Regis, quàm hominis morte continuò proximum hæredem regno, cui non adsciscitur, sed adnascitur, inuestiri. Nihil autem agit, qui responsat Reges hæreditario iure succedentes sub maiorum, siue decessorum suorum personâ iusiurandum huiusmodi olim præstitisse. Iuramenta quippe iurantium sunt propria, ac, vt loquuntur, personalia: neque

que mortalium quispiam pro filio suo, aut hærede spon-
sionem potest apud Deum interponere, quòd futurus sit
vir probus, pius, aut frugis bonæ. Poterit quidem pater
polliceri, idque solenniter, se filio aut hæredi designato
nulla ex parte defuturum monendo, ac pro viribus co-
hortando, vt Deum timeat, studeatque pietati. Paren-
tum iuramentis, si a pietatis officijs dimanauerint, ob-
ligantur filij, siue iurati, siue iniurati: iisdem, si modo
impia fuerint, contrauenire tenentur. Quod si circa res
medias versentur, ac pro varia rerum inclinatione vel
perniciosa, vel præstiti haudquaquam possibilia euentu
comprobentur, penes est Regum hæredes, ac successores
leges suas temporibus, præsentique reip. utilitati pruden-
ter accommodare.

Hæc dum accuratius cogito, non dubito certè quin
D^{no} Cardinali ignota prorsus sit illius Sacramenti mens
ac sententia, quo se Rex Francorum in solenni inaugu-
ratione obstringit ad Ecclesiam protegendam, ac fidem
Catholicam constanter retinendam. Quid enim incon-
sultius, quam existimare Clodouæum postquam annos
quindecim regnasset Ethnicus, iam baptismi lauacro
tinctum ea lege factum Christianum, vt, si quando à
fide deficeret, per Ecclesiam regno spoliaretur? Si verò
quicquam de regno amittendo fuisset stipulatus, semper
subintellexisset hanc sui exauthorationem, non à Pon-
tifice Romano, sed ab ijs, per quos in solium euectus
est, expectandam. Atqui, vt quod res est eloquamur,
Franciæ Regibus non est in more positum, vt huius-
modi vllum iusiurandum, pactum, aut stipulationem
cum subditis suis ineant. Quod si quis Regum vspi-
am

„ temporibus affabricatam, eoque duraturam, dum, coalitis Ec-
 „ clesiarum viribus, penes esset fideles, citra rei Christianae con-
 „ cussionem, obistere, ac sibi cauere, ne Reges alios reciperent,
 „ quam Christianos, secundum illam Deuteronomij legem. Tibi
 „ Regem constitues unum de fratribus tuis. En autem egre-
 „ giam, cui innituntur rationem. Sanctus Paulus 1. Cor. 6.
 „ ait pudori esse Christianis, quod in litibus, quae inter eos inter-
 „ cesserant, iudicium subirent Infidelium. Cui incommode etiam
 „ lege postea cauerat Iustinianus, cum statueret nullum neque
 „ Ethnicum, neque haereticum ad reip. administrationem admit-
 „ tendum.

In hac Cardinalis argumentatione, animaduertenda
 imprimis vox illa *recipiendi*, quae controuersiae statum
 leui declinatione dextrè, callidèque immutauit: cum
 inter nos non agatur de Rege recipiendo, stabiliendo,
 aut eligendo (quod in Regnis electitijs solet euenire) sed
 de obsequio illi Regi exhibendo, quem iam stabilivit
 Deus, ac successionis haereditariae quasi manu traditum
 commendauit. Neque enim Franciae populo, qualis
 nunc dierum est, illud imperatum, *Tu tibi Regem con-*
stitues. Iamdudum est scilicet cum hoc ab eorum suf-
 fragijs pendere desierit. Ita ad rem aequè hic facit lo-
 cus, ac lex illa Iustinianea. Illud enim libenter conce-
 dimus, imprimis curandum Principi Christiano, ne iu-
 stitiae procuratio Praetoribus Ethnicis committatur.
 Verùm hìc de magistratu agitur, non subordinato, sed
 supremo, nec de Praefecto per liberam Principis optio-
 nem designando, sed de libero, sui iuris Principe,
 quem natura porrexit, ac successio obsignauit. De hoc
 quaeritur, num Papa, quem non constituit, possit desti-
 tuere,

tuere, num illud, quod nunquam contulerat, auferre; idque huiusmodi aliquo prætextu: obiecto nempe vel hæreseos crimine, vel stupiditatis morbo, vel quòd Cœnobij alicuius priuilegia concusserit, vel denique quòd matrimonij leges ac septa perruperit.

Hoc autem Apostoli præceptum, quo omnis anima potestatibus superioribus subjicitur, non temporibus famulari, sed eodem tenore vigere, ac perennare inde constat, quia rationibus superstruitur suâ naturâ constantibus, ac nulli non temporum statui necessarijs. Nempe *quia potestates a Deo sunt ordinate. Quia illis resistere est diuina resistere ordinationi. Quia magistratus vindictæ causâ gladium gestat. Quia necessariò illi obediendum, non solum propter iram (hoc est supplicij metu) sed etiam propter conscientiam.* In conscientia ergo radicibus hæc fundatur obedientia, non in prudentia humanæ superficie ad varias temporum inclinationes fluctuante. Oracula Apostolica, quæ moribus destinantur informandis, novos colores non induunt ad dubios inconstantium sæculorum aspectus, nec pro Mundi vetustate consenescent. Qui id semel concesserit, pestes duas inuehit teterrimas. Si enim homini liberum sit mandata diuina pro cautionibus habere prouisorijs, cuius impietati valuæ aperientur, ac sacrarum Scripturarum fusdeque vertetur authoritas. Alterum incommodum quod Martyrum antiquissimorum victimæ non viuæ, ac rationales, sed stupida ac demortuæ, ipsique cruciatus martyrij nomine prorsus indigni sint iudicandi, eorum scilicet, qui magistratus Ethnici violentiæ non ideo cesserint, ut Dei mandato necessario, certoque obtemperarent; sed ut re-

L 2

gulæ

gulæ plumbeæ, temporibus infidianti se acclinarent. Hinc est quod tabulam hanc suam Do^{mus} Peronius probabili colore non potuerit incrustare, nisi Scripturas nouis assumentis interpolaret: cum nempe scribat, Paulum Corinthijs dicere *pudori, vel opprobrio Christianis esse, si ab Infidelibus iudicentur*. Cuiusmodi nihil eo in loco habetur. Cum enim Sanctus Paulus dicat *οὐκ ἐστὶν ἡμῶν, ἢ τοῦ κόσμου, ἢ τῶν ἀγγέλων, ἢ τῶν ἀνθρώπων, ἡ κρίσις, ἀλλὰ τοῦ Θεοῦ*, *In pudorem vestrum hæc dico*, non ait fidei turpe esse, si ab Infideli iudicetur: Sed illis pudorem incutit, quod inter se litigantes ad Iudicium Infidelium tribunalia fratres suos protraherent. Non quod iugum, cui eos subdiderat Deus, subirent Christiani, sed quòd litium gurgitibus se mutuò deglutirent, ac in Ecclesiæ scandalum Christianorum lapsus, atque infamiam Infidelibus propinarent, hoc Sanctus Apostolus pudori ac opprobrio habuit. Hic ergo aduersarium teneo, ac postulo manifestæ falsitatis. Quod si Rex in hæresin impingens diademate exui mereatur, quid ni etiam Cardinalis in sacrosanctis Dei oraculis ludens, galero spoliari?

Quàm graui interim præiudicio, periculoque inuoluat hæc doctrina omnes, qui sub hæreticis aut Infidelibus degunt, Christianos, lector æquus iudicato. Si enim Turcarum Imperatori innotuerit, a Christianis sue ditioni subiectis diuinum de præstandâ Principibus, quos pro Infidelibus habent, obedientiâ mandatū iussionis tantum prouisorie vim obtinere, ac plane tesseram esse, qua excitentur, ut omnes auidè captent seruitutis depellendæ occasiones, certè vniuersum, quem aliquatenus fouet, Christianorū gregem simul ac semel duceret exterminandam. Hic quoq; si repetamus, quod ex Cardinale suprà desump-

desumpsimus, nō posse Turcam in deuictos Christianos
vllō temporum circuitu vnum saltem præscriptionis di-
gitum acquirere, reperiemus ab illo moneri Turcicum
Imperatorem, ne subditis suis, quos magno numero ha-
bet, Christianis, diuini quicquam, aut humani credat,
doceri quē, vt omni tormentorum genere in eosdem cru-
delissimè sæuiat. En miselli, qui Græciam, Syriam quē
incolunt, Christiani quantum Cardinali debent Roma-
nensi! Ac me quidem quod attinet, subditos quē è meis
Pontificios, quibus ego hæreticus sum scilicet; annon
hic nouæ disciplinæ magister stimulos admouet inuito,
&, quantum in se est, exacuit, vt mansuetudinem feue-
ritate commutem, hoc est, mores meos naturam quē exu-
am, asperiores induam, dum illos docet ne aliā se mihi
subdant lege, quam prouidē cuiusdam cautelæ retinacu-
lo, cui semper adsit insidiosa mei prodendi, perdendi quē;
expectatio? Præsertim cum Turcas, infideles, & hæreti-
cos in eādē naui collocet, imò hæreticos (quos vocat)
duriore loco habeat, vt oppidò nequiores, ac longè iu-
stius depositionis fustem, imò fulmen expectantes, vtpo-
te qui sacramenti olim præstiti religionem violauerint.
En quibus tandem Rex Christianus accipior modis!
Infidelibus, vt causā par, adnumeror: imò (lentum hoc
nimis) vt reatu foedior, ac intestabilior: regnorum deni-
que, quibus me præfecit Deus, prædo, vsurpator quē
audio, cui obsequelam tantum coactam exhibere fas sit,
eam quē non perpetuo vinculo firmatam, sed cautionis
aucupio illaqueandam, donec iugi ceruicibus amolien-
di, ac coronæ Regiæ huic capiti auellendæ, adeo quē:
(quod nunquam non subsequitur) hoc pectore spiritum.

exturbandi opportunitas emerferit.

Quod ad expeditiones militares à Francis, Anglis, ac Germanis susceptas recuperandis Hierosolymis; si eventu consilia metiamur, haud videntur quidem adeo gratæ Deo, atque acceptæ. Id profecto apertè constat Papam hoc Belli sacri telo ad manum paratissimo sibi providisse de Regnis Christianis suo nutui subiugandis. Vnusquisque enim (vt cum illo sæculo loquar) *Crucesignatus*, siue Francus, siue Angelus, seu Germanus, nihil erat horum, sed merus Papæ assecla. Latronum, adulterorum, sicariorum, obælatorum quicquid erat, quod votum de salutando Oriente susceperat, ac scapulas cruce distinxerat, continuò extra brachij sæcularis ambitum profiliit, ac in Curia Ecclesiasticæ amplexum se proiecit. Ita eo sæculo ad Papæ arbitrium integræ regiones nunc nobilitatis flore, nunc fortissima populi pube sunt orbatae, tot legionibus ad quid aliud emissis, nisi vt Saracenorum gladio mortem oppeterent, nec sibi, nec aliis inde profuturi? Eo sæculo redacta ad paupertatem Nobilitas Ecclesiasticis vili vendere latifundia sua cogebatur. Vnde mirum in modum auctæ res Ecclesiæ, sacrique fundi, partem benè magnam, acquisiti. Eo deniq; sæculo munificentissimi Papæ cuius bipedi, qui Terram sanctam cogitaret, liberè condonarunt in hac vitâ peccatorum omnium *Indulgentiam Plenariam*, in futurâ gloriæ gradum altiore, supraque plebeias Paradisi sellas eminentem. His vt addamus Colophonem, ego certè fortitudinē, virtutēque bellicas & laudo, & magnifacio; sed ea lege, vt iustitiæ ancillentur, eaque cautione, vt ne magnanimos, generososque spiritus pietatis umbrâ captos

captos artes Italicæ circumueniant.

Ad alia vt tranſeamus, videte mihi, quaſo, in tota hac diſſertatione Do^m Cardinalis prudentiam, qui parçè adeo, modicèque Scripturarum testimonia quædam ſelecta tantum, ac percolata contentus eſt delibare: abire iuſſis interim totis nobilium teſtium cohortibus, a quorum ſtemmate Papæ ipſi, ipſorumque pugiles Pontificiæ omnipotentiaæ quaſi natales ſoliti deducere. En horum cateruam longo ordine incedentem. Dixit Chriſto Petrus, *Ecce dno gladij. Respondit Ieſus, ſatis eſt. Dixit Petro Chriſtus, Mitte gladium tuum in vaginam tuam.* Dixit Deus Ieremiæ, *Ego te conſtitui ſuper gentes, ac Regna.* Sanctus Paulus ait, *Hominem ſpiritualemente dijudicare omnia.* Ipſe Ieſus Apoſtolos affatus, *Quicquid (inquit) vos ſolueritis &c.* Ergo penes Papam eſt iuratae fidelitatis religionem ſoluere. *In principio creauit Deus cælum, ac terram:* Quibus locis Bonifacius VIII. contra Philippum Pulchrum Gallia Regem, in arenam descendens, ſuam in temporalibus ſuperſtruit poteſtatem. Alij ſimiles euocant triarios ſuos. Chriſti de ſe vocem, *Omnia mihi data ſunt a Patre. Data eſt mihi omnis poteſtas in cælo, & in terra.* Item Dæmonum ad Chriſtum: *Si nos eijcias foras, immitte nos in porcorum gregem.* Chriſti ad diſcipulos: *Inuenietis pullum aſinae ligatum: ſoluite eum, ac ad me adducite.* Cum ſcilicet hiſ monſtretur Chriſtum de temporalibus diſpoſuiſſe, cur non itidem Chriſti vicarius? quæ ſequuntur valdè ſunt oppoſita. *Pſal. 45. Loco parentum erunt filij tui: præſicies eos Principes in tota terra.* Item Ieſus Chriſtus Petro non ſolum in mandatis dedit, *vt paſceret oues,* ſed etiam *Surge, dixit, macta, & manduca.* (quam

*Extraneæ. V.
nam Sanctam.*

(quam lepidam certè glossam D^{no} Baronio debet Sanctus Pater) Iohannis 12. scriptum est, *Cum exaltatus fuero, omnia post me traham*. Quid impedit quò minus hoc Papæ conueniat? Sanctus Paulus Corinthijs, *An nescitis quòd Angelos iudicabimus, quanto magis res seculi?* Et paulò post: *Annon habemus potestatem edendi?* Isthæc, in quæ tribus abhinc, vel quatuor sæculis monarchia Papæ temporalis incubuit, fundamenta vsurpare non est ausus Do^m Cardinalis, ne auditoribus risum commoueret. Ac id prudenter quidem, si, quæ Genio haud magis propitio attigit, a leprario, scabieque manum abstinuisset.

Age verò committamus inter se Christum Cæsari tributum soluentem; ac Papam a Cæsare tributa exigentem. Christum Iudæis, vt Imperatori Ethnico vctigal pendant, suadentem: Papam subditos ab obedientia Principibus Christianis præstandâ soluentem. Christum inter duos priuatos hæreditatis herciscundæ arbitrium a se amouentem: Papam deponendis Regibus, se pro iudice absoluto ingerentem. Christum apertè profitentem Regnum suum non esse de hoc mundo: Papam in mundana Imperia sibi ius arrogantem. Apostolos ab Imperatoribus extrema passos; ac Papam pede nunc Imperatorijs ceruicibus insultantem, nunc coronas Imperiales conculcantem. His ob oculos positis, haud difficile est conijcere, a Cardinale in Domini sui gratiam Scripturas ioculariter contrectatas, vt Iesu Christo potius illuderet, quàm sanis imbueret præceptis auditores. Quod quidem ipse non obscure subinnuere videtur, cum ad Papalem de deponendis Regibus astruendam potestatem, a se conglobatis Scripturarum,

turarum, Doctorumque modernorum testimonijs, hanc tamen fateatur nec Scripturæ oraculis, nec antiquitatis calculo vnquam decisam esse controuersiam. Quod quid est aliud, quàm, quæ prius pluribus contexere visus est, vna vocola diffuere, & conscientiæ obloquentis luctam, turbellasque prodere?

pag. 85.

Vnicus hîc Cardinali adhuc hæere videtur scrupulus, quem sic euellere satagit. *Partis (inquit) negatiue assertores ad processus Ecclesiastici analogiam confugiunt: allegantque propter hæresin dominos, siue possessores plebeios bonis suis non excidere, ideò multò minùs supremos Principes dignitatibus suis.* His respondentes inducit Regum abactorum. *Legum contra hæreticos sancitarum in Franciæ Regno executionem pacis, tranquillitatisque publicæ fouendæ gratiâ inhiberi.* Alibi, *Conniueri ait propter eorum multitudinem, eo quòd Gallicanæ gentis partem faciant non contemnendam.* Ego profectò hoc ab eius humanitate profectum dixerim, quòd eos, quos hæreticos deputat, quid sint expectaturi præmonitos velit, cum legum de ijs acriùs statuentium exequutionem tantùm suspendi asserat. Quippe suspensiones non nisi ad tempus solent obtinere. Quo quidem in negotio polliceor mihi, honoratissimum fratrem meum Francorum Regem alijs vrsurum consultoribus, ac cùm vicinorum amicitias beneuolè culturum, tùm regni inprimis sui tranquillitatem studiosè tutaturum: vt qui probe meminerit, ab huiusmodi ciuibus, vtcunque de religione idem cum ipso haud sentientibus, Patri illi suo (de cuius gloriâ nulla vnquam ætas conticescet) Sceptrum Franciæ esse conseruatum: Id etiam seriò cogitaturum, esse eos lon-

pag. 84.

M

gè

gè dissimiles subditis meis Romano-Catholicis, qui vitæ meæ insidiantur, qui externo famulantur domino, cui solenne est, emissis epistolis bullatis, hos suos (imo meos) a fidelitatis iuramento mihi præstando reuocare: qui denique (si quid habeant ponderis, quæ in celebri hoc conuentu Parisiensi in Papæ gratiam promulgata sunt, atque defensa) me pro Rege parùm legitimo habere necesse habent. Edocti iam scilicet, præceptum Apostolicum de subiectione potestatibus suæ religioni aduersantibus exhibendâ iussionem esse prouisoriam, temporis aucupem, iugo insidiantem excutiendo. Quos tamen ego clemèter mollitèrque tracto, errorèq; hunc adeo perniciosum, cum reuera læsam Maiestatem sonet, animi impotentis morbum appellare & cupio, & soleo. Præterea frater idem meus huic Cardinali Gallicano quot nominibus obligetur, etiam atque etiam cogitabit. Cum enim reformatæ religionis professores apertè, liberèque prædicent, se, secundùm Deum, Regum suorum prudentiæ, ac benignitati eam debere, quâ fruuntur, incolumitatem: en hic Præfulem, qui hanc ijs fiduciam conatur eximere, ac eos sine ambagibus docet salutis suæ securitatisque neruos in partium multitudine ponere, seque ideo tutos existimare, quod rerum nouarum metum possint incutere.

Obiter notandum Romanam Ecclesiam hic sectam appellari.

Subiungit D^{ns} Cardinalis: *Si inter Francos secta tertia emergeret, eius sequaces bonis, adeoque vitâ ipsâ multatum iri. Quemadmodum Geneuæ Seruetus, & in Anglia Ariani ultimo luerant supplicio.* Ego verò respondeò, hæreticorum rite atque ordine damnatorum poenas non a Papali placito, sed a politici Magistratus, qui loco præest, decreto

decreto pendere. Addo insuper, ab eo contra omne ius, & fas Serueto, & Arianis quasi consortes apponi Ecclesias reformatas. Illi etenim hæretici verbi diuini gladio transfossi sunt, ac a Concilijs antiquis vniuersalibus, vbi causam ipsi suam egerant, damnati. Contra autem ea, quam hæc mecum profitentur, religio a nullo vnquam, in quo pars vtraque audita est, Concilio est explosa. Quod si qua nupera nobis obtrusa sit Synodus, eiusmodi certè fuit, quæ Papam, qui pars est, iudicandusque venit, iudicem admisit: eum sortita locum, a quo saluus, quem vocant, conductus, liberque egressus non erat expectandus: ijs denique conflata suffragatoribus, quibus pietas est in nostrorum capitibus ludere, infamemque, qua dudum Iohannes Hus, & Hieronymus Pragensis proditi perditique sunt, perfidiam imitari: quosque hoc non pudet impietatis arcanum profiteri: fidem hæreticis datam non esse seruandam.

Vt igitur ad rem redeamus, cum adhuc in neminem de plebe Gallicanâ propter prætenſæ hæreseos crimen aggressus sit Papa confiscationis sententiam, quæ fundos, aut ruta cæsa prædæ exponeret, cur quæſo Reges audet Regnis suis spoliare? cur in Reges diriora molitur, quàm in priuatæ fortis, infimique subsellij homunciones? cur sacra Regum capita tristiùs vapulant, quàm de vulgo abiectissima? Instar legitimi ad hæc responsi D^{us} Cardinalis, extra oleas euagatus, exempla repræſentat hæreticorum, non Papæ, sed ciuili magistratui pœnas persoluentium. Quanto liberiùs cordatiùsque Bellarminus, qui disertis verbis statuit, Papam penes esse de rebus totius Mundi temporalibus disponere. *Secu-*

*Contra Bar-
claium cap. 27.*

Sess. 9.

Sess. 25. ca. 19.

rus (inquit) affirmo, potuisse Dominum nostrum Iesum Christum tempore mortalitatis suae disponere de temporalibus omnibus: & Reges, ac Principes Regnis, dominijsque priuare. Et hanc potestatem Vicario suo sine dubio concessisse, ut eâ utatur, quando necessarium iudicauerit ad animarum salutem. Ita omnino nihil excipit. Notum enim est, penes Iesum Christum fuisse æquè de priuatorum possessionibus, ac de regnis integris pro arbitrio statuere, si modo hanc expromere potestatem, eâque uti visum fuisset. Eandem ergo Papa, scilicet ex asse hæres, sortitus est. Concilium Lateranense vltimum blasphemantem laicum nobilem Ducatis mulctat primâ vice quinis-vicenis, secundâ quinquagenis. Id nempe quasi concessum arrogauit, posse suo iure Ecclesiam plebeia pertundere marsupia, ac de eorum bonis sortem iacere. Concilium Tridentinum eâdem licentiâ etiam iura suffodit hæreditaria: Imperatores, Reges, Duces, qui locum ad monomachiam in terris suis inter Christianos concesserint, eo ipso, ciuitatis, castri, aut loci, in quo, vel apud quem duellum fieri permiserint, quod ab Ecclesiâ obtinent, priuari. Et si feudalicia sint, directis Dominis statim acquiri. Qui vero pugnam commiserint, & qui eorum Patrini vocantur, omnium bonorum proscriptionis pœnam incurrere. Quæ dum satis pro imperio, etiam contra Imperium decernit, necesse habet præsupponere, penes esse Ecclesiam de vniuersis Christianorum fundis ac feudis pro arbitrio statuere, cum ad hoc exemplum omne feudi genus, siue ab Ecclesia, seu a domino seculari pendens, huic auferre, in hunc transferre, ac priuatorum bona fisco possit applicare. Si me audiet, a duellis cauebit sibi Regnum Neapolitanum, utpote Romanæ

manæ sedî feudatarium; adeoque vnico publicitûs per-
 misso duello in sacri Piscatoris sagenam liquidò illap-
 surum. Neque vero fundus, aut area est vlla soli Gal-
 licani, quam hisce artibus non possit Romanus Pon-
 tificex de manu in manum ad novos subinde dominos
 transferre. Melius itaque sibi consulisset D^m Cardi-
 nalis, si, omiſſis, quas rimatus est, subterfugiorum late-
 bris, apertè statuiſſet, Papæ adesse plenam de priuatis
 possessionibus æquè ac Regnis disponendi facultatem.
 Neque enim rationi consonum est Pontifici ius arro-
 gare in rem integram, in partes non item, in syluam
 totam, non item in singulas arbores, in domum vni-
 uersam, non tamen in triclinium, aut cœnaculum.

Aliam superaddit rationem farinæ haud melioris.
Multum (inquit) interest inter potestatem, quam in bona sua „
domini priuati, & eam, quam in reſpublicas nacti sunt Reges. „
Bona enim sunt propter dominum possidentem, Principes au- „
tem propter populum. Me verò iudice, si hæc valeat argu- „
 mentatio ad probandum, posse propter hæresin regno
 suo Regem priuari, non autem virum plebeium domi-
 cilio suo, pariter sequetur, posse ob hæreseos crimen pa-
 trem omni in liberos potestate excidere, non item bonis
 suis Dominum. cum bona sint propter possidentes, pa-
 ter autem filiorum suorum bono promouendo destine-
 tur. Quinetiam Reges certum est solijs suis longe im-
 mobiliùs affixos, propter constantem Dei, quem repre-
 sentant, imaginem, quam priuatos quospiam patrimo-
 nijs suis, quæ leuiculis de causis ab alio in alium quo-
 tidie transferri videmus: cum rex regno suo exui ne-
 queat siue graui totius communitatis luxatione, quæ
 M 3 priuatos

priuos innúmeros vnâ inuoluit ruinâ, non secus ac humiliora arbuta quercu ingenti decussâ conteruntur. Quod si quid neruorum huic inesset argumento, illud vnâ esset addendum, Regem non regno solum, sed & bonis fundisque certis, quos *Dominicos* appellant, dotori; quorum gratiâ nemo Regem creatum dixerit: hi tamen cum scepro vnâ semper amittendi. Si denique largiamur quicquam hæc valere ad Reges facilius, quam priuos forte sua deiiciendos, non tamen inde sequitur, huiusmodi depositionem à Papæ virgulâ petendam; qui, quod non dedit, cur conetur auferre?

En verò argutam, quam inter priuatas possessiones „ Regnumque ponit, differentiam. *Bona* (inquit) *inanimata* „ *sunt, nec vi, nec exemplo, nec hortatu dominorum suorum indu-* „ *ci possunt ad vitam æternam amittendam.* Mihi autem contra videtur dominus, aut paterfamilias hæreticus maiorem habere & potestatem, & opportunitatem ad seruos, aut liberos hæresi sua imbuendos, quam Rex ad subditos suos huiusmodi contagione vitiandos. Nec tamen religionis causâ liberi parentibus, aut serui dominis auferuntur. Turgent quidem historiæ exemplis florentissimarum Ecclesiarum sub aduersæ religionis Principibus degentium. Quod si haud ægrè concedendum sit, vt in hæretici potestate maneant res inanimatæ, habeat, quæso, sua sibi Rex hæreticus coronam, terras, tributa, vectigalia, ipsam denique rerum administrationem, quæ singula nemo, nisi rationis expers, negauerit animæ vitæque esse expertia. Imò suus sibi gladius hac lege reddatur furioso citra incommodum, qui acie quidem valet, sed non oculorum, acumine, sed non ingenij. Respondeo

spondeo itaque periculosius videri ac perniciosius, possessori impio atque effræni rerum ratione expertium visum atque imperium permittere. Quòd eæ intellectu iudicioque minimè polleant, quo se peruersis eximant officiis, ac impia pati iussa reformident. A Principe quidem hæretico non leue fateor subditorum animis periculum ingruere. Verùm damna non sunt grauiori incommodo resarcienda. Errorum morbis pessimum perfidia medicamentum, hæresi periurium, impietati seditio, ac in Deum Regemque armata rebellio. Qui Ecclesiam his sæpe exercet, ac repurgat modis, Deus non opus habet ad gregem suum protegendum à perfidorum Christianorum conatibus proditoriis opem emendicare. Fuit olim, eritque Dei Ecclesia rubo similis ardenti. In mediis persecutionum flammis rutilabit illa, non ruet, consummabitur, non consumetur: quia Deum habet in medio sui assessorem, assertoremque. Quod si demum Francis vlla causa porrigi possit iusta in Regem suum rebellandi, haud sequetur tamen, huiusmodi motus Romani Pontificis flabello esse concitandos, cui illud neutiquam incumbit, vt se negotiis exterorum politicis immisceat, ac regnis susque deque ob-
turbandis classicum canat.

Hæ medullæ sunt, hi lacerti Cardinalitiæ de secundo, quod obtendit, incommodo, dissertationis; quam hâc perplexâ visum ei est claudere, seu cõfessione, seu cõcessione. Hanc nec Scripturarũ oraculis, nec Ecclesiæ veteris calculo quæstionem esse enodatam. Mirari se itaq; quòd eo audaciæ proruperint Laici, vt ex controuerso dogmate nouum fidei articulum excudere conati sint. Hoc *probrosu*

„ *sum* clamat esse, hoc scandali plenum, hinc Ecclesia cancellos ef-
 „ *fringi*, hac omnes demum facto agmine hereses intromitti. Ego
 autē ex aduerso illi occino, hoc opprobrio potius haben-
 dum, hoc scandalo, hoc atrocissimo perduellionis crimi-
 ni imputandum, audere subditum beneficiorum cumu-
 lo non leui oneratum; tenerā Regis sui ætate adhuc
 herbescente; patris laudatissimi, à recenti parricidio,
 cruore nondum absterfo, vix dum deferuescente; in ge-
 minas Galliā iam gestiente nuptias, sibi que Hispaniam
 & toris, & thronis copulante, palām in conuentu totius
 floris Gallicani celeberrimo, subditum audere Regis do-
 mini que sui sceptrum virgulæ, caput ferulæ subiicere, ac
 de eiusdem deponendi causis nescio quibus argutari? vt
 illud interim taceam, quòd iam senex non modò ætati
 omni anteaetæ quasi in os dicat contumeliam, sed etiam
 voce se sua in diuerbium propinet, cognomen reporta-
 turus *Martyris problematici*: quippe qui se palo, flammis-
 que victimam deuouerit, tuendo cuidam dogmati, quod
 ipse non nisi problematicè, hoc est, summis digitis timi-
 dè attrectat, ac de quo, per Papam, Francis licet partem
 tueri Papali iudicio repugnantem, dummodo quasi pri-
 moribus labris vltro citroque reciprocent, vt problema-
 ticum quiddam, ac vagum, non mordicus teneant, vt
 certum, ac necessarium.

INCOMMUDI TERTII

PENSITATIO.

Tertium, quod ex articuli illius plebeij receptione oriturum causatur D^{us} Peronius, incommodum, est *inuehendum schisma apertum, atque inuitabile, quo à Papa, & reliquo Ecclesiæ corpore uniuerso discederetur. Ea enim, quam cum reliquâ Ecclesiâ Papa iamdiu comprobauit, ratâque habuit, doctrina pro impiâ ac detestabili iam damnetur: adeoque Pontificem, Ecclesiâque in fide, rebusque ad salutem spectantibus errare crederetur.* Huic tele suæ attexit etiam luculentas contra schismata, schismaticosque tragicarum exaggerationum phaleras.

Enimuerò quid hoc est aliud, quàm Panicos incutere terrores, ac lupum, quod aiunt, pingere Cerbero truculentiorē? Toto certè cælo errat noster Cardinalis, si à Francis sceptrum Regium ad pedes Pontificios prouoluere detrectantibus reliquas credat nationes sese separaturas, ac ab eorum (quod in genuino schismate fieri solet) communione omni, commercioque se subtracturas. Hâc ipsâ in palestrâ contra sanctum Patrem pia tamen filia Illustrissima Venetorum Respub. certamen decertauit, ac, vt quod res est loquar, planè victrix palmam reportauit. Neque verò eapropter eorundem cum regionibus vicinis Sacramentorum Communione Veneti abstinerunt, nec à reliquâ Ecclesiâ Romanâ schismatico iam distant diuortio. Ipse noster Peronius, cum contra tyrannidis Papalis impetus Regiæ dignitatis arcem non ita pridem propugnaret, non ideo reliquas credo Eccle-

N

fias,

fias, pro schismaticis habuit, membrisque putridis Antichristi. Neque verò ipse linearum suarum decempe-
dator optimus Papa in huiusce dogmatis assertores om-
nes aperti schismatis fabam cudit. Quî enim potest, cum
(quod postmodo nos edocebit D^m Cardinalis) Francis
liberam concedat potestatem vtramvis huiusce quæstio-
nis partem consuetandi, adeoque à se in fidei capite dis-
sentiendi. Pontificum Romanorum dextra ac deliciû
audit Rex Hispaniæ, qui tamen nunquam quicquam
aut facti admisit, aut pacti transegit, quo se in causis he-
reseos, tyrannidis, aut stupiditatis à D^{no} Papa regnis suis
posse depelli agnosceret. Neque certè hunc illi visum
est mouere lapidem, cum probè sciat non tam sibi Pa-
pam, quàm se Papæ esse terriculo. Interim verò Baro-
nij Cardinalis librum (in quo regnum Neopolitanum
regni titulis spoliatur, Regi Hispano non vt proprietario,
sed vt depositario ascribitur, ac Ecclesiæ Romanæ in
feudum vindicatur) damnare, ac ditionibus suis explo-
dere non dubitauit. Hanc placidè vorauit contumeliam
sanctus Pater, nec filium suum, vtvt fortè audaculum,
ac à se plusquam problematicè hac in parte dissentien-
tem, vllâ schismatis labeculâ dehonestauit: Illi inurendo
stigmati nempe commodiora expectat tempora, cum in-
teltinis fortè dissidiis laborante Hispaniâ, sine suo peri-
culo Regem solido pulsare poterit infortunio. Ipsi de-
nique D^{no} Peronio haud ita insalutatus est Orbis Chri-
stianus, vt nesciat plerosque in Hispaniâ, imò in mediâ
Româ liberos rerum æstimatores, quoties de commen-
titio isthoc Papali in sceptrâ Regia dominio garritur, aut
frendere, vt ad rem indignam, aut ridere, vt lepidam; iam
potissi-

potissimum postquam lite hac cum Venetis contestatâ Pontifex foro cesserit, causâque ceciderit.

Videtur igitur otio abundasse, qui de Schismatis Gorgone horribili tantas excitavit tragœdias. Christi non tunicam, sed corpus, quæ est Ecclesia, discerpere, membratimque dissecare quanti sit piaculi nemo certè est nescius: verum vbi huic monstro nec locus, nec color, ibi quid attinet inanes Quiritando terrores incutere.

En autem alterum huiusce belluæ cornu longè formidolosius, meram hæresin. Hic (inquit D^{us} Cardinalis) *pag. 89.*
articulus in hæresin nos precipitat manifestam, eo quòd cogat „
credere à multis sæculis toto orbe exulasse Ecclesiam Catholicam. „
Si enim, qui partem huic articulo oppositam tuentur, opinionem „
foueant verbo Dei repugnantem, impiam, ac detestabilem, Papa „
certè per complura sæcula, non Ecclesiæ caput, sed hostis, hære- „
ticus, adeòq. ipse Antichristus habendus esset. Addit insuper „
ex eo sequi, Ecclesiam Catholicæ cognomento excidisse, nec in- „
ter Francos iamdiu sedem, aut pedem fixisse; cum per multa re- „
tro sæcula Gallicani Doctores uniuersi contrariam sententiam „
defensitârint. Non posse hæreticis trophæum illustrius etiam „
nostris ipsorum manibus erigi, quàm si regnum Christi visi- „
bile de terris perijsse concedamus, ac tam longo temporum tra- „
ctu nullum Dei templum, nullam Christi sponsam extitisse, „
sed ubique terrarum regnum Antichristi, synagogam Satanae „
diaboli sponsam inualuisse, atque omnia peruasisse fateamur. „
Non posse denique firmiores optari, aptariq. machinas ad tran- „
substantiationis, auricularis confessionis, aliasque dogmatum „
huiusmodi arces demoliendas, quàm si quis largiatur, Ecclesiam „
absque legitimâ authoritate de iis statuisset, &c.

Toto hoc argumentationis filo videtur profecto mihi

D^{ns}. Cardinalis lora quædam satis tenacia contexuisse, quibus Roma Mater vapularet, ac sua ipsius religio infamaretur. Quippe valde debilem, vacillantemque oportet eius Ecclesiæ esse structuram, quæ semel admissa hoc, de quo quæritur, articulo, statim corrui, ac in Diabolicæ Synagogæ puluerem computrescit. Regibus autem hæc incide pulchella fors extunditur, si Domini supremi atque inuiolabiles haberi non possint, nisi pessum eat Ecclesia, nec a Papæ tyrannide liberari, nisi, cui seruiunt, Papa Antichristus renunciatur. Ipse, si probè excutitur, hæc, quæ voce, ac calamo consignauit, non credit Cardinalis. Etenim apertè fatetur hanc nec diuinis oraculis, nec veteris Ecclesiæ iudicio decisam esse quæstionem: ac Francis quibusdam eam à Papa indultam opinandi licentiam, vt hac in parte contra ipsum Pontificem sentiant, modò sententiam suam vagæ problematis leuitate emolliant, non necessitatis clauo obfirment. Papæ! Numquid Papam non esse Antichristum, Ecclesiam Romanam non esse Satanae Synagogam firmamento innititur adeo vago, & labili, nec Scripturis fundato, nec antiquitate stabilito; quodque opinionis problematicæ vento, etiam bonâ cum Papæ veniâ, possit agitari? Supra quidem ostendimus, quàm dominio huic Papali in Reges arrogato non solum sacra; quæ parui forte penditur, pagina, ac veneranda antiquitatis canities reclamârit, sed & Ecclesia Gallicana, etiam sub ipso Pontificij tumoris æstuantis quasi plenilunio, animosè semper restiterit, nec tamen ideo toto orbe euauisse Ecclesiam suspicata. Enimuero qui Papam fidei mysterijs præficiunt, hac tamen in causâ ad fidem

fidem eius responsis absolutè præstandam se minimè putant obligatos: eam quippe non inter sacra Christianorum dogmata recentent, sed Imperij arcanis annumerant, quibus Monarchiæ suæ temporalis fastigium tanquam columnis superstruit Romanus Pontifex. Quæ extra sphaeræ suæ cancellos vagantem, nemo vnquam mortalium credidit promissi vllius diuini affluxu ab errore lapsuque immunem conseruari. Etenim in cathedram illam sublimem irrepere quidem non posse errorem contendunt: at irruere posse ambitionem concedunt: adeoque in re Pontifici supra modum compendiosâ, quæ cum Regum Regem statuit, sceptrorumque diribitorem, ipse vt iudex sedeat, ipse de se, pro se sententiam ferat, nec fas, nec æquum esse. Quid multa? Valde profecto stupida huic oratori exquirenda sunt ingenia, quibus nullam non dogmatis imaginem imprimat, suadeatque, quotquot Pontificem in Regnis Mundi temporalibus disponendis Christo solidum esse hæredem denegauerint, à regno cœlesti exhæredes esse vniuersos.

En verò, quod longe nequius. Ab ijs, quos per opprobrium hæreticos indigitat, videtur mihi certè conductus, ex aduersario vt fieret derepente patronus: illorum quidem commodo iam præuaricatus, cum, posito semel hoc articulo, tolli funditus clamet placentariam illam incarnationem, ac clanculariam confessionem. Agite, rationem eius audiamus, imo amplectamur. Quia scilicet harum vtraque, non aliâ, quàm Papale hoc in Reges dominium, fundetur authoritate. Hoc autem de Papali virgulâ censoriâ postulatum non è Scripturæ fon-

tibus nasci, non ex antiquioris Ecclesiæ riuulis delibari, sed ex nouitiorum Pontificum, Conciliorumque cisternis hauriri non obscure confitetur. Hinc recto quidem pergit gradu, statuitque, & hoc, & illas eidem solo infiltrare, eodem motu conquassari. Concedit itaque ^{mutuas} portentum ac coactæ confessionis Sacramentum altis natalibus genus suum non deducere, Scripturis ac antiquitati prorsus nihil debere. Neque enim quæ profundioribus inhærent radicibus, ad nouitèr adstructorum vacillationem solent contremiscere. Hoc autem vsus argumento D^{us} Cardinalis non posse videtur mihi non censi quædam eius disciplinæ vestigia etiamnum retinere, quâ a patre olim suo imbutus est adolescens *Ministro* (quod honoris causâ tacuisse nollem) *Euangelico*.

Parum interea candidè cum iis agit, quos hæreticos vocat, dum illis impingit, quasi pro inuisibili in terris Ecclesiâ nimis poterue litigent, vt in eius latebris tanquam lucifugæ delitescant. Quod quidem a vero abest quàm longissimè: cum illi Ecclesiam Christi semper visibilem haud illubenter agnoscant. Quamuis enim electorum cætus quandam constituat familiam oculis humanis haud vsurpandam, nos tamen firmiter credimus, apertèque profitemur Ecclesiam in terris nunquam non fuisse visibilem. Verum iis, qui eius pars sunt, intuendam. Ab aliis conspiciuntur fortè, vt homines, non vt veræ Ecclesiæ membra. Nec me authore quisquam negauerit, vniuersalem Ecclesiam visibilem ex pluribus Ecclesiis particularibus esse conflata, quarum aliæ aliis sunt defæcationes: semper autem con-

tingere

tingere, vt quæ, purior est, fit etiam amplior, magisque conspicua, id constanter pernegamus.

QUARTI ET VLTIMI INCOMMUDI TRVLTINATIO.

INcommodo vltimo explicando antea-
bulonem præmittit, vitæ quandam suæ antea-
ctæ, officiorumque a se erga Henricos III.
& IIII. præstitorum commemorationem. De Re-
gum horum posteriore ita gloriabundus, Ego (in-
quit) *eum ad religionem reduxi Catholicam, per Dei gratiam,*
vel potius Dei gratiâ per me. Ego Romæ a Papa Clemente
VIII. eius absolutionem impetravi, eumque Sanctæ sedis re-
conciliaui. Quod ad horum euentuum primum attinet,
illam animi Regij mutationem nimis constat aliis ad-
scribendam rationibus, quàm quæ ex placitis peti so-
lent Theologicis, aut ex Dⁿⁱ Perronij suadelâ, vel cuius-
quâ Rhetoris officinâ depromi vnquam potuerunt. Per-
plexæ illa tempora, turbulentæ reip. tempestates, diffici-
les, quibus iam tum Rex premebatur, angustia, hi ora-
tores, hi authores, vt a vitæ prioris institutis cultuque
discederet. Postquam vero mutatâ velificatione por-
tus Romanos appellere statuisset, quid mirum, si, quod
in eiusmodi negotijs vsitatum est, externis ritibus con-
cinnandis, se Episcopo, aut Confessario Romanensi de-
derit effingendum. Quod autem illam attinet, quam
a Papa se ait obtinuisse, absolutionem: hominem certè
Cardinalem decuisset, si honori vel Regio, vel Galli-
cano, vel demum suo consultum voluisset, eam æterno
potius

potius silentio ac obliuione sepeliisse. In hac enim reconciliationis seu pugnâ, siue pompâ nemini obscurum est, quàm fædè, abiectèque Regis sui dignitatem prostituerit; qui (quod in Apologiæ meæ præfatione breuiter attigi) Regis ipsius personam, sortemque repræsentans, locupletis scilicet pœnitentiæ debitor, scipione scapulis luit, cernuusque vapulauit. Quas quidem plagas Papa Clemens pro clementiâ suâ abundè compensaturus, Cardinalem nostrum, Episcopum tunc Ebroicensem, granis benedictis, crucellis, laminisque sacro emblemate consignatis ditatum dimisit. Eos scilicet thesauros quicumque mortalium summo osculo contigerit, spondeto animæ suæ indubitata sæculum integrum longam peccatorum indulgentiam. Enimuero concinnis hisce crepundiis non modo ipsi vapulanti omnes continuo lachrymæ absterse, sed Rex Henricus alienâ cute luens, ingens sibi, solidumq; solatium postea exuerat. Illud autem quo ore D^{us} Cardinalis arrogat sibi, Regis absolutionem se a Pontifice impetrasse? Id enim non multo prius sollicitè tentârat Dux ille Niuernensis, eâque gratiâ beatorum pedum oscula supplex expetuerat: sed, quòd tunc temporis videbantur res Henrici deploratæ, re infectâ domum redijt. Quamprimum autem Papæ innotuisset, reuiuiscere fortunas Regias, ciuitates Galliæ munitissimas ad eum admittendum spectare, confœderationis, quam sacram appellarunt, neruos iam languescere, tum demum opportunè suggerit Sancto Patri Spiritus Sanctus, vt in Ecclesiæ gemitum ouem errantem reciperet. Nec iniuriâ. Non enim e re sua fore censebat, vt proteruo ac difficili supercilio Gal-

Gallorum patientiam irritaret, ac pertinaci seueritate ad id, quod antea sæpius se facturos interminati sunt, adigeret, vt, nempe Papâ valere iusso, domesticum Ecclesiæ Gallicanæ Patriarcham præficerent. Quod si sinus suos excutere, seque serio interrogare vellet D^{us} Cardinalis, responderet legationis suæ exitum sibi, antequam Romam inuisurus pedem domo efferret, satis fuisse exploratum.

Conciliatâ demùm per hanc suam præfatiunculam audientiâ, ad rem redit, itque demonstratum, hoc Plebeij Ordinis Consulto ambigua cum concessis confundente, remedium omne, quod Regibus periclitantibus inde afferre conatur, irritum reddi, atque infructuosum. Rationem neruosam subiicit, quod parricidiis impediendis sacro opus sit anathemate, ac poenarum à morte inualescentium terroribus; quibus vt par reuerentia, ac inconcussa adhibeatur fides, à certa authoritate, fallique nesciâ irrogari easdem oportere. Neminem verò hac posse muniri certitudine, si in hoc anathemate certis exploratisque admisceantur controuerſa, ea nempe, de quibus ab Ecclesia Catholica non est vbique consensum. Rei certæ, minimèque contestatæ nomine intelligit Regicidij prohibitionem; controuerſis autem ascribit potestatis ad Reges deponendos Pontificiæ abnegationem.

Totâ hâc verborum congerie probatur nihil, nihil disputatur, solummodo quiddam consilij porrigitur. Ad quod respondeo. Si in hoc Tertij Ordinis Articulo quicquam sit, de quo inter omnes haud conuenit, Papis, Papiculisque assentatoribus acceptam referendam hanc hesitationem; A quibus cum natiuæ rerum certitudini

quædam obductæ sint nubeculæ, publicæ incumbit authoritati suam veritati lucem, firmitudinemque restituere. Iis autem, quæ per se haud obscura, à nonnullis citra rationem in dubium vocantur, optimus certitudinis refarciendæ modus est, si aliis eiusdem materiæ propositionibus indubitatis, atque concessis consocientur.

Nec verò hic possum lectorum iudicia conscientiaque non appellare, ut subsistant aliquantulum, mecumque veritas quàm valida ac inuicta sit, etiam atque etiam cogitent. Fatetur nimirum, saltem tacitè, D^m Cardinalis bina hæc quæ sita, Vtrum Reges licitè possint trucidari; Vtrum à Papa deponi; adeo esse sibi inuicem connexa, atque complicata, ut, qui de altero dubitauerit, alterum etiam in quæstionem vocet. Quibus verbis mihi videtur ad ipsam teterrimæ, quæ hæc laborant sæcula, pestis scaturiginem intendere digitum, verumque Regicidij fontem aperire. Etenim quicumque crediderit Papam penes non esse Reges solio detrudere, pari etiam fiducia credet, non licere in eorundem vitæ inuolare. Cui enim nisi sancto Patri gratificaturi sacrum hauriunt sanguinem scelesti Regicidæ? Cui nisi Capitolino numini hæ immolantur victimæ? Hoc itaque non modò inconcussis principiis, sed & oraculis annumerandum, Non posse, si vitam Regum saluam velimus, concedi Papæ ius eisdem solio deponendi. His etiam suffragantur ea quæ apud D^m Cardinalem subsequuntur, *Quod si illa hominum monstra, furieque infernales, à quibus duorum Regum proximorum viscera transfossa sunt, leges vnquam legissent Ecclesiasticas, à Concilio Constantiensi disertis se verbis æterno supplicio adiudicatos reperissent.* Hæc nempe voce
Cardi-

Cardinalitiâ non tam monstra illa, quæ execrari videtur, quam ipse, quem colere ac reuereri cupit, Papa aperte damnatur; qui, feruente nuper bellis ciuilibus Galliâ, ac omnia turbis, cædibusq; miscente sacri Fœderis furore, leges has Ecclesiasticas, quarum aculeis parricidarum retunderetur audacia, Orbi Christiano iam tum non inculcavit; sed contrâ prorsus trifulca sua fulmina est eiaculatus, quorum displosione, vt ad prædam transfixam canis, ita ad Henrici III. lanienam, sacer ille sicarius è Claustri latibulis est euocatus. Quinetiam Clerus ipse Gallicanus eodem reatu implicatur, qui, cùm ea tempora flagitarent, vt leges illas Ecclesiasticas populo intra officij metas cohibendo strenuè promulgarent, de his obmutuerunt, nec id solùm, sed ipsas contentionum, seditio-numque faces de suggesto concionatorio palàm vibrarunt; ac quoties in sacerdotum aures populus confitebundus turbidos peccatorum suorum fluctus effuderat, in populi aures vicissim sacerdotes vndas sanguinis refuderunt, quo ex fonte ille bellorum torrens, horrendumque Regis illius parricidium emanauit.

Enimuerò aureas illas Sanctiones Ecclesiasticas Regicidij auerruncas propius intueamur. Legum instar omnium, Regum excubito rem, sicariorum malleum nobis in manum porrigit D^m Cardinalis Synodum Constantiensem: quæ, si excutiatur, pro Regum salute parum facit, neque verò rem nostram ad viuum resecat. Ipsum historiæ caput, commentarijs relictis Peronicis, è monumentorum tabulis breuiter placet repetere. Ioannes Burgundionum Dux, postquam Ludouicum Aureliæ Ducem in Parisiorum vrbe trucidari curasset,

Gerson.

huic cædi palàm defendendæ Magistellum quendam cognomento *Paruum* submisit futurum huic factò patronum, à quo in Academia Parisiensi discutiendæ novem Propositiones promulgatæ sunt. Earum hæc summa, atque sententia. Cuius subdito aut priuato ius, falsq; imò laudi fore, si tyrannum contra Regem suum res novas molientem vi, dolo, aut quacunque ratione è medio sustulerit: adeoque hunc ciuis perfidi, hostisq; publici interfectorem à Rege præmijs ornandum. Propositionis primæ hic stylus, *Licetum est unicuique subdito absque quocunque præcepto, vel mandato, secundum leges naturalem, moralem, & diuinam occidere, vel occidi facere quemlibet tyrannum, qui per cupiditatem, fraudem, sortilegium, aut malum ingenium machinatur contra salutem corporalem Regis sui, & superiorum, pro auferendo sibi suam nobilissimam & altissimam dominationem.* In Propositione tertia, *Licetum est unicuique subdito, honorabile, & meritorium occidere, vel occidi facere supranominatum tyrannum, proditorem, & infidelem suo Regi.* Denique in sextâ, *Rex debet præmiare, vel remunerare illum, qui occidit modo, qui dictus est, vel occidi fecit tyrannum supranominatum.* Has Iohannis Parui assertiones vt impias, ac in Ecclesiæ scandalum pronas Synodus damnauit Constantiensis. Cum autem nemini dubium sit à dicto Concilio Tyranni nomen eodem sensu intellectum, quo à Iohanne Paruo est vsurpatum; sequetur sanè hanc fuisse illi Concilio mentem, vt eum diris deuoueret, non qui Regem liberum, aut absolutum Principem trucidaret, sed qui subditum fortè è primoribus vnum Regi suo rebellem, ac pestem patriæ molientem obtruncaret. Illud enim in se susceperat Iohannes, vt

Ducem

Ducem Aurelianensem iure cæsum tueretur; quem licet minimè supremum suæ ditionis dominum, sed sceptri Gallicani clientem, tyranni nomine designavit. Ita scilicet si quis Patrum Constantiensium sensus intimos fuerit rimatus, facile deprehendet, eorum decretis Regum incolumitatem non confirmatam, sed concussam, non communitam, sed comminutam. vtpote prohibentibus, ne priuatus quispiam subditum in Regis ac domini sui caput nefaria ineuntem consilia è medio tollere audeat.

Verum concedamus a Concilio Constantensi contra Regum percussores his diris esse fulminatum. Hoc enim mihi prorsus persuadeo, si de liberorum ac independentium Principum vitâ temerandâ orta tunc fuisset quæstio, ab illis Episcopis responsum sanum piumq; fuisse exiturum. Hoc, inquam, si largiamur, quid inde Regibus præsidij? vt nunc sunt sæcula, quod inde frænū parricidis? Dirarum capitalium vinculis innodantur? Ex officinâ Iesuiticâ oleum ijs suppeditat Do^m Cardinalis, quo vbi se perfuderint, statim anguillæ fiunt; elabuntur. Reatus damnationisque catenâ grauantur? Ex armamentario Iesuitico limam ijs porrigit in manum noster Cardinalis, quâ crassas atterant compedes, & fugiant. Reges scilicet (en oraculum) tantisper pro Regibus habendi, dum tales sunt, nec iure suo exciderunt. Si igitur in eos sacrę discipline magister virgam vibrauerit, si flagello plagosus insonuerit, imò intonuerit hic Orbilius, iam non sunt amplius Reges, iure suo exciderunt, ne pilum quidem habent reliquum natiuæ maiestatis. Hos trucidare non est Reges lædere, vinctos manu sacrilegâ

O 3

crilegâ tangere, Dei vicarios conculcare : sed umbras, laruas, ac nuda nomina verberare. Ita hi forices de muscipula ludunt, ac plane capti dentibus tamen exitum moluntur.

Interea deprehendet, credo, lector dolum hunc impensè improbum, ac prodigiosum, quo Regibus os sublinet D^{ns} Cardinalis, dum eorum saluti adminicula exquirere videtur. Regicidia clamat sacris Ecclesiæ oraculis prohiberi. Ad hanc vocem aures arrigimus, ac Regum capitibus protegendis Scripturæ diuinæ paginas ore Cardinalitio citandas expectamus. Ita scilicet maiori cum authoritate, ac pondere loquentem lubentiùs audiemus. En vero, huiusce nectaris loco, conuiuiis frigidum apponit decretum e recenti Concilio depromptum, nec alio quàm Constantiensi : quod quidem Pontificio sordet palato, Papisq; putidi schismatis nauteam olet : quod nec crudum, nec coctum præsentem controuersiam sapit : quod denique, si rei medullam acu tangeret, Cardinalitiâ manu furcam distinctionis bicornem protendente protinus eluderetur. Via vix vlla compendiosior ad prauam opinionem stabilendam, quàm si argumentis inualidis, ac ridiculis impetatur ; nec ad veram doctrinam concutiendam, quàm si ratiunculis stramineis, ineptisque testimoniis sufflaminetur. Sic Plato animas inde probat esse immortales, quod *olores cantillent morituri*. Sic Scripturis non nemo fidem ideo vult adhiberi, quòd Papa iis authoritatem conciliauerit. His certè paria sunt illa firmamenta, quibus Do^{mus} Cardinalis Regum vitam incolumitatemque suspendit.

Plato in Phædone.

Haud

Haud absimili artificio præ se fert, detestari se, ac Orco deuouere Regum trucidationes, eos interim per depositionis callem rectâ ducit ad lanienam. Illud enim extra omnem dubitationem ponendum, Regem a Papa exauthoratum nihil non tentaturum, vt se, suamque tueatur dignitatem, omnibus se præfidiis, copiisque muniturum, quibus subditos rebelles per Papam fidelitatis nexu exolutos in officij gyrum reuocet, atque compescat. Hac in rerum perturbatione factionumque fluctibus Rex quibus non obsidetur periculis? capite suo belli aleam subit, proditorum insidijs patet, totam denique fortunæ procellam odijs, telisque obuius sustinet. Neq; enim aliud expectari potest, quàm vt Rex recte atque ordine (vt videtur) regno exutus, si gubernaculum nolit deserere, pro Tyranno, ac vsurpatore habeatur, ac inde vita eius proscriptioni, prædæque exponatur, cum leges publicæ cuius permittant priuato in Regni vsurpatorem insurgere. *In reos Maiestatis, & publicos hostes omnis homo miles est*: inquit Tertullianus. Regi eripe Regis legitimi titulum, vitæ custodem illi aufers satellitibus quibusuis, ac stipatoribus firmiorem: quos quidem haud difficulter peruaferit proiectæ audaciæ sicarius, vitæ iam Dominus alienæ, quia contempsit suam. Qui igitur eâ in Reges pietate sunt, vt eos vitâ exturbari nolit, folio velint; ita se comparant, ac si dicerent, Regem ne occidamus, sed, vt malè pereat, exarmemus. Regi vitam haudquaquam eripiamus, sed media vitæ tuendæ necessaria. Regem ne iugulemus, dum manet Rex; hoc impium, hoc sacrilegum, hoc ipso sono horrendum. Sed cautè, prudenterque regnum ei tanquam vestem detrahimus:

Apolog. cap. 2.

hamus : ita nudatum qui transfoderit, non poterit esse Regicida. Hæc de Rege breuiter dicta sunt, qui post Papalem depositionis sententiam armis se, iusque suum propugnat.

Quod si finem optatum Papalis censura sortiatur, si Rex reipsa Exrex, folioque extorris deuenierit, fieri vix posse reor, ut, qui regnum non potuerit, vitam possit suam sartam tectam conseruare. Non est Regibus, non est a natura inditum, quod felibus, ut de loco excelso in terram deiecti pedites semper cadant, illæsi que abeant. Imperatoribus, Regibusque paucissimis datum, ut suo superuiuerent imperio. In thronum regalem clemens ascensus datur, scalâ gradibusque paulatim increfcens. De fastigio non est quâ descendatur : cliuo ruitur præcipiti. Qui reip. nauem, excusso gubernatore, inuadit, non satis se tutum putat, si, dum ipse ad gubernaculum sedeat, veterem Palinurum per foros cursitantem videat, vel sub transtris captiuum habeat, potius in imos fluctus demittendum clamabit in Thetidos sinu dormituum. Si qui autem regno exuti percussoris manum effugerint, ij profecto aut exules profugique inter ignotos ignobiles nunc errarunt, nunc latuerunt, aut domi æternum carceribus mancipati vitam traduxerunt quauis morte funestior. Dionysius Syracusanus regno pulsus Corinthi Scholam aperuit, ac pueros docuit : eo nempe vitæ genere delecto, ut quadam regni imagine se oblectaret. Hic solus, credo, inter mortales occurrit, cui post regnum ereptum ridendi animus erat, fortunæque suæ priori ioculariter illudendi. In regno hoc meo Anglicano complures folio excussi sunt,
Edouardus,

Edouardus, Richardusque II. ac Henricus VI. qui omnes in carcerum latibulis crudelissimè sunt trucidati. Regnante Edouardo III. publicis omnium Ordinum decretis perduelles declarati sunt, maiestatisq; rei, quicūq; Regis mortē vel factō machinarētur, vel (qui legis stylus) cogitatione efformarent. Qua lege freti Iudices Angliæ consultissimi proditores deinceps pronuntiārent, quotquot de Rege deponēdo consilia inirent, vel etiam semel mussitarent. Id enim optimè perspectū habuerunt, non posse Regem sceptro, nisi simul vitā etiam, spoliari.

In re igitur seriā ludit Do^{us} Cardinalis cum dicat, *In Regum subditis ab obedientia vinculo soluendis Ecclesiam se non nisi in foro Ecclesiastico intermiscere; ac præter hanc censuram duplicem, absolutionis in subditis, excommunicationis in Principe, pœnas alias non infligere. Quarum censurarum prætextu tantum abesse ait, ut consentiat Ecclesia eorum vitæ per vim temerandæ, quos huiusmodi censuris percussit, ut omnes prorsus lanienas abominetur: eas præsertim, quæ ex improviso patrantur: Quòd in huiusmodi cadibus animæ plerumq; cum corporibus in malam rem pessundentur. Illud enim à nobis satis est demonstratum huiusmodi Regum proscriptioes vnâ secum semper trahere aut necem Regis violentam ac acerbam, aut aliquid nece longè intolerabilius. Quid verò inde nobis commodi emergit, si Ecclesia ipsos non submiserit percussores, nec Regicidium modo, & formâ (vt aiunt) patrandum imperârit, id tamen interim sedulò curauerit, ex quo hæc sequuntur necessariò, adeoque regum pectora vulneribus hisce excipiendis planè denudauerit? A rectâ autem ratione longissimè abludit ea Cardinalis sententia, quâ asserit*

Pag. 95.

P. Ecclesiam

hamus : ita nudatum qui transfoderit, non poterit esse Regicida. Hæc de Rege breuiter dicta sunt, qui post Papalem depositionis sententiam armis se, iusque suum propugnat.

Quod si finem optatum Papalis censura sortiatur, si Rex reipsa Exrex, solioque extorris deuenierit, fieri vix posse reor, ut, qui regnum non potuerit, vitam possit suam fartam tectam conseruare. Non est Regibus, non est a natura inditum, quod felibus, ut de loco excelso in terram deiectione pedites semper cadant, illæsi que abeant. Imperatoribus, Regibusque paucissimis datum, ut suo superuiuerent imperio. In thronum regalem clemens ascensus datur, scalâ gradibusque paulatim incre-scens. De fastigio non est quâ descendatur : cliuo ruitur præcipiti. Qui reip. nauem, excusso gubernatore, inuadit, non satis se tutum putat, si, dum ipse ad gubernaculum sedeat, veterem Palinurum per foros cursitantem videat, vel sub transtris captiuum habeat, potius in imos fluctus demittendum clamabit in Thetidos sinu dormiturum. Si qui autem regno exuti percussoris manum effugerint, ij profecto aut exules profugique inter ignotos ignobiles nunc errarunt, nunc latuerunt, aut domi æternum carceribus mancipati vitam traduxerunt quauis morte funestior. Dionysius Syracusanus regno pulsus Corinthi Scholam aperuit, ac pueros docuit : eo nempe vitæ genere delecto, ut quadam regni imagine se oblectaret. Hic solus, credo, inter mortales occurrit, cui post regnum ereptum ridendi animus erat, fortunæque suæ priori ioculariter illudendi. In regno hoc meo Anglicano complures solio excussi sunt,
Edouardus,

Edouardus, Richardusque II. ac Henricus VI. qui omnes in carcerum latibulis crudelissimè sunt trucidati. Regnante Edouardo III. publicis omnium Ordinum decretis perduelles declarati sunt, maiestatisq; rei, quicūq; Regis mortē vel factō machinarētur, vel (qui legis stylus) cogitatione efformarent. Qua lege freti Iudices Angliæ consultissimi proditores deinceps pronuntiārent, quotquot de Rege deponēdo consilia inirent, vel etiam semel mussitarent. Id enim optimè perspectū habuerunt, non posse Regem sceptro, nisi simul vitā etiam, spoliari.

In re igitur seriā ludit Do^{us} Cardinalis cum dicat, *In Regum subditis ab obedientie vinculo soluendis Ecclesiam se non nisi in foro Ecclesiastico intermiscere; ac præter hanc censuram duplicem, absolutionis in subditis, excommunicationis in Principe, pœnas alias non infligere. Quarum censurarum prætextu tantum abesse ait, ut consentiat Ecclesia eorum vitæ per vim temerandæ, quos huiusmodi censuris percussit, ut omnes prorsus lanienas abominetur: eas præsertim, quæ ex improviso patrantur: Quòd in huiusmodi cadibus animæ plerumq; cum corporibus in malam rem pessundentur.* Illud enim a nobis satis est demonstratum huiusmodi Regum proscriptiones vnâ secum semper trahere aut necem Regis violentam ac acerbam, aut aliquid nece longè intolerabilius. Quid verò inde nobis commodi emergit, si Ecclesia ipsos non submiserit percussores, nec Regicidium modo, & formâ (vt aiunt) patrandum imperarit, id tamen interim sedulò curauerit, ex quo hæc sequuntur necessariò, adeoque regum pectora vulneribus hisce excipiendis planè denudauerit? A rectâ autem ratione longissimè abludit ea Cardinalis sententia, quâ asserit

P. Ecclesiam

Can. Excom.
Caus. 23.
Quest. 9.

Ecclesiam tela sua in Reges e foro tantum Ecclesiastico, eaque propria & domestica vibrare, cum subditos a iuratae fidelitatis officio liberat. Quasi verò hæc pœna, quâ officia ciuilia & naturalia intercluduntur, ac iura natia & hereditaria auferuntur, non sit vsquequaq; ciuilis; aut pro tribunali Ecclesiastico queat taxari, quin politice potestatis iura potiore sui parte mutilentur. Id autem vehementius miror, quâ fronte asserat Ecclesiam nec probasse, nec tolerasse vnquam, vt in eorum, qui censuris spiritualibus icti sunt, vitas temerè inuoletur: cum Papæ Urbani de cathedrâ pronunciantis ita sonet vox, *Eos homicidas non arbitramur, quos aduersus excommunicatos zelo Catholica matris Ecclesia ardentes, aliquos eorum trucidasse contigerit.* Enimvero si Regicidia neutiquam approbet Romanus Pontifex, cur quæso, cum alios Iesuitæ Marianæ libros percensere, ac dispungere non fuerit grauatus, pestilentem illum eiusdem codicem Regicidiorum præconem, ac laudatorem non damnat? Cur Curiaë Parisiensis meritissimam contra Iohannem Castellum latam sententiam censuris suis confixit? Cur Garnettum, & Oldcornum meos puluerarios suffossores patitur albo scilicet Martyrum inscribi, adeoque Romæ libellis celebratos, tabulisque ad viuum delineatos apertis officinis venditari? Cur cum duos Franciæ Reges potentissimos nouerit non ita pridem sicâ transfuerberatos, cum ingenti Europæ gemitu cecidisse, super hac re quid sentiat, quid probet, quid iubeat, orbem non docet Christianum? Cur Decretum nullum, aut commonestationem promulgat, quo Regum incolumitati meliùs in posterum prospiciatur? Becani certè libellum perstrinxit,

perstrinxit, sed leui brachio: vt censurâ illâ languidâ & captiosâ, seueriori e scholâ fortè Sorbonicâ proditurâ occurreret. Etenim Becanum Pontifex generali tantum increpatione inuoluit, quâ nihil, quod Regum capita attingat, speciatim explicatur. Post binos autem vel circiter menses iterum typis editus, ac Papæ apud Germanos Legato nuncupatus idem orbi renatus est Becanus, nullâ sui parte mutilatus, extra duos articulos, in quibus de absoluta populi supra Reges potestate agebatur. Quorum detruncationi compensandæ tres quatuorue de nouo succreuerunt (de Papali in Reges dominio) æque certè distorti, ac improbi, imo paulò nequiores dentatis & vncinatis illis, quibus Regum paludamenta antea vellicauerat. Quod si exemplis vacaret immorari veterum, vt Henrici III. in cuius etiam mortui cadauer sæuijt Papa; Frederici II. in quem Papa Sultanum instigare ac immittere non erubuit: hesternorum, vt toto orbe laudatissimæ Elisabethæ nostræ, quam non semel, sed sæpiuscule sicarij Româ, plane quidem Româ emissi e medio tollere conati sunt, si huiusmodi exempla animus esset conglobare (qualia in Apologia nostra commemorata sunt) luce clariùs constaret, quàm longè a veritate absunt illa, quæ, quâ est confidentiâ, D^{us} Cardinalis assertat, *Neminem Pontificum eo unquam prorupisse, ut Regibus iugulandis consilium præberet, aut consensum.* Alia vt missa faciamus, hoc ipsum, quod iam prosequuti sumus, satis habet ei conuincendo: quia nempe Papa eo ipso quòd Reges scepro exarmat, rectâ ad macellum mittat; ac dum regno cedere iubet, eadem voce vt tumultum parent, commonere censendus sit.

Pag. 97.

Pag 95.

Mihi profecto non nihil subolere videtur, quòd dicat *Ecclesiam laniens precipue subitaneas ac inopinatas abominari.* Tacite scilicet agnoscens non vehementer abhorere eam a cædibus vi aperta patratis. Quinimo ipse finum suum explicat, ac profitetur sibi non displicere, ut Rex a Papa exauthoratus bello aperto impetatur. Vnde, me quidem iudice, sequitur posse eundem in bello iure licitèque occidi. Quod eximiæ eius est erga Reges comitatis benignitatisque argumentum. Longè scilicet, supraque quàm dici potest, mitiùs cum Rege agetur, si in aperto campi æquore globo sclopetico transfunderetur, quàm si intra domesticos parietes pugione transfodiatur: longè mollius tractabitur, si, vrbe, in quam se recepit, obselsâ, cuniculis actis spiritu Sulphureo in altum subuehatur, membratimque displodatur, quam si in media pace subterranei huiusmodi ductus Palatii Regij pauimentis substruantur. En autem rationem. In cædibus nempe improuisis plerunque cum corpore anima simul it in malam crucem. O clementes, ô suaves parricidiorum hortatores! Amicis quam studiosè inferuiunt, qui sic inimicos beant? Quorum corpora laniens destinant, animas Orci faucibus student liberare. Affine profecto hoc est illi Marianæ Iesuitissimi consilio, cui non placet scilicet, ut veneno cibus, vel potibus ingesto tollatur tyrannus; ne si manu suâ sumat, ore suo hauriat venenum illud, quo intimis medullis concepto pereat, ipse sibi mortem conscire, adeoque manus inferre censeatur. Clementiam hominis prædicandam! imo dementiam, cui illud interim inprimis arridet, ut exterius isthæc ab alio adhibeantur: ita ut nihil

hil adiuuet is qui perimendus est. Laudatis itaque pluribus Maurorum Regum exemplis, suadet, ut venenis ipso odore, aut contactu interficientibus Regum perimendorum fellæ, ephippia, arma, ocreæ, interulæ, vel aliæ vestes intingantur. Ita nempe miseri tyranni pereuntis animam fore ab hac *αὐτοκτονίας* noxâ liberam, atque de exitu suo innocentem. Vah homines Tartaro emersos, vel potius dæmones hominem indutos! Qui, si in Regibus quicquam sui, in populis quicquam viri adhuc vigere suspicarentur, ab immanibus, horrendisque his consiliis Orbi propinandis sibi, credo, temperarent. Usquequò autem, quos vinctos suos indigitat Dominus, qui in terris spirantes sunt Dei ipsius imagines, quibus in promptu est vermiculos hosce venenum pestemque exhalantes minimo digitulo, imò ipso supercilij nictu leuissimo conterere, quousque sibi in os impunè inspui patientur, ac in suâ diuinam conculcari maiestatem?

Eiusdem leuitatis est manifestum illud, quo nos Dominus Cardinalis ludificatur, delirium. Postquam enim in tyrannide exercitium ab usurpatione distinxisset, rationem procudit validam scilicet, & masculam, cur sibi non probentur profanæ illæ Ethnicorum leges, quæ contra eum, qui exercitio seu administratione tyrannus est, insidias necti, ac coniurationes iniri permiserunt. Ea sic habet.

Quòd post ereptum Imperium, inhereat Regibus interna quædam ad Regiam dignitatem habitudo, & quasi character politicus, qui eos à priuatis plebeiisque distinguit, ac, remoto tandem obice, legitimæ regni administrationi restituet.

Hæccine cum ex animi sententiâ loqui? Nihil minus. Si enim Regno semel spoliatus Rex, neci se possit sub-

ducere, tantum abest vt priuatam vitæ conditionem iam subeunti dignitatis quicquam, aut characteris politici remaneat, vt contra contemptior abiectiorque sit euasurus, quàm si eidem plebeio nasci contigisset; nec sceptrum vnquam contrectasset. Pauone autem nulla speciosior, nulla augustior: idem de plumis corniculâ Aëtopicâ insulsior; imò noctuâ deformior. Quiuis è grege artifex, quilibet Romæ olim degens, ac libertate gaudens vespillo, vel futor claudus fortunas, si sciret, mutare nollet cum Imperatore Valeriano apud Saporam Persarum Regem in vinculis detento. Quod si quo facto malo D^{no} Peronio contingeret vt purpura, mitra, reliquisque Ecclesiasticæ dignitatis insigniis spoliaretur, annon illi in tanta nuditate ingenti foret hoc solatio, quod quandam ad amissos honores recuperandos habitudinem, & characterem retineret Cardinalitium? annon isthæc honorum vestigia in se contemplatus mulo lubentius esset valedicturus, ac promptius foras pedes semper profecturus? Ecce autem, quo se solidè consolentur Reges à Papa propter hæresin regnis depulsi. *Sub-*
lato nempe hoc obstaculo (hoc est, cum ad frugem bonam
redierint) hæc (inquit) *habitus, hic character inherens eisdem*
legitimæ regni administrationi est redditurus. Frigidam verò consolationem; vbi hoc pro concessio sumitur, cum à quo Rex sceptris depulsus est, si modò Exrex ille penitentiam egerit, ac merus verusque redierit Romano-Catholicus, huiusmodi conuersioni ex animo gratulaturum, & hunc nuper erronem, iam reducem in patria iura sedesque antiquas bonâ fide remissurum. Ego verò subuerer potius, ne nouus hic Regaster aliquot annorum

norum morulam sit postulaturus, ad pertentandam, penitusq; cribrandam repetitoris illius conscientiam, num admissorum dolorem verum imbiberit, an simulatum induerit. Fronti, voci, lachrymis, planctibus causaturus non continuo fidem adhibendam. Si fucata non sit, crudam tamen, insipidamque esse poenitentiam, quam nondum concoxit dies. Morbis chronicis similem esse hæreseos luem, qui perrarò in sanitatem proximè desinunt, sed in alios plerunque morbos transmigrant. Si priorem excusserit hæresim, in nouam fortè est prolapsus. Aut denique prioris labeculæ si non vulnere, saltem cicatrice esse adhuc, semperq; fore deformem. Toti scilicet personæ ab hæresi characterem semper imprimi moralem, characterem illo Maiestatis politico longè *indelebiliorem*. Duram, miseramque Regum conditionem! quibus hanc depositionis poenam semel subeuntibus nullus poenitiæ locus relinquitur. Quasi illorum aberrationes ipsa essent peccata contra Spiritum sanctum, aut peccatum illud ad mortem, super quo deprecari nefas. Nemo priuatus ea viuit conditione, vt lapsus non possit attolli, læsus sanari, exhonoratus restitui. Vni Regi semel deiecto sua poenitentia semper est infructuosa. Denique priuato patrifamiliâs nemo seruitia inuito eripit, nemo in suam transfert non manumissa domum. Nostros autem Papa cum in Cleri sortem, aut Monachatus secessum adsciscit, nobis inconsultis, pro libitu facit è subditis non subditos.

Ego verò vterius quæro. Si à Papa deponatur Rex in hæresin lapsus, cui filius sit Catholicissimus, quis, quæso, in vacuum veniet? quem, sodes, Papa est sustenturus?

Lib. 6. cap. 4.

eturus? Num hominem nouum, aut peregrinum? Inde insignem hæres filius iniuriam patietur. Num ipsum filium? Inde maiorem faciet. Qui si vlla patris, Deive reuerentiâ tangatur, sedulò cauebit, ne, per quem regno nascitur, eundem regno deturbet; nec Imperatoris Henrici V. vestigiis insistet, qui Papâ hortatore, patrem suum ætate prouectum, doloribus confectum Imperio depulit. Multò minùs Doctorem Soarium nominatissimum Iesuitam audiet: qui in libro contra me scripto, postquam numerofo scil. accinente Doctorum choro, *cathedraliter* pronunciaffet, *Regem à Papâ depositum ab illis tantum posse expelli, vel interfici, quibus ipse (Papa) id commiserit*; paulò post subiungit, *Si Papa Regem declarauerit hæreticum, & à regno depositum, & de exequutione nihil amplius declaret*, hoc est nulli in mandatis det, vt eum occidat: *tunc solus legitimus successor eius habet illam facultatem, si Catholicus sit, vel si ipse negligat, vel nullus sit, communitas regni in illo iure succedet, si sit Catholica.* Tetram verò sententiam, non atramento scribendam, sed sanguine. Regi quis in regno hæreditario successor, nisi, si quem habeat, filius? Filium itaque, ex huiusce scholæ placitis oportet statim à disploso per Papam depositionis fulmine, genitoris sanguine manus parricidas cruentare. Quæ quidem eo apud me tenaciùs hæere poterunt, quòd liber hic furialis rectâ Britanniam spectet, me nominatim petat, contra me virus suum eiaculetur; adeoque teneram filij mei indolem ijs institutis imbuat, quibus, siquando in Romano-Catholicum degenerauerit, simulac in me Papa depositionis flagellum contorserit, ipse continuò animæ traducem suæ hunc sanguinem effundere teneatur.

Hæc

Hæc reuerendorum huius sæculi Patrum religio : hæc regni Pontificij assertorum stupenda sanctitas ; præ quâ quicquid inter Ethnicos inhumanitatis, inter Anthropophagos immanitatis vel factum, vel fictum reperitur, clementiæ dehinc, pietatisque nomine Orbi veniat Christiano. Isthæc potius D^{no} Cardinali cogitanda erant, ac diluenda, quam de *habitudinibus, & politicis characteribus* garriendum : quæ fortè populus æquè intelligit, ac * *Kiskildriuia*.

* Vox Erasmi
fictitia in præ-
fatione ad opera
S. Augustini.

Hæc omnia videntur aliquo modo posse tolerari, si cum extremâ huius argumentationis clausulâ comparerentur : in qua suadere conatur, hunc, qui Papalem in Reges tyrannidem coercet, Articulum, si modò reciperetur, *Regibus & periculo futurum & damno. Inde scilicet schisma oriturum, ex schismate bella intestina, Regum despectum, animorumque inclinationes ad eorum vitas impetendas ; iram denique diuinam incubituram, quas non infligituram calamitates ?* Mirum verò *ταράσσειν*, & oculis enuendis natum ! ad vitas Regum in tuto collocandas opus esse, vt Regni arce fulmine Papali possint deiici ? Ad Regum augendam dignitatem optimum esse, vt sceptrâ alieno submittant arbitrio. Precariò regnandum esse, vt regno gaudeant diuturno. Quasi dicat quispiam, ne denude- ris, nudus incedito, imperio ne excidas, excede. Ego quid alij in re tam arduâ philosophentur subtiliùs non exquiro, apud me certè iamdudum statui bona mea, tum verè mea esse, cum, præter meipsum, in ea nemo hominum quicquam iuris possit vendicare : tum certius, securiùsque possideri, cum meo tantum, non alieno, sub- sint dominio. Sed hunc errorem mihi video ex ingenij

Q

mei

mei tardidate, atque hebetudine obrepfisse. Vnde metuendum fortè, ne (quod in sæculo hoc adeo sagaci ego vnus obtusæ naris, tardulusq; repertus sum) me Dominus Papa detonsum in claustra sacra detrudat, futurum bono Childerico confraterculum. Cum itaque admirandæ huius ratiocinationis nervos non capiant angustia pectoris mei, experientiam ego magistram adhibui; neque verò ab eâ ediscere potui, vspiam gentium inde bella, turbæque increbuisse, quòd populus non crederet Papæ ius esse Reges exauthorandi. Ex aduerso autem, vt hæc Pontificia tyrannis populo obtruderetur, quæ in Anglia olim decessoribus meis Henrico II. Iohanni, & Henrico III. turbæ, periculaque oborta sunt, quas populi seditiones, nobilium dissidia, regnique huius deuastationes ea tempestas inuexit? Huius disciplinæ furoribus infestata sub Imperatoribus Henrico IV. & Frederico I. Europa, sanguine Christiano redundauit; dum intereà in Oriente Saracenorum incursionibus, & victorijs nomen panè intercideret Christianum. Hisce dogmatum seditiosorum scintillis accensæ faces, quæ intima regni Gallicani viscera combusserunt, ac Confœderationis nouissimæ furiis inflammantur: quæ eandem Franciâ ad extimum perduxêre periculi marginem, vt tribus vix digitis abfuerit, quin genti peregrinæ inseruitutem concederet: quæ denique eiusdem Franciæ regum par nobilissimum fêdo, horrendoque extinxêre paricidio. Ita tanquam tela Regum vitæ muniendæ, dignitatique tuendæ opportuna dum tricas has, & theles diabolicas nobis porrigit D^{us} Cardinalis, haud aliter aut nos, aut operam ludit suam, quàm si homini nudo, ac naufr-

naufrago confuleret, ut se in mediis pelagi fluctibus deficeret, aut ad Lunæ radiolos calfaciat.

EXAMEN EPILOGI

CARDINALITII.

Postquam rationum aculeis acriter depugnasset, placidè tandem ad preces, hortationesque descendit; quibus auditores adiurat suos, ne temporali Regum incolumitati ita prospiciant, ut eos cogant salute eternâ excidere: Ne Ecclesiæ unitatem interruptum eant in seculo heresum feracissimo; quæ cum Gallia partem non exiguam peruasent, Catholicorum dissidiis etiam amplius sunt inualitura. Hac peste longius prorepente religionem illidi non posse, quin simul Reges eodem ictu impetuque percutiantur. Non alio fine hunc offensionis lapidem moueri, quam ut Ecclesiæ partes distrahatur. Nec sibi quidem videri hunc, qui proponitur, articulum esse à Tertijs Ordinis Delegatis excogitatum, sed à nescio quibus suggestum, qui cum se ipsi ab Ecclesiâ Romana diuulserint, quosdam nomine tenus Catholicos, imo Ecclesiasticos suâ naturâ faciles, ac infirmos illaqueârunt, ac specioso obedientiæ Regibus exhibenda pretextu eorundem simplicitati illuserunt. Iuliani scilicet Apostatæ exemplum sequuti, qui Christianos ad Idololatriam adacturus, imagini Imperatoris Iouis, Venerisque simulacra curauit intermiscenda, &c. Hic sparsis quibusdam ex horto oratorio flosculis, hunc Articulum clamat quiddam esse Monstri in piscem desinentis, ac ex Angliâ Galliam usque tranantis. Hoc nempe parum putam esse iuramentum fidelitatis Anglicanum, nisi quod illud Anglicanum aliquanto mitius sit, modestiusque. Inde arreptâ ansâ

in laudes statim meas digreditur, mihiq̃ue literarum sci-
 entiam, virtutēq̃ue ciuiles benignē scilicet attribuit, ac
 eo potissimum nomine gratulatur, quòd contra ipsum in a-
 » *renam descenderim Theologicam.* Me interim leuiter vellicat,
 » *quasi inter Romanenses dissidij schismatisq̃ semina immittentē.*
 » Quod tamē mihi facilē ignoscere vult videri, vtpote faci-
 » *enti quod cum officio meo coniunctū sentiam.* Veruntamen nec fas
 » *nec æquum esse, vt quod Angliæ regno præscriptum est, Fran-*
 » *ciæ etiam legis nomine obtrudatur: nec vt Catholici, multo mi-*
 » *nus Ecclesiastici, quò suis in Gallia immunitatibus fruuntur, ad*
 » *eadem credenda, iuramentoque obfignanda adigantur, quæ Ca-*
 » *tholici Anglicani, vt aliquantum respirare, vel potius suspi-*
 » *rare possint, admittere, ac aduouere coguntur.* Quod si inter
 » *Anglos viri reperiantur constantes, paratique ad omne genus*
 » *supplicia potius subeunda, quàm vt in huiusmodi verba iurent,*
 » *nunquid (inquit) in Gallia non occurrent plurimi haud minori*
 » *constantia ac fortitudine muniti? Certè quidem, Auditores,*
 » *paria inter nos non deerunt exempla. Nos verò quantum su-*
 » *mus Episcoporum hac in causa ad Martyrium rectā adprope-*
 » *rabimus.* Denique pro exuberanti probitatis suæ afflu-
 entia, ac superpondio, odiosam satis inter Regem suum
 ac me subinnuit comparationem, Deoq̃ue gratias agit,
 quod ipse, reliquiq̃ue Franci Regi non subsint Martyrisco.
 Totum hoc quicquid est orationis tumidæ, ac ampul-
 latæ, si propiùs inspiciatur, debilitatem facilē suam, iua-
 nitatēq̃ue prodet. Neque enim adduci potest Tertius
 Ordo, vt credat, se, quòd Regis sui vitæ, salutiq̃ue pro-
 spiciat, eundem ad inferos, pœnāsque detrudere sempi-
 ternas. Nec tam torpido sunt, plumbeoq̃ue cerebro, vt
 somnient, non posse vnquam in Cælos Regis animam
 ascen-

ascendere, nisi de folio terreno descendere ad Papæ arbitrium velit.

Quòd hæreticos asserit Gallicanos ex hac dissensione suas sibi commoditatesnectere, id hinc videtur præcipuè fidem emendicare; quòd scilicet, quotquot religionem reformatam, hoc est à Papismo defæcatam profitentur, sint, ac verè dici possint hæretici. Quam quidem propositionem tum demum solidè probabit Cardinalis, cum Pontifex è tripode suo nouum nobis effuderit Evangelium, aut alia Biblia sacra ex Apostolicâ suâ officinâ procuderit. Me profecto iamdudum D^{us} Cardinalis erudiendum susceperat; verùm in medio cum itinere nescio quid detinuit, ac ab incepto reuocauit. Anni iam tres præterlapsi sunt, ex quo scripto cuidam meo intra paucos certè dies contexto responsionē parat, quam sepe fingendo, refingendo, expoliendo, elimando iam, credo, aut nitidam, aut nullam reddidit. cum tamen & Regis perquàm amica concertatio, & rei tractatæ dignitas aliquid saltem responsi in lucem emitti iamdiu flagitarent. Quod quidem diutinum silentium ego eius tribuendum censeo non ingenij tarditati, quod scio quam sit acre ac vegetum; sed prudenti cuidam diffidentia, quæ causam male fundatam præterire malluit, quàm tractando confringere.

Sed, vt ad istos, quibus tanto est compendio hæc Catholicorum discordia, hæreticos redeamus, eorum profecto, adeoque piorum omnium officium est, non dissidiis seminandis, sed fidei erga Regem præstanda excubare. Quos si, id dum sedulò satagunt, his placere, illis displicere contigerit, id bonis sanè meritò dolendum,

quòd, dum Regis salutem, veritatisque partes sustinent, placere nequeant vniuersis. Nam si hi Articulo proposito fabri fuissent, quorsum se occulerent? Cur eius facti auctoritatem defugerent? Hoc scilicet ijs honorificum foret, atque palmarium, vnicos fuisse, reliquis altum stertentibus, diademati, vitæque Regiæ vigiles prospectores. Neque vero video cur Ordinis popularis delegati opus habuerint id aliunde edoceri, quod exempla domestica, historiæque adeo frequenter inculcant Gallicanæ. Quid opus hanc vt doctrinam quasi pisciforme aduenam, alio ex orbe maria penetrantē expectarent? Domi habent de suo oculis inerrantia, auribus inclamantia, quibus excitentur, monimenta; Adhuc fluit Regum transfossorum cruor; Adhuc sonant a recenti vulnere vltimi cadentium anhelitus: adhuc bellorum ciuiliū sæua facies animos tristi recordatione vulnerat. Si funestis hisce calamitatibus non satis apertè moneantur, quod remedij genus in populi fide exquirendum, legunt in Archiuis frequentia Curiae Parisiensis decreta, quæ idem ipsum, quod iam propositum est, remedium haud obscure designant. Cum iuxta cubet, manuque palpetur, quod pungit, malum, quid opus externo, qui de longè clamans expergifaciat, monitore. Mihi itaque videtur D^{us} Cardinalis Ordinis Tertij delegatis iam non tam abblanditus, quam fecisse contumeliam, quasi ad Regiam salutem tuendam, nec amoris, nec prudentiæ satis e proprio penu depromentibus, sed ab ijs, qui hæretici passim, audiunt, ea, quibus nomen suum obtendunt, præsidia haurientibus.

Quod me autem attinet, qui in ea classe collocor, vt
schif-

schismatum ac dissentionum architectus; Deus mihi, & pia testis conscientia, me nunquam huic negotio manum, aut mentem admouisse. Mihi semper erecta placere consilia, & lucis, solisque patientia. Ego me non latebris, aut diuerticulis, sed aperto calli, campoque libero assuefeci. utpote cui necesse non sit cuiusquam metu, aut verecundiâ me, aut incepta mea occultare. Iulianus mihi nec pro magistro est, nec exemplo. Ille à Christo transfuga: ego, quam semel imbibi, Christi fidem semper teneo. Ille catus dolorum artifex: ego apertus, ac sine fuce. Ille subditos suos ad perfidiam adegit, bellumque contra IESVM CHRISTVM: ego meos adduco ad fidem mihi præstandam ex IESV CHRISTI mandato debitam. Quàm autem Iuliano sim dissimilis, pluribus habetur in nostrâ Epistolæ Bellarminianæ ad Blackwellum scriptæ refutatione. Vnde cum hoc exemplum desumpserit D^{ns} Perronius, indidem etiam responsum sibi nouerit addiscendum.

Quemadmodum, quibus me aspergit, suspicionibus vanis, ac futilibus haud quicquam commoueor, ita nec laudum nanijs, quas mihi quasi cunas motans cantillat, possum consopiri. Qui scientiæ laudem cuiquam tribuit, Dei autem timorem denegat, perinde facit, ac si quis in milite pulchellos cincinnos admiretur, ac eidem simul ignauiam exprobret. In homine hæretico scientia, ingenium, literatura cui rei inseruiunt, nisi ut eum, quò pluribus vapulet, grauiore reatu cooperiant? Impietati famulantes virtutes omnes in vitia coacescunt. Quas ad se vocat, ancillas diuinissima Domina Sapientia, virtutes sunt, scientiæque humanæ, tum perniciosæ, cum

Proverb. 9.

cum herifugæ, tum homini exitiales, cum, relictâ hac Reginâ, se Diabolo in obsequium tradunt. Viros nobis proponamus binos rectâ Dei cognitione destitutos, quorum alter literaturæ, virtutumque ciuiliū phaleris splendescat, obbrutescat alter barbarie, ac turpi morum deformitate. Inter hos hanc ego pono differentiam, quod ille agilius, ac maiori cum pompâ in Inferorum barathrum ambulet. Qui quidem impensè nequam, bisque detestabilis euadit, si huiusmodi virtutibus, tanquam machinis, telisque vtatur ad vexandam Ecclesiam, illudque ei possit exprobrari, quod olim Cæsari, quòd sobrius, sui que compos ad remp. perdendam accesserit, quæ fortè ab ebrio, gulæ, ac popinæ nato cladem mitiorem reportasset. Neque vero adeo auidus gloriolæ auceps sum, vt laudes huiusmodi ficas, & steriles, amplecter, quæ prorsus nihil sapiunt, quod de Mauritaniæ Rege Mahometico non possit prædicari. Eas, me respuente, redhibeat sibi benignus Cardinalis: qui minuta quædam mihi largitus crepundia, veris interim solidisque me diuitijs cupit spoliatum: cum mihi auferat meæ rei, speique anchoram, salutis proram ac puppim, cognitionem, ac fidem, quâ Deum intueor meum, timorem ac reuerentiam quâ eidem inseruio. Cui ego me, meaque omnia, sceptrum, ensen, calamum, industriam, quicquid possum, quicquid sum, voto perenni consecraui; in perpetuam misericordiæ illius recodationem, quâ me circumsonis sæculi erroribus, regnum graui onerosoque Paparum iugo dignatus est liberare. Regnum, inquam, meum, in quo iam Deus nec ignotus colitur, nec linguâ ignotâ inuocatur. In quo Scripturæ
sacrę

sacræ populo patent citra speciale priuilegium legendæ, eâdemque, quâ a populis Ephesino, Romano, Corinthiaco Paulinæ ad ipsos datæ epistolæ, libertate peruoluuntur. In quo populus, non, vt *proximis retro sæculis, soluto viritum censu, peccatis emit indulgentiam. In quo quam itineribus transmarinis, ac transmontanis longè petere, ac nundinari olim cogebantur, remissio, eaque per Christum gratuita, subditis meis intra limen domesticum præconio Euangelico in aures porrigitur, in corda instillatur. Si his, similibusque de causis mearum ditionum Ecclesiæ miseræ sint D^{no} Cardinali; Esto: nostram profecto miseriam nos cum illius felicitate non permutabimus. Quod superest, ego, diuinâ adspirante gratiâ, animo, totisque viribus conitar, vt eam vitæ rationem confecter, quæ vt vt fortè in calumniam, in reprehensionem certè iustam non impingat. Nec vero ita mihi male conscius sum, vt de meipso tam desperatè, deploratèque sentiam, quàm de se Papæ, quorum nonnulli cum Cœli, Tartarique clauigeri, cum salutis promicondi audirent, Papas ipsos saluari non posse pronunciarunt. Quæ non a tetrīs, qui sedem illam quandoque occupârunt, hominum propudiis, sed a duobus, qui inter meliores censentur, Pontificibus vox eruperat. Ego scilicet Dei ac Saluatoris mei promissis in Euangelio promulgatis innixus, plane confido, me de peccatis meis agentem poenitentiam, omnemque fiduciam in Iesu Christo defigentem, per eius nomen ac merita remissionem consequuturum. Inanibus autem laruis, ac nihili argutiis terreri haudquaquam possum, quandiu Iesu Christo adhæsero ca-

R

piti

* Onuphrius in
vita Pauli IV.
Aliquot annis
post Aposto-
licæ Sedis
Nuncius in
Angliam ad
colligendum
S. Petri vesti-
gal missus.
Vide & Mat-
theum Paris.

Onuphrius de
vit. Pont. in vi-
ta Marcelli II.
ait post Hadri-
anum IV. etiam
dixisse Marcel-
lum, Non vi-
deo quomo-
do, qui locum
hunc altissi-
mum tenent,
saluari possint,

piri Ecclesiæ, quasi extra sim Ecclesiam. Cuius nempe significatu nunc dierum non venit catus in Christum secundum ipsius verbum vocemque credentium, sed pompatica quædam Monarchia, eaque iam temporalis, cui caput Romanus Pontifex. Ita nomen hoc speciosum iamdiu inseruijt infinitis recentium sæculorum erroribus obtegendis, putridisque humanæ officinæ assumentis deaurandis.

Quod si D^{no} Cardinali vt fortè fando audita, ita probè perspectæ ac cognitæ essent, horrendæ illæ, quæ in caput hoc, meamque stirpem vniuersam conflata sunt, coniurationes, si repetita illa, ac renata seditionum, prodicionum, periuriorum monstra, quæ in subditorum meorum Romanensium etiam Clericorum pectoribus & nidulata esse, & pullos exclusisse ex publicâ reorum conuictione abunde constat : tantum abesset ab illâ in me contorquendâ calumniâ, *quasi Catholicos respirandi, suspirandique libertate arcantem, ac omni suppliciorum genere cruciantem* : Vt contrâ potius me tot periculis intentatis adhuc spirare, tot ruptis prodicionum laqueis, etiamnum cum ijs clementer, mansuetèque agere vehementer miraretur. Enimuero si in regni sui visceribus Francorum Rex foueret subditos, qui (quod plurimi apud nos Romano-catholici) supremâ ac Regiâ cum Maestate mulctarent, haud facile dixerim, Do^{um} Cardinalem Regi suo suasurum, vt hoc hominum genus benignè molliterque tractet ; aut eorum, qui Regem sicâ perfodere, vel sulphureo puluere in sublimè rapere conati poenas dederunt meritissimas, constantiam laudaturum ; aut denique quenquam sustinere potuisse oratorem, qui

qui (quod ipse iam fecit) alios ad Martyrium horum exemplo subeundum, & perduellium confidentiam imitandam hortaretur. Suavis illa, quâ me nuper intuitum afflauit, aura, en quid spirat veneni; ingens, quem in me effudit modò, laudum cumulus, en quo iam redijt, vt subditos nimirum meos ad necem mihi inferendam, etiam pietatis nomine, instiget, & æterni præmij spe exacuat. Voces enim illæ annon tubam sonant, quâ ad bellum parricidiale acclamatur? annon digitos habent, quibus sicæ in proditorum dextras ingeruntur? Qui in caput meum plane conspirarunt, hos Martyrum titulis decorare? Eorum audaciam maioribus theatris ostentare, admirationi, imitationisque proponere, qui non aliud quàm perduellionis scelus vltimo luerunt supplicio? Etenim illud verè constanterque assero, eorum neminem, me regnante, religionis causam capite, aut cute vnquam luisse, sed nefariæ in vitam meam, dignitatemue inita coniurationis, aut atrocis alterius delicti, obstinationisue pœnas debitas persoluisse. Quo è numero quendam audaciæ non ferendæ Iesuitam, qui me Papæ iura inuasisse, ac nullo iure in regnorum meorum possessione hædere pro tribunali contumacissimè affirmavit, nuperrimè in Scotia suspensio tollendum curavi. Quæ cum ita sint, dum ad exemplum Romanensium, qui intra ditiones meas omne genus supplicia (ipse dixit) sustinuerunt, se offert Martyrio Do^m Cardinalis, proditorum se, ac parricidarum æmulum, velit, nolit, proficetur. Hi sunt, quos miratur, heroes: horum toties laudatas virtutes imitandas Episcopis proponit ac propinat Gallicanis. O

sacrum olim Martyris nomen, iam ludibrio habitum, foedèque prophanatum: O Sancte Apostolorum chorus, qui diuinorum oraculorum veritatem effuso sanguine consignastis, quàm splendido vos nostra beaurunt sæcula assessorum consortio, in cohortem vestram adscriptis scilicet proditoribus, sanguinarijs, Regicidis? vel, vt mollissimè loquamur, pseudo-martyribus, qui Papæ regno temporali vindicando animas suas proiecerunt? Episcopis denique, qui ad Martyrium procurunt *problematicum*, dogmatis pugilibus nec calamo vestro nec Ecclesiæ vobis propinquæ exemplo stabiliti? quodque ipsi non nisi problematicè, tepidè, trepidè audent prædicare? Mihi ignosce, spero D^{us} Perronius, si fortè eum sagaciorem existimem, quàm vt hæc ex animi sensu intimo credam deprompsisse. Cum enim (vt ipse de se testatur) inuitissimus in hæc subsellia, causæ Pontificiæ tuendæ protrusus sit, quam nec prece, nec lachrymis poterat a se amoliri prouinciam, quædam in se fortè suscepit publicè asserenda, contra quæ ipsius intus oblatraret conscientia, quædam enarranda, quæ e vanis tantum mendacibusque rumusculis conuerrebantur. Cuius farinæ illud, quod multos in Anglia Catholicos dicat, potiusquam huic postulato assentirentur, nullum non suppliciorum genus subiisse: cum reuerà (quod in nostra ad Apologiam præfatione Orbi Christiano palàm fecimus) in Angliâ vnica obtineat supplicij forma, quâ in omnes Maiestatis quocunque scelere læsæ reos animaduertitur.

Annon me iam pulcherrimis cohonestauit elogijs,
quasi

quasi Sanctorum sanguine ebrium, ac cruciatibus excogitandis ingeniosum? Annon optimis proditorum nostrorum exemplis studet, quorum stimulis excitus, ad palum, palmamque Martyrij gestiat cursim properare? His si addamus, quàm subdolè Reges Angliæ Pontifici Romano feudatarios faciat, regnumque hoc eidem civili mancipet subiectione; facile constabit, in illâ laudum, quibus me perfudit, aspergine exiguas mellis guttulas fellis fluctu decumano fuisse dilutas, adeoq; iustam humanitatis temperiem immodicâ acerbitate longè superatam. Cum enim sub orationis suæ ingressum de Regibus quibusdam egisset, quos Pontifici vult esse feudatarios, nec suprematu temporali præditos, se paulò post explicans Angliæ Reges in hæc inferiora detrudit subsellia. *Cum (inquit) Iohannes Rex Angliæ nondum Pontifici recognitione ullâ civili obligatus Episcopos suos expulisset,* &c. Quibus certè verbis aperte innuit, regnū hoc postmodò redditū hoc in genere obnoxium: adeoq; me Regem parum iam legitimum, tituloq; tyrannū non obscure definit. Quicumq; enim feudi iure quicquā possidet, si domino feudali tributa pendere, ac (quod vocant) homagij obsequium præstare detrectauerit, hunc iure suo fatentur omnes dominioque excidisse. Huic contumeliæ Cardinalitiæ aliam accumulat collega Bellarminus, Hiberniam à Papa Regibus datam Anglicanis. Quis verò Papæ dederit Hiberniam, id, quamvis avidè scire expectam, me ad Calendas Græcas docebit Bellarminus.

Regem autem Iohannem quod attinet, rem ut paulò altiùs repetamus, ita se habet. Inter Henricum II. & Pontificem de dignitatum Ecclesiasticarum collatione

sapè est delitigatum. Eam, mortuo Henrico, Iohannes filius litem renouauit, ac Episcopos quosdam Anglicanos Papæ insolentiam contra iura Regia propugnantes sedibus suis submouit: idque eo sæculo cum quotquot temporalibus Paparum prætentionibus promouendis studentes, eo nomine castigati sunt, inter Martyres, aut Confessores confestim sunt relati. Regi Pontifex iratus sacris interdicat, Regniq̃ue Proceres, in Regem alias satis infensos ad arma concitat. Quid multa? Regnum Angliæ, quasi seruum hero orbem nouo domino tradit Philippo Augusto Franciæ Regi: sed latronum lege, nempe vt gladio acquirat sibi. His coronidem apponit locupletem laborum mercedem peccatorum omnium ablutionem. Regi denique Iohanni eam textit molestiarum telam, cui retexendæ ac deglomerandæ nulla alia patebat via, quam per seruitutis præcipitium. Pontifici itaque emolliendo Rex se eius vasallum renunciat, regnum Romano fastui prostituit: coronam tributis, subditorum capita censu annuo onerat. Hac tandem victimâ Romanas placauit aras, catenisq̃ue dirarum adamantinis solutus est. Num hæc pietatis zelo accensus, an duro potius necessitatis telo impulsus Rex admiserit, haud difficile est iudicatu. In illud angustiarum pistrinum compactus, vt se quoquo modo expediret, regnum certè suum *Amirali Murmelino* Granatæ ac Mauritanie Regi Mahumetico subiugare non detrectauit. Sub isthac tempora ablegato in Angliam Pontificis Nuncio Rex seruitutis arrham publicum, quod appellant, homagium venerabundus porrexit, eiusque pedibus auri percussim vim magnam affudit. Eam reuerendus hic Legatus, dominiij

minij signum editurus, proteruè satis pedibus protriuit, atque conculcavit. Nec id solum, sed & inter conuiuandum in solio Regio sub vranisco confedit Palatino. Hic illud à D^{no} Cardinale lubens exquirerem; hæc re-cténe, atque ordine, an contra ius & fas patrata sint? Si nullo iure admissa censeat, nullo itidem iure hoc exemplum est ab eo vsurpatum. Sin iusta hæc, ac legitima duxerit, me, quaeso, certiore faciat, vnde hæc illa-pla Pontifici potestas, vt se regno dominum supremum inuehat, rerumque temporalium fastigio inequitet, quarum ad se arbitrium prius haud arrogarat. Hoccine Pontificium? hoccine inceptum Patris sanctissimi? regnum seditionibus accendere, bellis intestinis deartuare, eo fine, vt redacto ad vltimam miseriam Regi prerogatiuam Maiestatis, imperij vitam, atque animam vel dolo surripiat, vel metu extorqueat? Vnde, vbi, quando hæc primum collata potestas? Quo saculo obtinere, quo exemplo coepit inualescere? Nunquid veteris Ecclesiae Canones (Nam Scripturarum hac in re vilescit authoritas) illine inquam peccatorem vlli huiusmodi aut piaculo damnant, aut satisfactioni obstringunt, vt ex hero Dauus, ex Rege libero mancipium fiat Pastoris sui, ac subditos vnâ suos in eundem seruitutis carcerem secum rapiat, Episcopo tributa pensuros, Episcopo mansupia emungenda porrecturos; cui ludus est regionem auro, regem dignitate, regnum libertate spoliare? Num reatu solui peccator nequit, nisi pastor fiat prædator? nisi reus sub poenitentiae vmbra nudus frigeat, bonis exutus, ac hæreditarijs possessionibus extorris? Esto: auferat Principi sua iura, ac facultates Pontifex, vt in alium transfe-rat.

rat. Effet quidem insolentiae, ac tyrannidis non ferendae contrectare aliena, ac largiri non sua. Atqui sibi haec rapere, suis applicare oculis peccatorum spolia, sibi induere raptas caelestis pacis ac induciarum nomine exuias, quid aliud est, quam fraudi latrocinium, latrocinio impietatem accumulare. His enim artibus non solum censura Ecclesiastica, pro spiritualibus, quibus solis destinatur, inuadit temporalia; pro virgula sceptrum arripit; pro cathedra Episcopali solium incendit Monarchicum: sed etiam ex fontium poenitentiae fraudum decipulae, ex peccantium lachrymis versutiarum gurgites, ex Petri denique Piscatoris rete verriculum concinnatur, regnorum florentissimorum opibus deglutiendis. Imò, quod durius est, his technis Princeps ad ea, quae nec debet, nec potest quidem patranda adigitur. Neque enim Regem penes est coronae suae maiestatem minuere, aut dignitatem Regiam ad posteros transmittere vllam eius, quam ipse à maioribus acceperat, immunitatis parte multatam. Multo certe minus in eius erit potestate indignam ac sordidam stipulatione natiui honoris gradibus haeredes suos deicere, populumque Principi cuius externo reddere tributarium. Sacerdoti verò minimè gentium: Ad quem omnino non attinet ciuilibus Regum negotijs se interserere, aut diademata manu temerare. Hinc est, quod Philippus Augustus à Papa per Nuncium rogatus, ut filium suum Ludouicum à regno Anglicano deposcendo auerteret, eiusque in Angliam profectionem impediret, eidem Nuncio responderit (narrante Matthaeo Paris) in haec verba, *Nullus Rex, vel Princeps potest dare regnum suum sine assensu Baronum suorum, qui Regnum illud tenen-*

tenentur defendere, Et si Papa hunc errorem tueri decreuerit, perniciosissimum regnis omnibus dat exemplum. Idem Matthæus testatur Regem Iohannem ex hac deditio-
 regni in subditorum suorum graue odium incidisse. Ve-
 rum quæ nulli innituntur fundamento, sponte dila-
 buntur suâ. Hoc itaque Papæ ius in Angliæ regnum
 cum omnino nihil fuerit, præter ridiculam vsurpationem, in fumos facile euauit, ita vt illi abrogando non
 opus fuerit vel vnum gladiolum euaginari. Potestas
 illa scilicet Papalis cum vagæ hominum opinioni se de-
 beat, merumque sit vmbre somnium, aut partus sub-
 uentaneus, quem superbia genuit, fouit superstitio, pri-
 mulo veritatis oborto radio, statim dissipatur. Neque e-
 nim adeo quisquam fungus est, aut stipes, vt nesciat Pon-
 tificem, si suum illud in Angliam Imperium ex verbi
 diuini fontibus deriuârit, in reliqua etiam regna vniuer-
 sa esse paria iura sortitum, cum omnia ex æquo sceptrâ
 diuinis edictis subiiciantur. Quid enim? Nunquid pri-
 uilegij nacta est Gallia, quò minùs, quàm Anglia Deo
 submitatur? Aut hæc Anglis immissa seruitus num ijs
 instar prærogatiuæ fuit, quò faciliùs affiscerentur in li-
 bertatem filiorum Dei? Num ex hac commutatione
 mercium, emptionem sibi compendiosam fecisse Angli
 sunt arbitrati; traditis nimirum Pontifici in manum fa-
 cultatibus suis, atque capitibus, vt ipsi eo vberiores the-
 sauri spiritualis cumulos, montesque aureos à Papa vi-
 cissim sibi lucrarentur? Hæc ipso quidem sono vel pu-
 dorem, vel cachinnos commouent. Hoc tamen lolio
 D^{us} Perronius suos pascit auditores.

Hic in hæreticos suos denuò impetum facit. *Nulla est* Pag. 105.

S

(inquit)

„ (inquit) *Ministrorum Synodus, quæ huic, quo nos obstringere*
 „ *visum est, articulo lubens subscriberet.* In quo aperte cum
 aut falli, aut fallere necesse est. Ministris Evangelicis hæc
 nec noua est doctrina, nec ingrata. A meis, à Gallica-
 nis ubiq; per sacras conciones prædicatur; ab illis etiam
 interposito iuramento confirmatur; horum quoque, si
 opus esset, subscriptionibus approbanda. Quod quidem
 eorum neminem detrectaturum prorsus confido.

„ Etiamnum pergit, *Nec vllum apud eos habetur Consisto-*
 „ *rium, cui hoc non penitus infideat, Si quando eorum conscien-*
 „ *tiis vim inferant Reges Catholici, se à fidelitatis ijs debite*
 „ *vinculis liberari. Hinc illæ, quas in ore frequenter habent,*
 „ *formule expositoriae, Hoc semper saluo, ne nostris Rex vim*
 „ *faciat conscientijs. Hinc illa in vulgata fidei confessione excep-*
 „ *tio; Prouiso semper, ut suum Deo summum imperium integrum ma-*
 „ *neat, atque inuiolatum.* Quid hæc faciant ad probandum
 „ Reges esse per Papam abdicabiles ego certè non intelligo.
 Si enim vspiam religionis reformatæ professores similem
 fouerent errorem, non tamen inde Romanensium Ma-
 iestatis suffossorum audacia defendi poterit, aut excusari.
 Verum in his, quæ à D^{no} Cardinale iam sunt allata, nihil
 video, quod non cum articulo proposito, ac obedientiâ
 Regi debitâ ad amissum quadret. Non enim profiten-
 tur se, si quippiam ijs mandauerit Rex, quod cum ipso-
 rum conscientijs pugnet, in vitam eius inuolatu-
 ros, aut tributis soluendis defuturos, aut denique Regi prote-
 gendo facultates suas, vitasq; sub belli aleâ non oppig-
 noratu-
 ros. Non interminantur se Regem folio deie-
 cturos, se obedientiæ fideique repagula populo excussu-
 ros. Qui cardo est huiusce controuersia, ac ipsa pestis
 per-

perniciēsque, cui auerruncanda Tertius Ordo salutare
antidotum contemperavit. Vasto hæc, mihi crede, inter
se distant hiatu; hinc Regi in mandato diuinis legibus
repugnante non obedire, in reliquis interim omnibus
se præbere obsequentiſſimos: illinc Regem ſceptro, ſo-
lio, purpurâ denudare, ac ita exarmatum pro non-rege
habere. Si D^{no} Cardinali ſanctiſſimus, ac beatiſſimus Pa-
ter quicquam imperaret pietati, conſcientiæque rectè in-
ſtitutæ aduerſum, cum ego (ſic ſuadet charitas) dixerim
haudquaquam obtemperaturum. Illum nihilominus, quâ
ſummum Pontificem, aliàs colere, ac reuereri, opinor,
non deſinet.

Adhuc acriùs dimicat, ictumque vibrat truculentiùs.
Hinc illa (inquit) arma contra Reges ſæpiùs ſumpta, quoties
religionis ſuæ proſtitenda libertatem iis eripere conati ſunt. Hinc
eorundem ſeditiones, ac tumultus, partim in inferiori Belgio
aduerſus Hiſpanum, partim in Suecia aduerſus Polonum Reges
Catholicos. Nobis etiam Iunium Brutum, Buchananum,
Barclaium & Gerſonem exprobat. Quem hæc in finem
non video, aut quid præſidij ferant ad Regum depofi-
tiones ſtabiliendas; eas præſertim, quæ à Romano tri-
pode exierunt. Quinetiam quæ in medium proferit,
longè abſunt à veritate. Neque enim ad aures meas vn-
quam vel ſando adhuc peruenit, Proteſtantes Gallica-
nos aduerſus Regem ſuum arma ſumpſiſſe. Primo bol-
lo inſteſtino inculpata tantùm tutelæ ſtuduerunt; nec
prius aperto Marti ſe accinxerunt, quàm ferro flammis-
que vndique impetiti ſtrages paſſi eſſent, ac lanienas.
Nec verò à religionis diuortijs diſſidia illa Gallicana pri-
mo promanarunt; ſed ex eo quòd, impubere ac mino-

renne adhuc Francisco II. Regij sanguinis Principibus à Regis conspectu abdicatis, Aulâque pulsus perfugio fuerint Protestantes: inprimis hodierni Regis, nec non Principis Condæi aus honoratissimis, iam tum afflictis, omnique, quo se reciperent, præsidio destitutis. Quo quidem nomine esse iam Protestantes non dubito Regi Nepoti acceptiores, & chariores. Alios motus, armorumve impressiones eis nemo iure imputârit. Imo verò contrâ anon liquidò constat, immissas Henrici III. cohortes instructissimas illis funditus exterminandis? eos postea tamen Regi eidem laboranti, ac in angustias redacto suppetias attulisse? Numquid obscurum est illorum operâ Regem eundem in vrbe Turonensi ingenti periculo liberatum, adeoq; mortis faucibus ereptum? Annon, feruente tetra illa defectione, cuius facibus oleum instillante Papa, Gallicani pars regni maior, Cleri maxima in furores turbidos exarsit, illorum fide ac constantiâ primum Tertius, dein IV. Henrici semper defensi sunt, circumque vallati? Annon sub vexillo semper Regio militarunt, Regum saluti excubarunt, Regijs cohortibus copias suas auxiliares adiunxerunt? Annon tot impetita ictibus, tot vacillans concussionibus corona Gallicana, ne in terram procideret, illorum manu sustentata est, Regioque capiti affixa? Annon denique luce clarius constat, eos ipsos, qui Regem nuper defunctum sceptro prohibuerunt, ferro, turbisque infestarunt, summâ quidem iam frui tranquillitate, republicâq; florente; sed quorum laboribus comparatâ, quorum fide officiisque procuratâ, quorum sudore ac sanguine emptâ, nisi puriorem religionem profitentium? Qui tamen hic publico

lico scilicet odio propirantur, non quod in fidei controuersijs tritam deserant semitam, sed quod nolint coronam Franciæ Regiam Papali manicæ suspendi, quod omnes Francos velint genuinos esse Francorum Regis subditos; quod denique optent, ac strenuè suadeant, ne lites de matrimonijs Beneficijsue Ecclesiasticis contestandæ cogantur peregrinari, Alpes atterere, Tyberimque circumsonare: neue regnum Gallicanum, falsâ pietatis specie factum olim tributarium, Annatarum, similibumque harpyarum vncis, fusciniisque dehinc exenteretur.

Sed quid ego his immoror? Ipse hanc ab ijs calumniam depellit Cardinalis, cum hoc de Regibus per Papam deponendis dogma per Franciam vniuersam vsque ad Caluini tempora asserat obtinuisse. Ita tacitè quidem fatetur, Reges prioribus sæculis malè habitos; ab ijs autem, quos hæreticos salutat, Scripturas in medium productas; inde Regum iura, ante Paparum fraude ac tyrannide sepulta, luci reddita, orbique propalata. Quod Belgas, Suecosque attinet, eorum exempla factum sapiunt peculiare, nec vllam in partem quæstioni nostræ inferuiunt. Illis, citra religionis causam, etiam politica suppetunt rationes: quibus dijudicandis ego me hic arbitrum non interpono.

Quem nobis obtrudit, Iunius Brutus noti nominis est, ignoti hominis: a Romanensi fortè aliquo per stropham consarcinatus, eo fine vt reformatam religionem Principum odijs degrauaret.

Buchananum inter poetas numero, non Theologos. Qui si in voces aliquando proruperit male temperatas, feruido eius ingenio, temporumque illorum turbini, non

rectæ, quam imbiberat, religionis placitis regulisque illud imputandum.

Barclaius, quem allegat, de Regibus non loquitur de trudendis, sed cum ipsi se Regno sponte abdicarunt, tum demum pro non-regibus habendos concedit. Qui autem Regi liberam permittit optionem imperij vel retinendi, vel deferendi, non ideo eundem Papæ submittit deturbandum.

De Gersone satis a nobis supra disputatum; ac quæ illi larua a D^{no} Perronio induta, ostensum. Verbo hos omnes ut absolvam, non est mihi animus singulas præstare priuatorum sententias: Id nobis abunde satis est, quòd in religionis nostræ penetralibus nulla lateant huiusmodi seditionum monstra, in scholis nostris nulla tradantur instituta, quibus iurata obedientiæ religio consceleretur, in Ecclesijs, synodisque nostris nusquam in hanc perfidiæ tesseram exitialem, portentosamque conspiretur.

Richerius.

Quod si Francorum quispiam, aliter olim animatus, mutatâ iam sententiâ pro Regum libertate contra Paparum insolentiam sentiat, is profecto, quod errore tam turpi, ac pernicioso se extricauerit, dignus est, qui serio laudetur, ac nostro Cardinali sanioribus institutis valedicenti longè præponatur, vel etiam opponatur. Horum & motus contrarij, & metæ aduersæ. Hic nempe a malo ad bonum redux, ille a bono ad malum transfuga.

Tandem aliquando orationi suæ calcem concinnum adaptaturus, copiosas Regis sui, qui iam rerum potitur, laudes cantillat. Eum Ecclesiæ filium appellat primo-genitum

genitum, gemmantemque lilij propaginem : cuius pulchritudinem nec Salomonis pompa triumphalis adæquârit. Tum nos in historiarum prata manu ducit ; quibus vel conspectis nos edoceri ait, quamdiu cum sede Apostolica concordiam coluerint, Papisque adhæserint Franciæ Reges, quamdiu Ecclesiæ sponsus inter lilia fuerit pabulatus, tamdiu eam verâ beatitate floruisse regionem, tum in Regum populique capita bonis temporalibus, donis spiritualibus affatim depluisse. Contra autem quoties à cathedrâ sacrosanctâ se abiungerent, toties lilia spinis esse obfessa, aculeatisque calamitatum omnium senticetis obruta, & suffocata elanguisse.

Ego verò apertè rotundèq; respondeo, hæc nihil syncerum sonare ; nec hominis subditi esse, laudum incantamentis Regium caput demulcere, summum interea sceptri apicem furtim deprimere, lutoque immergere. Quid enim facit aliud, qui Regi, vt seruitutis iugum induat, felicitatis nomen obtendit ? Sed quoniam ad experientia, historiaeque vocem amandamur, videamus num crebris à Romanâ sede secessionibus regni illius felicitas corrupta olim fuerit, aut etiam interrupta. Philippi quidem Pulchri tempora pax alma prosperique successus bearunt ; etiam inter feruidos cum Sancto Patre conflictus, satisq; acerbis Pontifici in os regestas contumelias. Ludouicus XII. cohortes aperto Marte fudit Pontificias : Iulium II. Papatu excidisse palam pronunciauit, ipsique Romæ Babylonis cognomentum adscripsit, non chartis exaratum, sed nummis incusum aureis : Ipse interim ita suis omnibus charus, ita apud externos illustris, vt Patriæ Patris cognomen reportarit.

Maiorem

Maiorem mihi domestica, & propria faciunt fidem. Mea magna Britannia, tum verè Magna, tum demum quàm vnquam antea, pace beatior, vbertate affluentior, thesauris cœlestibus cumulatioꝛ, postquam Papali ferulæ subduxit manum, postquam legatos aurifugas Beati Petri vectigal corrasuros expectare desijt; postquam Angliæ Reges tricornone numen seruili obsequio non sunt amplius venerati, nec Monachorum virgulas cute suâ attriuerunt. Quid Holandiam, Zelandiam, Phrisiam commemorem? quàm tenues olim, exilesque prouincias, quantis iam, diuino munere, opibus auctas, quantis militiæ, industriæ, artium munimentis ornamentisque splendidas, ex quo, dissipatis Papalium superstitionum tenebris, gentes illas diuinitus obortus Euangelij dies illustrauit? Serenissima Venetorum resp. nunquid Solem experitur magis torridum, num mare magis fluctuosum, num ciues minùs frugi, ex quo Pontifici gemellorum gladiatorum alterum de manu nuper extorsit, eiusque dominio temporali plumas auulsit, vel potius neruos elisit? Ex altera autem parte, Franciæ Reges, postquam in Pontifices Romanos primo vrbes regionesque, quas in Italia possidebant, amplissimas, dein Auenionensem in Gallia Narbonensi Comitatum contulissent, à beneficiariis suis ingratissimis satis quidem inclementer, duritèrque sunt excepti. Romani Pontifices, vt donationum Pepinianæ, ac Carolinæ memoriam obliterarent, illam sub Constantini nomine fictitiã orbi obtruserunt. Iidem Pontifices regnum Gallicanum seditionibus, turbisque inquietarunt; Ludouici Pij Regis integerrimi, atque innocentissimi degeneres filios

ac

ac rebelles in patrem acuerunt. Iidem Romani Pontifices regnum illud pijs scilicet fraudibus, artibusque quæstuarijs expilârunt, quorum vt avaritiæ metas saltem aliquas, ripasque opponerent, Franciæ Reges salutarem *Pragmatica sanctionis* obicem construxerunt. Iidem denique Pontifices regnum illud Interdicto sæpius damnârunt, Reges maiestate, sceptroque spoliârunt, vicinos ad regnum inuadendum, populum ad Reges suos debellandos extimulârunt. Vnde bella, squalor, vastitas, regumque parricidia insequuta. Nouissimum humani generis monstrum *Rauillacus* hanc facinori patrando rationem caussatus est, quòd Rex, inquit, Henricus Deo bellum intulisset: hoc est, in Papam bellum fuisset meditatus. Regicidæ scilicet Deo semper pleni, sed suo. Quo magis profecto miror D^{no} Cardinali quid in mentem venerit, quòd postremos Galliæ motus inter exempla numerauerit infœlicium à Papa secessionum: cum à Papa ipso, eiusque incendiarijs ex bellorum faces sint accensæ, atque eiaculatæ. Si, Pontifice per Regem, populumue Gallicanum læso, atque offenso, illi genti aliunde, quàm a Româ, increbuisse damnosa tempestas, puta cælitus immissa pestis, aut fames, hæc fortè speciem præ se ferrent aliquam Dei iniuriam Vicario suo illatam vindicantis. Cum autem se Papa horum malorum artificem, fabrumque præstiterit, non iam Deus Papæ vlciscitur iniurias: sed Papa suas: imo non suas: sed, quod peius est, plane nullas. Gentem igitur aliquam damnorum præteritorum recordatione excitare ad Papæ gratiam aucupandam, ei que nexu insolubili adhærendum, non est suadere vt ametur Papa,

T

sed

sed calamitatum, quas submisit, atque infixit Pontifex, memoriam refricare, ac eiusdem minas, & fulmina terro-
rori obtendere, quæ nemini, nisi superstitiosè meticulo-
so vnquam nocuerunt: meo certè regno mirum in mo-
dum profuerunt, plenosque coelestium benedictionum
imbres in populi mei capita deuocârunt.

Quòd si quandòque contigerit tum floruisse Galli-
am, cum Papam amore & reuerentiâ prosequuta est,
hoc inde euenit, quòd Regum prosperâ vtentium for-
tunâ Pontifex amicitias ambire soleat. Non ideo Re-
gibus succedunt ex voto omnia, quòd cum Papa suauiter
in vnum conspirent: sed ideo Papa aspirat Regibus,
quòd eorum opes potentiamque intueatur. Hirundi-
nes veris non causæ sunt, sed comites: Regnorum fœ-
licitatem Papa sequitur, non ferit; inuenit, non inuehit.
Sin gentem quampiam funesta peruaferit calamitas, si
in regni visceribus bellum coquatur intestinum, reip.
periculosum, ciuibus formidabile; statim consurgit, qui-
escere nescit, ac (ita saluandarum animarum curâ lauci-
atur) medijs se turbellis insinuat, ad commune incendi-
um accurrit, non restinguendi causâ, sed diripiendi.
Si, victo & oppresso Rege, nouus regno dominus sit
induendus, ita negotium nectit Pontifex, vt recens ille
Solij infessor eius auspicijs regnum adeat, eius nutu ad-
ministret, eius denique se agnoscat beneficiarium. Sin
brutis Papæ fulminibus frustra displosis, Rex prior ho-
stiles copias fregerit, continuò ad victorem serenus,
suauis, gratulabundus accurrit Sanctus Pater, omnes in-
dulgentiarum thesauros aperit, eumque, quem modo
pessundare non valuit, iam misericordiæ gremio fouet
ac amplexatur.

Isthac

Isthac per orbem Christianum iamdiu pestis inua-
luit, occulto, iustoque Dei iudicio, Regibus stuporis
spiritum incutientis. Quibus per sæcula iam non pauca
in summâ rerum ignoratione versantibus, ac superstiti-
onum nube obuolutis, regna interim, sub fallaci pietatis
vmbra, tributis onerata, atque exhausta sunt, ac ipsa dia-
demata seruitutis iugo fœdè mancipata. Qui corda
Regum manu librat, ac pro arbitrio, velut aquarum du-
ctus, facile inflectit, solus potest, cum sibi visum fuerit,
eosdem è somno hoc profundo excitare, solus, excusso
veterno, prohibere, ne eorum ampliùs patientiæ insul-
retur, potentiæ illudatur; qui iamdiu, quasi tauri ro-
bustissimi filo tenui a puerulis circumducti, ita iniectis
conscientiæ laqueis inanibus, authoritatem suam con-
stringi passi sunt, captivamque post Pseudopetri currus
triumphales traduci maiestatem. Illi Regum Regi scep-
trum meum supplex submitto, illi diadema ad pedes
venerabundus aduolo: illius me mandatis famulum,
prælijs pugilem exhibeo. Huic præsertim causæ adeo
iustæ, ac necessariæ assertor lubens prodeco; palàmque
orbem Christianum vindicias postulo secundum me-
am, meorumque, quos in solium euexit Deus, fratrum
libertatem: paratus semper & calamo, & gladio tueri,
a solâ diuinâ pendere Maiestatem Regiam. Cuius splen-
dorem radiolosque, qui hoc caput ambiunt, om-
nes æterno, a quo euibrati sunt, luminum Pa-
tri reflexionis ordine remitto, famulatus
iure debeo, omni officio voueo,
humiliterq; consecro.

**

